




5C.7.

5.7.70

1850



NOVA ET GENERALIS
INTRODUCTIO
A D
PHILOSOPHIAM

AUCTORE
CLAUDIO FROMOND
IN PISANO LYCEO PHILOSOPHIAE
PROFESSORE.



VENETIIS,

M. DCC. XLVIII.

Typis JOSEPHI BERTELLA.
SUPERIORUM PERMISSU.

THE
JOURNAL OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND



THE JOURNAL
OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND

AMPLISSIMO ET REVERENDISSIMO

D. D.

ALBERICO ARCHINTO

NICÆE ARCHIEPISCOPO

PONTIFICIS MAXIMI

APUD POLONIÆ REGEM

ORATORI

LEGATI DE LATERE

AUCTORITATE FULGENTI &c.

f. fulgenti

Claudius Fromond.



*Uum non immerito existi-
marem bisce meis lucu-
brationibus quærendum esse aliquem sum-*

*

2

ma

inæ sapientiæ , & auctoritatis Virum ,
eundemque Patronum præstantissimum ,
qui si eas penitus non despexisset , sed
nominis sui præclarissimi iis prætenden-
di fecisset potestatem , bene mecum res
acta esset , sententiam hanc meam cum
doctissimo viro , meique amantiſſimo con-
suli . Neque producta longius consultatio
fuit , quum in eximias laudes tuas ,
PRÆSUL AMPLISSIME , sermo sensim
incidere , tuusque imprimis erga eos ,
qui severioribus potissimum disciplinis
dant operam ; favor , ac patrocinium u-
triusque nostrum obversari animis cœ-
pit . Interim Generis tui vetustissimam
claritatem , amplissimam a Te vel pri-
mum ab incunte ætate in celebri Lotba-
ringica Academia , longoque deinde stu-
dio , diaturnisque per Galliam , Germa-
niam , Hollandiam itineribus compara-
tam doctrinæ copiam , singulares illas
animi dotes , quæ ad conciliandas , ac
de-

*devinciendas Tibi omnium voluntates
 plurimum valent, eo facilius commemo-
 rare potuimus, quo certius Te procul
 absente, suspicio nulla adsentationis erat,
 quam odio plusquam Vatiniano prose-
 queris. Quid? quod satis perspectum
 est, permagnam ad laudes tuas factam
 esse accessionem summa Pontificis Maxi-
 mi sapientia, a quo quum primum in
 Etruriam, deinde in Poloniam Apostoli-
 cae Sedis Legatus missus fueris, ea res
 praclari admodum gravissimique testimo-
 nii eximia Virtutis tuae auctoritatem pro-
 fecto habet. Jamque non illud cogita-
 bam, quanta plenum opus aleae esset,
 novas de Philosophicis rebus opiniones
 in medium adferre, & quam difficile sit
 omnibus omnino satisfacere, simulque re-
 meritatis notam effugere; sed verendum
 mihi potius esse animadvertendam, ne
 quid in hisce meis disquisitionibus repe-
 riretur, quod oculis & auribus tuis di-
 gnum*

gnum non reputares - Si tamen sapientissimo iudicio tuo saltem conatus mei cum flagrantissimo veritatis inveniendæ ardore conjuncti probati essent, satis præsidii adversus male feriatorum hominum obrectationes, atque calumnias jam tum mihi fore sperabam . Qua quidem spe fretus, ac recreatus, oro, obtestorque Te, ANTISTES EXCELLENTISSIME, ut hoc observantiæ meæ, qualecumque tandem sit, specimen benigne excipias, laboremque hunc meum in publicam lucem tuo Nomini inscriptum prodeuntem pro ea, qua præstas, comitate, atque humanitate tuearis.

PRÆ-

P R Æ F A T I O .



Uum Logices officium sit naturalem cogitandi , ratiocinandique facultatem perficere , habenda est eadem ut generalis ad universam Philosophiam , hoc est ad omnes omnino disciplinas , introductio . Quare inter Logicam , & alias disciplinas ea relatio intercedat necesse est , qua sicuti Logica instrumenti rationem habet , quo disciplinarum rudimenta syntheticè , nempe a generalioribus procedendo ad particularia , ordine declarentur ; ita vicissim eadem Facultates maximo adjumento esse debeant , quo ad Logicam ipsam ritè assequendam , expoliendamque , analyticè , hoc est a particularibus ad generalia procedendo , perveniamus . Quo igitur gradu perficiuntur disciplinæ , eodem suos progressus facere deberet Logica . Veruntamen quantum feliciter , atque sapienter , hoc potissimum sæculo , doctissimi Viri sedulam navarunt operam in augenda , perpoliendaque ea Logicæ parte , quæ tum emendandæ , tum dirigendæ menti in peculiaribus veritatum generibus investigandis plurimum inservire potest ; tantundem inculta , & in antiqua veluti barbarie relicta videtur altera , licet potissima eiusdem Logicæ pars , in qua omnia humanæ mentis objecta tam varia , tamque simul confusa distingui in summa , & propria capita debent , ut unum ab alio ritè sejunctum percipi , deprehendique possit , quæque cogitationum nostrarum , & speciatim iudiciorum , & argumentationum naturam expendit . Quam obrem quum partis hujus dese-

Atum non minus quam necessitatem aperte cognoverim, utpote quæ ceterorum fundamentum est; in hac unicè pertractanda peculiare studium conferre non levi fortasse ausu conatus sum, id saltem ratus, quod si opus perficere mihi non contigerit, aliis tamen occasione esse possim, qua sententiis meis rite perpenlis, postremam operi tam necessario manum admoveant; atque ita plurima, quæ prout explicari solent in Logicis, aut nullius, aut mali videntur usus in veritate tum inquirenda tum demonstranda, in maximum, optimumque usum convertantur.

In hunc igitur finem paucis, & generatim exposita Relationum idea, demonstratur cognitiones omnes, quas de quolibet objecto consequi possumus, in Relationibus esse positas. Hinc suprema entium omnium genera distinguuntur in Res & Relationes, ex qua entium distinctione, totius Operis divisio in duas partes oritur, quarum prior de Relationibus, altera de Rebus agit.

Quæ de Relationibus est, tot habet capita, quot sunt veluti adspectus, secundum quos Relationes ipsæ in ea expenduntur. Et licet plurima, quæ hic ordine congesta explicantur, nullius alicui videri possint momenti, maximus tamen eorum usus in altera parte apparebit.

Pars altera, Rerum complectitur divisionem in sex suprema genera, quæ probantur esse 1. Simples Substantiæ. 2. Vires, quibus ipsæ Substantiæ a Natura, hoc est a Deo tamquam Auctore Naturæ afficiuntur, ut præstitutos ab ipso Deo effectus edere valeant. 3. Naturales effectus. 4. Varj Modi, quibus effectus ipsi eduntur.

tur, 5. Tempus. 6. Spatium. Peracta capite primo
divisione Rerum, caput secundum agit de Tem-
pore & Spatio. Demonstratur motum illum suc-
cessivum, qui de Tempore communiter affirma-
tur, non esse nisi improprium. Temporis quo-
que duratio, ejusdemque durationis quantitates
explicantur. Respondetur Leibnitio docenti Spa-
tium & Tempus non esse Res; sed illud esse
ordinem coexistentiarum; tempus verò esse or-
dinem successionum. Declaratur extensionem Spa-
tio tribui non posse nisi relatè ad ea, quibus ob
exiguitatem eorum sunt inæqualiter præsentæ
partes Spatii; minimè autem relatè ad Deum,
cui ob immensitatem suam sunt omnes partes
Spatii æqualiter præsentæ. Ad idem quoque
Spatium pertinere immensitatem cum Divo Au-
gustino affirmatur; indeque inferitur ejusdem Spa-
tii durationem sui generis esse æternam. Caput
tertium simplicis Substantiæ ideam exponit. Ca-
put quartum de Viribus generatim pauca com-
plectitur, easque distinguit in Vires, quibus in-
structæ sunt Substantiæ materiales; & in Vires,
quæ ad Substantias immateriales pertinent. At-
que juxta hunc ordinem de præcipuis Viribus,
quæ ad immateriales Substantias pertinent, in
hoc opusculo disseritur; priores verò in alio
opere, quod Physicam complectetur Deo dante
a nobis explicabuntur. Caput quintum, quod
de cogitandi Vi, ejusque speciebus inscribitur, de-
monstrat primam illam intellectus operationem,
quæ simplex Apprehensio a Logicis dicitur, &
distingui solet a judiciis, esse judicium; & in
mutua duorum objectorum comparatione consi-
ste.

stere primam, & generalem cogitandi rationem, cujus inferiora genera enumerantur. Capite sexto agitur de Vi judicandi, hoc est de judiciis & propositionibus, quarum partes essentielles, quæ communiter existimantur tres, nempe Subjectum, Attributum, & Copula, sex a nobis constituuntur. Tum quæ sint partes integrales ad quamlibet essentialem pertinentes, explicatur. Et hinc plurima erui possunt, quibus verus propositionum sensus in apertam lucem proferatur. Caput septimum varia complectitur circa veram affirmationem, veramque negationem propositionum, prout eadem propositiones expenduntur, relatæ ad ipsarum munera. Capite octavo propositiones simplices, compositæ, complexæ, & incidentes juxta nostram propositionum ideam explicantur: qua occasione nonnulla ostenduntur, quæ, ut nobis videntur, minus rectè dicta sunt a Logicis, veluti sunt plurimæ propositiones complexæ, quæ ab ipsis habentur ut compositæ. *De vi, modoque ratiocinandi nec non de ipsa ratiocinatione* inscribitur Caput nonum, in quo idea ratiocinationis peculiari methodo exponitur, quam non prorsus inutilem fore confidimus. Caput decimum explicat quid sit Fundamentum ratiocinationis, quod nempe, si rectè homines deprehendunt, ratiocinantur ut homines decet ratione utentes; eodem autem neglecto, similes brutis animantibus esse videntur. Capite undecimo declarantur varix rationes, quibus una, eademque ratiocinatio proferri potest. De ratiocinationibus compositis agitur Capite duodecimo. Caput tertiumdecimum ostendit quomodo investigari debeant

beant ratiocinationum Fundamenta; quibus inventis faciliè de ipsarum validitate dijudicari potest. Qua verò ratione sit expendenda ratiocinationum validitas; variis regulis, & exemplis declaratur Capite sequenti. Postremo denique Capite quatuor delectis ex insignioribus Mechanicorum demonstrationibus, regulæ ipsæ ad earum validitatem examinandam fusius applicantur: non quod longiori sermone Mathematicos brevitati admodum consulentes distingere velim, sed ut iam expositâ methodus luculentius declaretur.

Hoc autem ipso Capite, veluti coronidis loco Mechanicas quasdam demonstrationes ad trutinam revocandas suscepi, quod quum magna pars, ut Plinius ait, studiorum amœnitates queramus, & quæ in Mechanica disciplina potissimum reperiantur, occurrendum hac ratione erat morositati eorum, quibus ratiocinandi regulæ exiles nimium, & propemodum importunæ, ac molestæ videri solent. Neque verò quæ ab infirmi subsellii hominibus tradita sunt, sed quæ dignissimi laude Viri excogitarunt expendenda esse putavi. Ita enim & quæ veritatis inquirendæ studio adductus animadvertero, momenti aliquid habere posse constabit, ac si forte aliorum *sphalmata* quædam, quæ humana parum cavet natura, apertissimè detegantur, nihil de doctissimorum Virorum existimatione detractum erit, quorum profecto nomina nullæ reperientur tam ingratae litteræ, quæ summis laudibus non prosequantur. Quare nemo erit, puto, qui mihi jure succenseat, quod pauca quædam hoc loco discutere auferim, quæ Præceptor meus adeoque

que de me optime meritis Guido Grandius, & Ioannes Polenus Vir & ipse celeberrimus publici juris fecerunt.

Quibus omnibus, ut ordo a me in hoc opere servatus primo adspectu dignosci facile possit, breviter per quamdam veluti Synopsin expositis, volo interim sciat benevolus Lector me non rerum novarum studio, non dissentendi rixandi, que cupiditate, sed flagrantissimo veritatis investigatione, inveniendaeque ardore ad hæc scribenda fuisse compulsam.

I N D E X

C A P I T U M.

DE *suprema omnium nostra mentis obiectorum*
divisione. pag. 1

PARS PRIMA De Relationibus. Caput I. De
Relationibus relatè ad modum, quo eadem per-
cipiuntur, nempe de ratione qua percipiuntur
relationes. §. 6. 12

Cap. II. De Relationibus relatè ad compositionem;
simplicitatemque ipsarum, hoc est de compositio-
ne & simplicitate relationum. §. 7. 14

Cap. III. De Relationibus relatè ad usum, in quem
usurpantur. §. 10. 20

Cap. IV. De Relationibus relatè ad proprietatem,
improprietatemque sensus, in quo accipiuntur, &
vocabulorum, quibus enunciantur. §. 16. 30

Cap. V. De Relationibus relatè ad modum, quo
inter suos terminos correlatos intercedunt. §. 20. 33

Cap. VI. De Relationum compatibilitate & incom-
patibilitate mutua, nec non de mutua separabi-
litate & inseparabilitate ipsarum. §. 22. 36

Cap. VII. De Relationibus relatè ad constantiam,
variabilitatemque terminorum suorum. §. 25. 41

Cap. VIII. De Relationibus relatè ad homogeneita-
tem, heterogeneitatemque terminorum suorum;
nempe de Quantitatibus & Qualitatibus genera-
tis. §. 27. 45

Cap. IX. De Relationibus quantitatum, nempe de
Quantitatibus. §. 32. 54

Cap. X. De Relationibus Qualitatum, nempe de
Qua.

<i>Qualitatibus . §. 41.</i>	70
PARS ALTERA. De Rebus.	73
<i>Cap. I. De supremis Rerum omnium generibus. §. 43.</i>	74
<i>Cap. II. De Tempore & Spatio. §. 46.</i>	78
<i>Cap. III. De simplici Substantia. §. 61.</i>	100
<i>Cap. IV. De viribus generatim. §. 63.</i>	104
<i>Cap. V. De cogitandi Vi, ejusque Speciebus. §. 64.</i>	106
<i>Cap. VI. De Vi judicandi, nec non de judiciis, & propositionibus, earumque partibus tum essentialibus, tum integralibus. §. 70.</i>	120
<i>Cap. VII. De affirmatione, & negatione propositionum. §. 85.</i>	141
<i>Cap. VIII. De Propositionibus simplicibus, compositis, complexis, & incidentibus. §. 94.</i>	156
<i>Cap. IX. De Vi, modoque ratiocinandi, nec non de ipsa ratiocinatione. §. 106.</i>	179
<i>Cap. X. De Fundamentis Ratiocinationum. §. 109.</i>	188
<i>Cap. XI. De varietate rationum quibus exponi possunt argumentationes. §. 121.</i>	205
<i>Cap. XII. De Ratiocinatione composita. §. 126.</i>	218
<i>Cap. XIII. De ratione inveniendi argumentationum Fundamenta. §. 129.</i>	222
<i>Cap. XIV. De ratione expendendi ratiocinationum validitatem. §. 133.</i>	231
<i>Cap. XV. §. 140. Expositæ superiori capite Leges, quibus expendendæ sunt ratiocinationes, illustribus applicantur exemplis.</i>	248

ADPROBATIO.

DE Mandato, Reverendissimi P. D. D. Iohannis Ipsi totius Camaldulensis Congregationis Abbatis Generalis Librum, cui titulus *Nova & generalis Introductio ad Philosophiam &c.* Auctore P. D. Claudio Fromond ejusdem Congregationis Monacho, & in Pisano Lyceo Publico Philosophiæ Professore, attente perlegi, eumque nedum Catholicæ Fidei, sanisque moribus consonum, verum etiam Auctoris famæ, ac Congregationis nostræ decori maxime profuturum censeo, cum novam vere, rectam, expeditissimamque philosophandi viam ingeniosissime sternat. Quare merito publicam expectare lucem lubens profiteor.

Venetis ex Monasterio S. Michaelis de Muriano
die XV. Julii 1747.

*Ego D. Petrus Urseolus a Ponte Monachus
Camald. ac Philosophiæ Lector.*

Nos

Nos Dominus Iohannes Ipsi a Venetiis Abbas Generalis totius Congregationis Camaldulensis Ordinis Sancti Benedicti.

CUM librum; cui titulus est, Nova & Generalis Introductio ad Philosophiam, a D. Iohanne-Claudio Fromond Monacho nostro in Pisano Lyceo Publico Philosophiæ Professore compositum, P. D. Petrus-Urseolus a Ponte Philosophiæ Lector in nostro Monasterio S. Michaelis de Muriano, cui hoc ipsum a Nobis commissum fuit, in lucem edi posse censuerit, Nos facultatem Auctori præfato elargimur, ut eundem librum typis mandare valeat; si ceteris, ad quos spectat, videbitur. In quorum fidem has literas manu nostra subscriptas, & sigillo nostro munitas dedimus.

Datum Faventiæ ex nostro Monasterio S. S. Hippolyti & Laurentii die VII. Augusti 1747.

D. J. Abbas Generalis Camaldulens.

Loco + Sigilli.

D. Maurus Ortes Abb. Cancell. Camald.

NO.

NOVA ET GENERALIS^I

INTRODUCTIO

A D

PHILOSOPHIAM.

*De suprema omnium nostræ mentis
objectorum divisione.*



Uum in alicujus objecti cognitionem alios inducere volumus, ea mihi ratio usurpanda videtur, qua explicandum objectum primò in præcipuas ita dividatur partes, ut iisdem singillatim declaratis, ex ipsarum postea connexionem, objectum ipsum ex integro cognitum, perspectumque fiat, & penitus ab iisdem comprehendatur. Quare cum in universam Philosophiam, quæ scilicet omnium humanæ mentis objectorum cognitionem amplectitur, adolescentum animos inducere hoc opusculo cogitemus, eadem ab initio in sua suprema veluti capita discriminabimus. Priusquam vero aggrediamur divisionem ipsam exponere, duo animadvertere oportet, & ostendere.

A

dere.

dere. 1. Quid relatio sit. 2. Quidquid de objectis cognoscitur, relationem esse; hoc est cognitionem omnem, quam de quolibet nostræ mentis objecto consequi possumus, consistere in relationibus.

§. 1.

Relatio est quidquid a nobis percipitur in mutua comparatione duorum, hoc est dum aliquid ad aliud mente refertur. Ita si ex comparatione extensionis A cum extensione B perciperetur easdem esse inter se se similes, vel æquales, huiusmodi *similitudo*, vel *æqualitas* esset relatio, quæ inter comparatas extensiones percipitur intercedere, nempe ipsarum alteri convenire relate ad alteram. Extensiones vero, & generatim objecta, quæ simul conferuntur, appellantur *termini correlati* perceptæ relationis; & quidem *terminus antecedens* dicitur objectum, quod ad aliud refertur; objectum autem, ad quod refertur antecedens, vocatur *terminus consequens*.

§. 2.

§. 2.

Quod autem pertinet ad omnes nostræ mentis cognitiones, quas unice in relationibus versari diximus, ostendamus quidquid attinet ad cognoscendicujusvis objecti *naturam, essentiam, proprietates, qualitates, affectiones, virtutes, accidentia*, & si qua sunt alia, unice versari in relationibus, quas de ipso objecto relate ad alia quovis modo affirmari posse percipimus. Nimirum omnia, quæ de quolibet objecto cognoscuntur, affirmantur, vel ipsi tribuuntur, eidem tribui, deque ipso affirmari, vel cognosci, nunquam absolute, sed semper relate ad alia objecta, ad quæ idem scienter, vel ex simplici usu, vel natura refertur.

Quo vero hoc ipsum valide comprobemus, adhibeamus interim objectum, quod primum in mentem venit, puta *Hominem*, & expendantur indiscriminatim ea, quæ de ipso cognosci, affirmarique possunt, utrum absoluta sint, vel relativa.

Imprimis cognoscimus hominem esse

A 2

ani-

Queste cose *animal*, sed relate ad functiones anima-
 non sono *lium*; ipsum esse *rationalem*, sed relate
 relazioni, *sanum*, vel *infirum* relate ad consti-
 come s'intende, *tutionem mentis*, vel corporis, vel
 dono, perche *utriusque*; *bipedem* relate ad numerum
 la relazione *pedum*; *album*, vel *nigrum* relate ad
 riguarda *colorem*; *Christianum*, vel *Judæum* relate
 un non so *ad Religionem*; *probum*, vel *improbum*
 che d'estin- *relate ad mores*; *juvenem*, vel *senem*
 sato, come *relate ad ætatem*; *iracundum*, *placidum*,
 un braccio *humilem*, *superbum* relate ad animi pas-
 è una gran- *siones*; *doctum*, vel *indoctum* relate ad ar-
 senza maggio- *tes*, & *facultates*, quibus præstat, quas-
 riguarda a *ve ignorat*; *divitem*, vel *pauperem* re-
 una mano *late ad commoda vitæ*; *masculum*, vel
 palms. Egli *feminam* relate ad *sexum*; *patrem* rela-
 chiamarla re- *te ad filios*; *filium* relate ad *patrem*;
 lazioni quelle *Italum*, vel *Gallum* relate ad *nationem*;
 che sono costitutive dell' essen- *Ducem*, *Comitem*, *Marchionem* relate ad
 za intrinseca. Il nome è *bipede*, perche *dignitatem*; *medicum*, *fabrum*, *bibliopolam*
 ha due piedi: e i due piedi non suppongono *relate ad artem*: & sic de reliquis co-
 un numero distinto. Ma la *relazione* sup- *gnitionibus*, quas tum de homine, tum
 pone una distinzione. Padre dunque egli *de quolibet alio objecto consequi possu-*
 mus, dicendum est: eas nempe relativas
 semper esse ad aliquid, hoc est in rela-
 tionibus (§ 1.) consistere.

§. 3.

Verum cum his non obstantibus censere aliquis posset minime relativa esse plurima, quæ de objectis vulgò videntur absolute affirmari, animadvertimus præterea, ea vocari, & censerì absolute, quorum terminus consequens, ad quem scilicet ipsa referentur, minime advertitur, quod ex multiplici capite procedit.

1. Etenim absoluta vocari solent ea, quæ ad unum, eundemque terminum consequentem ab omnibus constanter referuntur; puta *Solem esse lucidum* videtur affirmari absolute, quia *lucis* affectio ab omnibus constanter refertur ad oculos; sed tamen, quia ad ipsos potius quam ad aures, vel ad alia objecta, lux ipsa refertur, ideo eandem de Sole non absolute, sed relate ad oculos cognosci, affirmarique concludimus. Nempe ea Solis affectio, ob quam ipse dicitur *lucidus*, est affectio relativa, quia Soli tribuitur tantummodo relate ad oculos: proindeque cognitio *lucis*, quam de

A 3

So.

*Servo dunque padrone. Di più la natura
delle Relazioni è di più a conversione:
figlio dunque padre & ella che si convertiva è
di più: Bianco dunque Uomo: uomo, dunque
bianco. Oppure: Bianco dunque colore*

colore dunque bianco. Distrugge, e guasta
tutta l'An delle Polarioni.

6

Introductio

Sole habemus in quadam relatione ver-
satur. Idem dicas de reliquis corporum
affectionibus, quæ ad reliquos sensus re-
ferantur; cuiusmodi sunt *sapores*, *odo-
res* &c. Similiter *gravitas* corporum ter-
restrium videtur affirmari de ipsis abso-
lute, quia cum eadem constanter refe-
ratur ab omnibus ad Tellurem potius
quam ad Lunam; aliumve Planetam;
minime consideratur terminus consequens,
ad quem *gravitas* ipsa refertur. Sed hac
ipsa ratione, quia scilicet non ad Lu-
nam, aliosve Planetas, sed ad Tellurem;
in quam corpora terrestria speciatim
gravitant; *gravitas* ipsa refertur; idcir-
co eandem non absolutam, sed reipsa
relativam esse dicendum est.

11. Terminus consequens affirmatæ rela-
tionis sæpe non advertitur, quia ratione
phrasis involvitur idem cum ipsa relatio-
ne, quæ de objecto affirmatur, quæque id-
circo quid absolutum videtur. Exempli gra-
tia, cum de triangulo æquilatelo affir-
matur ipsum esse absolute æquiangulum,
sensus propositionis est: *Angulos trianguli
æquilateri esse æquales inter sese*, hoc est
comparati relate ad se ipsos mutuo. Atque ideo æ-
qua-

qualitas illa, quæ de triangulo æquila-
tero videtur absolute affirmari, non af-
firmatur nisi de angulisejus, et quidem
non absolute, sed relate ad se ipsos mu-
tuo. Idque ad innumerabilia exempla
facile applicari potest.

III. Quando relatio, quæ de aliquo
objecto affirmatur, reapse refertur ad
majorem objecti partem, affirmari solet
illa non ut relatio, sed ut res *absoluta*:
neque ut relatio affirmari solet nisi il-
lud, quod ad minorem objecti partem
refertur. Sic absolute doctus dici solet
Liber, in quo multò plura sunt ea, quæ
approbari, quam quæ improbari meren-
tur, quasi pars major minorem ad se
traheret; idem vero indoctus minime
diceretur, nisi signanter relate tantum-
modo ad ea, quæ improbanda sunt, quip-
pe quæ minorem objecti partem consti-
tuunt. Ex quo constat, in quem sensum
accipienda sit exposita phrasis, qua Li-
ber ut *absolute doctus* affirmatur. Ea
enim phrase intelligitur illa, relate ad
quæ Liber affirmatur tamquam absolute
doctus, multo plura esse illis, relate ad
quæ idem appellari posset indoctus.

A 4

IV.

*Negli angoli
ognuno ha
lunghe intera,
e non vi
può essere
altro, che
una testa
guasta come
la vostra per
fare una tal
cosa, e aver-
la, con pue-
rità.*

IV. Item *absolute* affirmari aliquid de aliquo solet, quando terminus consequens, ad quem refertur affirmata relatio, universaliter, hoc est in tota sui extensione, sine ulla tacita partis exceptione accipitur. Ita cum dicitur homo esse *absolute* sanus, non intelligitur per hoc affirmatam sanitatem ad nullum terminum consequentem referri, sed intelligitur terminum consequentem ejus accipi sine ulla omnino exceptione, hoc est hominem affirmari sanum relate tum ad corpus, tum ad mentem. Contra vero de fatuo, nempe de homine, qui fatuus esset, affirmari non posset relatio *sanitatis*, nisi relate ad corpus dicendo, *ipsum hominem sanum esse corpore*, nempe relate ad corpus, quo ab affirmata relatione *sanitatis*, sanitas mentis excluderetur.

Alii fortasse casus non deerunt, in quibus plurima de objectis videntur cognosci, affirmarique *absolute*, quando re ipsa tantummodo relate ad aliquid cognoscuntur, affirmanturque. Sed ex iis, quæ hætenus exposuimus, generatim concludi posse censemus, omnia, quæ de

ad Philosophiam.

de quolibet objecto affirmantur, relativa esse, nempe cognitionem omnem, quam de quolibet objecto consequi possumus, versari unice in relationibus.

§. 4.

Quæ cum ita sint, primæ quoque cognitiones, quas de objectis alioquin incompertis assequimur (quandoquidem de objectis non aliudquam relationes cognoscuntur (§. 2. 3.) & quarum ope objecta ipsa incipiuntur agnoscere, relationes erunt: imo, ut rem attente consideranti patet, relationes erunt, quarum subiecta, nempe termini antecedentes, sunt ipsa cognoscenda objecta, earundem vero termini consequentes sunt sensus nostri, ut *visus, tactus, palatus* &c. cum quibus ipsa cognoscenda objecta primo comparamus, licet comparationes ipsæ minime advertantur, quia ex usu, vel saltem ex natura fiunt. (§. 3. n. 1.).

Nulla igitur percipi potest relatio, nisi ejus termini correlati præexistent. Ita nulla *colorum* relatio percipi posset, si tum

relatus ad
obiectum,
nego; relatus
ad aliud, nego;
quia quod
in relatione
adpellat, non
est relatio,
sed natura
rei.

si tum corpora, de quibus affirmantur colores, tum oculi, ad quos relationes colorum referuntur, minime existerent. Quare necesse est, ut termini correlati earum relationum, quas primo percipimus, quæque primas nostræ mentis cognitiones constituunt, relationes minime sint; aliàs relatio, quæ tamquam primo percepta ponitur, prima non esset.

Dantur igitur in natura objecta quædam, quæ relationes non sunt, sed relationum, in quibus primæ humanæ mentis cognitiones consistunt, sunt veluti fundamenta, hoc est termini correlati.

§. 5.

QUamobrem si hujusmodi objecta, quæ relationes non sunt, sed primarum relationum fundamenta, terminive correlati ipsarum, vocentur *Res*, plane quisque percipiet, omnia nostræ mentis objecta relate ad perceptionem nostram distinguui in duo suprema genera, quæ sunt *Res*, & *Relationes*, intelligendo nomine Rerum, objecta illa, inter quæ simul comparata intercedunt relationes, quas
cogi-

cogitatione *primo* assequimur (§.4.) Nominine vero relationum ideas omnes, cognitionesve; quas de quolibet objecto relate ad aliud percipimus; ut *similitudo*, quæ percepta inter Titium; & Cajum intercedere; efficit ut Titius dicatur similis Cajo; nempe relate ad Cajum.

Itaque cum suprema; nempe simplicissima entium; objectorumve omnium genera ad hæc duo restringantur; *Res*; atque *Relationes*; de iisdem ita agemus, ut diviso opere in duas partes, alterà *Res*; alterà *Relationes* explicentur. Cum vero omnia nonnisi per varias relationes cognosci; & declarari possint, (§.2.3.) in prima parte de Relationibus, in altera de Rebus differemus.

PARS PRIMA

DE RELATIONIBUS

CAPUT I.

*De relationibus relatè ad modum, quæ
eadem percipiuntur, nempe de
ratione, quæ percipiuntur
relationes.*

§. 6.

Duplici ratione percipi possunt relationes. Nimirum ex immediata terminorum suorum comparatione, vel eas inferendo ex alia, pluribusve relationibus.

Quum relatio ex: ca: *dulcedinis* percipitur ex immediata comparatione Sacchari cum palato, eam dicimus perceptam ex immediatâ terminorum suorum comparatione.

Si vero relatio ex: ca: *aequalitatis* inter duos circulos percipiat ex relatione *aequalitatis*, quam inter se habere deprehenduntur ipsorum diametri, eam dicimus deductam ex alia relatione,
Quem-

Quemadmodum dices eandem deducam ex duabus relationibus, si percipias ipsam inferendo ex duabus relationibus *æqualitatum*, quas iidem circuli singillatim haberent relate ad tertium circulum. Veluti cum ex eo, quod tum circulus A, tum circulus B sint æquales circulo C, inferitur circulum A esse æqualem circulo B, hoc est relate ad circulum C.

Relatio autem, quæ ex alia, pluribus relationibus inferitur, potest ex iisdem inferri tum immediate, tum intercedentibus aliis relationibus. Sed de hoc fusius ubi de ratiocinationibus compositis agemus.

non relate,
sed absolute
inter se: nam
Circulus C non
est nisi veluti
quædam mensura

CAPUT II.

*De relationibus relate ad compositionem,
simplicitatemque ipsarum, hoc est
de compositione, & simplici-
tate relationum.*

§. 7.

Cum omnis cognitio, quam de quolibet objecto habemus, consistat in relationibus (§. 2. 3.) nempe cum de objectis nil aliud cognoscatur quam relationes, hoc est unica relationum ope cognoscantur a nobis objecta; ideo non alia ratione quam relationibus ipsis per quas objecta cognoscimus, eadem objecta indicare possumus aliis, quos alloquimur. Sicuti vero tum unica, tum pluribus relationibus singulare objectum cognosci a nobis potest; puta *colore*, vel *colore* simul & *sapore*; ita tum unica, tum pluribus idem indicandum esse videtur. Imo ubi multiplici relationum numero aliquod objectum indicandum est, totidem videntur usurpandæ esse voces, quibus exprimendæ

mendæ relationes significantur. Verum ne hac multiplicitate vocum, sermonis concinnitas depravetur, ideo uni, eidemque voci sæpe invenitur communi hominum consensu datam esse facultatem plurimas simul relationes significandi, quo ea voce audita, statim relationes ipsæ simul percipiuntur. Quare hujusmodi voces, quæ singulæ plurimas simul relationes significant, relationem ex ipsis relationibus compositam significare dicimus.

Exempli causa, duæ illæ relationes *longitudinis*, & *latitudinis*, quibus peculiare aliquod objectum cognoscitur, usurpari explicite non solent ad objectum ipsum indicandum, sed earum loco *superficiæ* nomen compendiosius adhibetur: quod cum easdem relationes sensu complectatur, ideo relationem ex iisdem compositam significare affirmamus; singulas verò relationes componentes, *longitudinis* scilicet, & *latitudinis* dicimus esse simplices relate ad relationem *superficiæ*, quæ ex ipsis componitur.

Similiter si aliis indicandum esset objectum, quod cognoscimus esse *substantialē*,

le, impenetrabile, longum, latum, profundum, grave, vegetans, cogitans, rationale &c. hoc est objectum, quod nobis cognitum est relationibus *substantia*, *impenetrabilitatis*, *longitudinis*, *latitudinis*, *profunditatis*, *gravitatis*, *vegetationis*, *cogitationis*, *rationalitatis* &c. si, inquam, indicandum esset aliis hujusmodi objectum, molestum esset eas omnes relationes singillatim enunciare. Ideo brevitate gratia unica vox *homo* ad ipsum indicandum usurpatur, utpote quæ relationem *humanitatis* significans, omnes simul recensendas relationes sensu complectitur, & indicandum objectum brevius enunciat. Quare relatio *humanitatis* dicitur a nobis *composita* ex præfatis omnibus relationibus, quæ reciproce relate ad ipsam *simplices* vocari possunt.

§. 8.

Hinc objectum, quod aliqua relatione composita enunciat, expendi potest per totidem adspectus, quot sunt relationes simplices, quibus usurpata relatio componitur. Ita objectum, quod nomine,

mine, relatione ve composita *superficie* enunciatum, expendi potest tum relate ad *longitudinem*, tum relate ad *latitudinem*, hoc est secundum longitudinem, & secundum latitudinem.

Objectum quoque, quod nomine *hominis*, relatione ve *humanitatis* indicatur, expendi potest prout est *substantiale*, vel *impenetrabile*, vel *grave*, &c. hoc est relate ad *substantiam*, vel relate ad *impenetrabilitatem*, vel *gravitatem* &c.

§. 9.

QUare hinc regula erui potest tum aliorum dicta expendendi, tum nostra rite exponendi.

Ubi enim aliquid de objecto affirmatur, quod relatione composita exprimitur, videtur, ratione phrasos objectum indicantis, affirmatio objectum ipsum respicere secundum omnes adspectus ejus, cum re ipsa plerumque unicum ex iisdem adspectibus eadem affirmatio respectet. E. C. si quis affirmaret *annulum aureum aequari annulo argenteo*, nempe relationem *aequalitatis* convenire *annulo aureo*

B rela-

relate ad *annulum argenteum*, videretur ratione phrasidis annulos ipsos accipere secundum omnes adspēctus eorum, hoc est relate ad *pretium* relate ad *extensionem*, relate ad *pondus* &c. cum nihil horum speciatim vel determinetur, vel excludatur. Et tamen evidens est, quod si affirmata relatio *æqualitatis* re ipsa dirigatur ad annulorum *extensionem*, referri eadem simul non possit ad ipsorum *pondus*: adeoque ipsi annuli accipi non debent sub eo generali sensu, quo indicantur.

In hoc igitur, & similibus casibus sedulo inquirendus est adspēctus, sub quo accipi debent objecta, quæ relatione composita enuntiantur, ne dum aliorum dicta expendimus, in errorem incidamus.

Vicissim ubi nobis aliquid affirmandum est de aliquo objecto composito, quod nempe relatione composita exprimitur, sed affirmatio aliquem tantummodo, peculiaremque adspēctum ipsius objecti respectat, adspēctus ipse speciatim exprimi debet, quoties aliundè, scilicet ex ipso sermonis sensu, idem clare intelligi minime possit.

Quam

Quam sane regulam si probe observarent Mathematici, non ea *Paradoxa* venditarent, quæ solent. Ita cum Geometræ superficiem *finitam* dari posse æqualem superfici ei *infinite* conantur ostendere, illam considerant secundum longitudinem simul & latitudinem, hanc vero secundum longitudinem tantummodo: quam licet infinitam esse demonstrent, non hinc sequitur infinitam quoque esse superficiem, cum superficies ex longitudine simul & latitudine constet. In similem quoque errorem labuntur Physici. Veluti cum Boerhaavius suadere contendit maximæ vis ignem esse eum, qui ex Silice, & Chalybe excutitur, eo quod ictu oculi fundat, & in vitrum convertat Silicem. Siquidem ad mensurandam vim ignis expendenda est eadem non modo relate ad vitrum, in quod ab ea convertitur lapis, & relate ad tempus, quod in eadem conversione infumitur, sed etiam relate ad quantitatem materiæ in vitrum conversæ, quæ cum admodum exigua sit, fallaciam argumentationis ostendit, & admirationem diluit.

CAPUT III.

De relationibus relate ad usum, in quem usurpantur.

§. 10.

Usurpantur relationes. 1. Ad indicanda objecta, de quibus loquimur. 2. Ad ipsa determinanda. 3. Ad eadem explicanda. 4. Ad instar objectorum, de quibus aliquid affirmatur.

Primo usurpari relationes ad indicanda objecta, de quibus loquimur, patet ex eo quod objecta non alia ratione indicari aliis possint, quam ea qua objecta ipsa cognoscuntur, nempe relationum ope, cum de objectis nihil aliud cognoscamus, præter relationes, quas ipsis relate ad alia objecta convenireprehendimus (§. 2. 3.] Ita objectum, quod relatione *humanitatis* cognoscimus, eadem indicamus, ipsum appellando *hominem*,

Quod si plurima objecta indicantur
no-

nominibus, quæ nullam relationem significare videntur, non idcirco cenferi debet nomina ipsa esse relationibus plane vacua. Quando enim alicui objecto nomen imponitur, hoc semper referri solet ad aliquam circumstantiam, quæ objectum ipsum aliquo modo respicit, vel respicere putatur, quæque propterea efficitur terminus consequens ejus relationis, quam nomen impositum sensu complectitur. Sic cum a Romanis celeberrimo ipsorum Oratori impositum fuit nomen *Ciceronis*, hoc factum fuit relate ad cicerum formam, sub qua in ejus facie peculiares carnis excrescentiæ conspiciebantur, ut aliqui venditant.

Verum cum sæpe hujusmodi relationes nullius sint momenti, ideo ipsæ in oblivionem abire sinuntur: ex quo fit, ut plurima objecta videantur indicari nominibus, quæ nullam relationem complectuntur cum re ipsa relationem aliquam significant, quæ ad aliquam appellati objecti circumstantiam refertur.

Hinc ratio illa nominis, quam explicare dicitur Etymologia, in eo versatur, ut per eam declaretur terminus

consequens ejus relationis, quam objecti nomen complectitur.

§. II.

SECUNDÒ relationibus determinantur objecta, quando ad relationem, qua objectum aliquod indicatur nominaturve, adduntur aliæ ab ea distinctæ, quæ in illa, hoc est in indicante non comprehenduntur, nempe ad illius compositionem, si composita fuerit, (§.7.) non pertinent. Objectum enim eo magis determinatur, distinguiturque a reliquis objectis eodem nomine vocatis, eademve relatione indicatis, quo majori relationum numero illud circumscribitur. Ita si ad relationem *humanitatis*, qua plurima objecta vocantur nomine *hominis* adderentur relationes *doctrinæ*, *sanitatis*, *patriæ*, *dignitatis* &c. objectum appellando *hominem doctum*, *sanum*, *Italum*, *Comitem*, &c. hæ omnes relationes præter primam, quæ indicans est, essent determinantes, quia iisdem, utpote quæ non comprehenduntur in relatione *humanitatis*, ita determinatur objectum

Etum indicatum nomine *hominis*, hoc est relatione *humanitatis*, ut ipsum facile distingui possit a plurimis aliis objectis eodem nomine vocatis; nempe ab hominibus *indoctis*, *infirmis*, *Gallis*, &c.

§. 12.

Tertio relationibus quoque explicantur objecta relationibus compositis indicata, sive potius explicantur relationes compositæ, quibus objecta indicantur, quando scilicet, objecto relatione composita indicato, aliqua ex componentibus relationibus speciatim notanda exprimitur. Ex. gr. Cum relatio *humanitatis*, qua sub nomine *hominis* indicatur objectum, composita sit ex pluribus relationibus, (§. 7.) si aliqua ex iisdem componentibus exprimeretur, dicendo hominem *rationalem*, vel *a Deo creatum*, vel *anima*, & *corpore concretum*; hæ omnes relationes dicerentur explicantes, quia aliquid explicant, quod in ipsa relatione composita *humanitatis* continetur.

§. 13.

Hinc 1. Relationes explicantes in eo differunt a determinantibus, quòd illæ aliquid explicant, quod continetur in relatione indicante; determinantes verò aliquid addunt, quod in relatione indicante non continetur. [§. 11.)

2. Relationes explicantes vocari possunt intrinsecæ, hoc est ab intra, vel essentialia subiecto, de quo affirmantur; relationes autem determinantes possunt appellari extrinsecæ, nempe ab extra, vel eidem subiecto accidentales. Siquidem priores illæ continentur in idea subiecti, in qua non continentur posteriores.

3. Relationes, quæ relate ad aliquod objectum, de quo affirmantur, sunt determinantes, hoc est extrinsecæ, fieri possunt intrinsecæ, nempe explicantes relate ad alia objecta, quæ sub illo sunt, ut species sub genere, vel ut individua sub specie, vel ut partes sub toto. Exempli gratia relationes tum *rationalitatis*, tum
irra-

irrationalitatis sunt determinantes relate ad animal, quia ipsis ita determinatur ipsum animal, ut *rationalitate* distinguatur idem a brutis, *irrationalitate* vero ab hominibus. Eædem vero relationes si affirmantur, illa quidem de homine, hæc autem de bruto, essent explicantes, hoc est intrinsecæ, nempe essentielles suis quæque subjectis, quia in ipsorum ideis continentur.

4. Quare idem objectum aliis relationibus explicatur, aliis autem determinatur. Veluti *homo*, nempe objectum, quod relatione *humanitatis* indicatur, determinari potest relationibus *sanitatis*, *infirmiæ*, *divitiarum*, *paupertatis*, aliisque hujus generis, quæ sub idea hominis non comprehenduntur, quibusque idem circumscribi potest, dicendo *hominem sanum & divitem*, vel *hominem infirmum, pauperem, & abjectum*. Explicatur vero ipsum objectum relationibus *rationalitatis*, *gravitatis*, *impenetrabilitatis*, aliisque sub hominis idea comprehensis, ut si diceretur *homo rationalis, gravis, impenetrabilis*.

5. Relationibus explicantibus explicatur

tur subiecti natura, veluti dicendo superficiem esse, quæ extenditur in longitudinem, & latitudinem: determinantibus verò distinguitur subiectum in genera inferiora, vel in species, vel in individua, vel in partes quæ sub ipso, vel in ipso continentur. Ita subiectum *Animal rationalitate, & irrationalitate* distinguitur in *hominem, & brutum*, quæ sunt ejus genera inferiora.

6. Quibus relationibus determinatur, distinguiturve genus aliquod supremum in genera inferiora, vel aliqua species in sua individua, vel aliquod totum in suas partes, iisdem explicatur natura partium, vel individuorum, vel specierum, vel generum inferiorum. Ita *rationalitate, & irrationalitate*, quibus determinatur, distinguiturve animal in *hominem, & brutum*, quæ sunt ejus genera inferiora, explicantur eadem genera inferiora, veluti cum dicitur: *homo est rationalis, vel brutum est irrationale*.

7. Ex quo inferimus suprema entium genera innumeris quidem relationibus distingui, determinarique posse; nullis autem

autem relationibus eadem posse explicari. Siquidem explicari minime possunt, nisi ea, quæ composita sunt : adeoque suprema entium genera, quippe quæ ut suprema sint, debent esse simplicissima, nullis poterunt componentibus relationibus explicari.

Sed jam ad quartum relationum usum deveniamus.

§. 14.

Quartò igitur relationes usurpari diximus tanquam *Res*, de quibus aliquid enunciatum.

Notandum est enim relationes, quibus objectum compositum explicari potest, habendas esse veluti totidem aspectus, secundum quos vel conjunctim, vel singillatim objectum ipsum expendi potest, dum idem in sermone indicatur, quo de ipso aliquid enuncietur. Ita superficies, ut composita ex relationibus *longitudinis* & *latitudinis*, indicari expendique potest tum relate ad *longitudinem*, tum relate ad *latitudinem*, tum relate ad utramque simul.

Quare

Quare cum sæpe contingat , ut ad majorem sermonis claritatem signanter exprimi debeat adspectus ille , secundum quem objectum compositum indicatur ; ipsumque accipiendum est ; hinc relatio , quæ adspectum ipsum exhibet , enunciari solet brevitatis gratia tanquam res. Puta cum dicitur *Longitudo superficiei* , vel *Latitudo superficiei* , potius quam longiori sermone *superficies accepta relate ad ipsius longitudinem* , vel *accepta relate ad ejus latitudinem* : nempe *superficies prout est longa* , vel *prout est lata* .

Idem evenit etiam quando objectum compositum , ut facile lubaudiendum , silentio omittitur , puta cum dicitur *pulchritudo* (subintellige objecti pulchri) *delectat* .

Ubi vero adspectus omnes , omnesve relationes , quibus enunciandum objectum componitur , signanter exprimere juvat , ipsarum quoque aggregatum unica voce tanquam res indicatur ; sed quia apud Veteres rariora sunt exempla , ideo istiusmodi voces ut barbaræ habentur , veluti *Petreitas* , *Pauleitas* . Tamen Aftinius

nus Pollio *Patavininitatem* quamdam in Tito Livio se notare dixit. Et Plato quamvis alioquin eloquentissimus *Cyathitatem* quoque & *Mensalitem* dixit. Hinc apud Laertium in Diogenis Cynici vita, Platone de ideis differente, & nominante: Equidem, inquit Diogenes, mensam, & cyathum video; *mensalitem* verò, *cyathitamque* non video. Cui ille: Recte, inquit, quibus enim cyathus, mensaque conspicitur oculos habes; quo autem *mensalitas*, & *cyathitas* conspicitur, animum non habes. Sed & apud Fabium elegans est distichon in Hermen quemdam, qui longis dictionibus oblectabatur.

Gaudet honorificabilitudinibus

Hermes

Consuetudinibus, sollicitudinibus.

§. 15.

Porro quando accipiuntur relationes veluti si *res* essent, dicuntur acceptæ in sensu *abstracto*; in sensu autem *concreto*, quando eadem usurpantur ad explicandum, vel determinandum aliquod obiectum.

C A.

C A P U T IV.

*De relationibus relate ad proprietatem ;
improprietatemque sensus in quo ac-
cipiuntur , & vocabulorum , quibus e-
nunciantur .*

§. 16.

AD primum quod attinet, duplex est sensus , in quo accipiuntur relationes: proprius , alter & improprius , sive metaphoricus . Sensu proprio dicitur accepta ex: gratia relatio *volatus* ubi loquimur de Avibus ; eadem vero sensu improprio , sive metaphorico , si de anima , vel spiritu affirmaretur . Idem dicas de relatione *letitiæ* , quæ sensu proprio usurpatur ad notandum aliquem hominem ; si vero adhiberetur ad determinandum colorem vestis ejus , eadem relatio sensu metaphorico diceretur accepta .

§. 17.

§. 17.

QUod autem pertinet ad proprietatem improprietatemque vocum, quibus relationes exprimuntur, plurimæ quidem ipsarum suis, propriisque vocibus explicantur, ut *æqualitas*, *similitudo*, *pulchritudo*; sed aliæ quam plurimæ ob defectum aptæ, propriæque vocis, nonnisi alienis, impropriisque vocibus, vel peculiaricircumloquutione exprimi possunt. Ex.gratia: Si exprimenda sit relatio non quidem *albedinis*, sed quæ *albedini* quam maxime accedit, vocem *albedinis* usurpamus, sed eandem ut improprie usurpatam moderamur, præfigendo ipsi particulam *sub*, qua veluti admoniti auditores de ipsa improprietate vocis, mentem nostram assequi intelligentia valeant; atque ita de subiecto, de quo loquimur dicimus ipsum esse *subalbum*. Idem intellige de relationibus *subacidi*, *ferme fluidi*, & aliis hujusmodi.

§. 18.

§. 18.

Aliquando ad enunciandam relationem quæ nomine proprio caret, non unicam, enunciandæque proximam relationem exprimimus, sed duas eidem proximas, quibus ipsa enuncianda relatio, veluti circumscribitur. Verùm ut improprietati vocum occurramus, iisdem singillatim negantem particulam præfigimus, cujus ope de improprietate vocum admoniti auditores, exprimendam relationem licet obscure, aliquo modo percipere valeant. Ita nonnunquam ad explicandam relationem, quæ inter aliquem cibum, & palatum nostrum intercedit, si eadem propria voce careat, exprimitur dicendo cibum ipsum, sive saporem ejus esse *neque dulcem, neque amarum, vel neque acrem, neque acidum.*

§. 19.

Quod si ad exprimendam relationem nomine proprio carentem, usurpari non valeant voces designandis relationibus eidem

eidem proximis destinatae, tunc eligitur relatio, quæ relationi exprimendæ opposita videtur, nomenque proprium hujus ad usum accommodatur, eidem negantem aliquam particulam præfigendo. Ex. G. si ex mutuâ comparatione Canis, & Hominis percipiatur relatio illa, quæ nomine proprio carens cognoscitur opposita relationi *similitudinis*, eaque significanda sit, illam exprimimus aliena quidem, & impropria *similitudinis* voce, sed cum præfixa ipsi negante particula, cum quâ componitur vox *dissimilitudinis*; eodemque modo componitur, &, si quando opus sit, usurpatur vox *inaequalitatis* ad exprimendam relationem oppositam relationi *aequalitatis*.

C A P U T V.

De relationibus relate ad modum, quo inter suos terminos correlatos intercedunt.

§. 20.

SI relationes hac ex parte inspiciamus, & contemplemur, distingui

C cæ-

eādem possunt in relationes *variabiles*, & in relationes *constantes*. Siquidem aliæ prorsus eādem manent, tum si terminus antecedens conferatur cum consequente; tum si consequens ad antecedentem, hoc est ad subiectum, referatur. Aliæ verò, mutato ipsorum terminorum ordine, mutantur, nempe in alias relationes convertuntur. Ex.gr. Relatio *æqualitatis*, quæ comparato corpore A cum corpore B, percipitur inter ipsa corpora intercedere, eadem manet *æqualitas* etiam si corpus B ad corpus A referatur. Relatio autem *excessus*, quæ inter senarium, & binarium intercedere percipitur comparando senarium cum binario, convertitur in relationem *defectus*, si binarius ad senarium referatur.

Hinc *variabiles* vocari possunt relationes, quæ mutato terminorum, comparisonisve ordine, mutantur; *constantes* verò relationes, quæ eādem perseverant, quomodocumque terminorum alter ad alterum referatur.

§. 21.

HUic autem relationum distinctioni in *variables*, & *constantes*, respondet eas exprimendi usus. Nam relationes *variables* unice de ipsarum subiecto enunciantur relate ad suum terminum consequentem; ut quum dicimus Titium esse *majorem* Cajo, nempe relate ad Cajum; esse *patrem* Cæsaris, nempe relate ad Cæsarem; *filium* Sempronii, *maritum* Annæ &c. Relationes autem *constantes* non modo enunciantur de subiecto relate ad suum terminum consequentem; sed etiam de utroque relate ad se mutuo. Nimirum dicimus ex. gr. non modo Titium esse *fratrem* Caii, vel Cajum esse *fratrem* Titii, sed etiam Titium, & Cajum esse inter se *fratres*. Titium esse *similem* Cajo, nec non Titium, & Cajum esse inter se *similes*.

C A P U T VI.

De relationum compatibilitate, & incompatibilitate mutua; nec non de mutua separabilitate, & inseparabilitate ipsarum.

§. 22.

SI relationes considerentur inter se, relate ad se ipsas, distingui possunt in quatuor classes: aliæ siquidem sunt in eodem subiecto inter se *compatibiles*, aliæ *incompatibiles*; aliæ invicem *separabiles*, aliæ vero *inseparabiles*.

Relationes inter se *compatibiles* sunt, quæ in eodem subiecto simul reperiri possunt, sed non necessario, ut relationes *albedinis* & *dulcedinis*, quæ licet reperiuntur ex. ca. in saccharo, non reperiuntur in eodem necessario.

Relationes inter se *incompatibiles* sunt illæ, quibus idem subiectum simul affici non potest, ut relationes *æqualitatis*, & *inequalitatis*; *similitudinis*, & *dissimilitudinis*; *excessus*, & *defectus*; dummodo

do ad eundem terminum consequentem referantur.

Relationes invicem *separabiles* sunt illæ, quibus idem subjectum affici quidem potest eodem tempore, sed non necessariò, ut in saccharo *albedo*, & *dulcedo* sunt relationes invicem *separabiles*: quia licet in saccharo defæcato simul reperiantur, potest ipse alio colore imbui, retenta dulcedine.

Relationes denique *inseparabiles* sunt, quarum altera in eodem subjecto ab altera separari, sive sejuncta inveniri non potest. Hujusmodi sunt relationes *longitudinis*, *latitudinis* & *profunditatis*, nempe *alitudinis* in corpore, cum in ipso neutra ipsarum sine reliquis unquam reperiri possit, quamvis altera ipsarum, non consideratis reliquis, expendi valeat.

§. 23.

EX his autem quatuor relationum differentiis, duæ, hoc est *Inseparabilitas*, & *Incompatibilitas*, nullum augmenti, decrementique gradum suscipere possunt; possunt vero tum augeri, tum

minui reliquæ duæ *Compatibilitas*, & *Separabilitas*.

Nimirum relationes, quæ ab una eademque relatione sunt *inseparabiles*, vel cum ipsa *incompatibiles*, sunt omnes cum eadem *æque* incompatibiles, vel ab eadem *æque* inseparabiles. Ex. gr. Relationes longitudinis, & latitudinis, quia sunt in corpore inseparabiles a relatione profunditatis, sunt quoque ab eadem in ipso corpore *æque* inseparabiles. Similiter relationes *rubri*, *viridisque* coloris quia sunt in eadem materia, eodemque tempore incompatibiles cum relatione albedinis, sunt quoque eadem cum ipsa albedine *æque* incompatibiles, hoc est non magis una quam altera est cum albedine incompatibilis.

Contra vero ex relationibus, quæ in eodem subiecto sunt vel *compatibiles* cum alia relatione, vel ab eadem *separabiles*, aliæ sunt magis, aliæ minus, aliæ vero eodem modo, hoc est æqualiter cum ipsa *compatibiles*, vel aliæ magis, aliæ minus, aliæ vero æqualiter, seu eodem modo esse possunt ab ipsa *separabiles*. Ex. ca. Cum facilius perveniat ho-

homo ad quinquagesimum, quam ad centesimum ætatis annum, erit in ipso magis compatibilis cum relatione vitæ, duratio usque ad quinquagesimum, quam duratio usque ad centesimum annum. Quia vero minor est sapientium, quam insipientium numerus, minus quoque *compatibilis* erit cum relatione humanitatis relatio *sapientiæ*, quam relatio *insipientiæ* in eodem subiecto, sive in Animali, quod relatione humanitatis sit determinatum. Iisdem rationibus *magis separabilis* est a relatione *humanitatis* relatio *sapientiæ*, quam relatio *insipientiæ*: relatio autem *durationis* usque ad quinquagesimum annum *minus separabilis* est in homine a relatione *vitæ*, quam sit *duratio* usque ad centesimum annum.

§. 24.

Unimo pro varia relationum natura, earundem compatibilitas, & separabilitas ad mensuram ita exacte aliquando reduci possunt, ut ipsarum quantitas numeris exprimi valeat. Ponatur

tur è navi, in qua erant Belgæ 24. & Angli 6. hominem ex omnium numero indiscriminatim exivisse. Profecto cum relatione *exitus* hominis illius magis erit compatibilis relatio exitus Belgæ, quam relatio exitus Angli. Re vero probe perpenſa, facile præterea quifque percipiet compatibilitatem exitus Belgæ ita ſe habere ad compatibilitatem exitus Angli ut 24. ad 6. nempe ut 4. ad 1.

Contra vero ſi attendas earundem relationum ſeparabilitatem a relatione exitus ejusdem hominis, comperies relationem exitus Belgæ eſſe a præſata relatione minus ſeparabilem, quam ſit ſeparabilis relatio exitus Angli; & præterea ſeparabilitatem exitus Belgæ ita ſe habere ad ſeparabilitatem exitus Angli, ut reciproce 6. ad 24. nempe ut 1. ad 4.

Sed enim quanto uſui ſit futura, quam expoſuimus relationum diviſio, innotefcet tum, quum agemus de fundamentis ratiocinationum. Ibi enim demonſtrabimus, qua ratione in ratiocinationibus *incompatibilitas*, & *inſeparabilitas* relationum ſint fundamenta *evidentiæ*; fundam-

damenta vero *probabilitatis*, seu vero similitudinis in relationum *separabilitate*, & *compatibilitate* consistent.

C A P U T VII.

De relationibus relate ad constantiam, variabilitatemque terminorum suorum.

§. 25.

Q Uum multis ex partibus relationes inspicere possint, & considerari, præcipue nunc ex *constantia* terminorum, & *variabilitate*, ipsas considerabimus. Plura enim huc pertinentia cum neglexissent Philosophi, hinc naturam enunciationum, nec non earundem ratiocinationum, ex quibus præcipuæ veritates, inferuntur, minime sunt assequuti, ut deinceps ostendemus.

Relationes itaque si expendantur relate ad constantiam, variabilitatemque terminorum, deprehenduntur primo aliæ habere constanter invariabilem, sive absolute constantem terminum antecedentem. Secundo aliæ terminum consequentem.

tem. Tertio alia utrumque. Quarto alia denique nullum, hoc est utrumque variabilem.

I. Inter relationes, quæ terminum antecedentem constanter invariabilem habent, recenseri debent relationes *Regis Poetæ, Senatoris, Episcopi, mariti &c.* si quidem affirmari non possunt nisi de *homine* tanquam de subiecto ipsarum constanter invariabili, nempe absolute constante. Relationes quoque *musæ*, & *uxoris* semper de *muliere* enunciantur, sicuti de *fœmina* constanter affirmatur relatio *matris*.

II. Ad relationes, quæ constanter invariabilem habent terminum consequentem, pertinent inter alias relationes *dulcedinis*, ceterorumque *saporum*, cum terminus consequens ipsarum constanter fit *palatum*. Item relationes *albedinis*, ceterorumque *colorum* semper referuntur ad *oculos*, ut ad ipsarum terminum consequentem absolute invariabilem. Relationes quoque *odorum* pro termino consequente constanter invariabili semper *odoratum* agnoscunt.

III. Ad relationes vero, quæ utrumque

que ex terminis correlatis invariabilem habent, referri potest ex. grat. relatio *pluviae*, utpote quæ unice de aere affirmari potest relate ad aquam: relatio *grandinis*, quæ nonnisi de aere, relatè ad aquam frigore concretam potest enunciari: relatio *tonitrus*, cujus subjectum, sive terminus antecedens, de quo enunciat, semper est aer; terminus vero consequens, ad quem refertur ipsa relatio *tonitrus*, constanter sunt aures.

IV. Quæ vero relationes nullum ex terminis suis correlatis constanter invariabilem habent, sunt relationes *aequalitatis*, *inaequalitatis*, *similitudinis*, *dis-similitudinis*, *excessus*, *defectus*, & aliæ innumerabiles, quippe quæ non modo de subjectis inter se diversis enunciari, sed etiam ad diversos inter se terminos consequentes referri possunt. Nam ex. grat. relatio *aequalitatis* enunciari potest de linea relatè ad lineam; de superficie relatè ad superficiem; de corpore relatè ad corpus; de tempore relatè ad tempus, & sic de reliquis.

§. 26.

PRæterea plurimæ inveniuntur relationes, quæ mediæ naturæ inter expositas vocari possunt. Siquidem nullum habent ex terminis correlatis, qui absolute constans sit, vel absolute variabilis; sed quem pro antecedente, vel consequente habent, constans quidem est, sed relate tantummodo ad quasdam rei attributiones: nimirum relate ad aliquod corporum genus, relate ad aliquam regionem, ætatem, nationem, urbem, provinciam, religionem, opinionem, sectam, cœtumve quemlibet hominum, vel brutorum, vel relate ad aliud quodcunque genus entium. Ex. grat. Relatio *sanctitatis*, qua quosdam Viros determinamus, & a ceteris distinguimus, eosdem *Sanctos* appellando, refertur quidem ad legem religionis tanquam ad suum terminum consequentem constanter invariabilem: sed quia lex ipsa religionis eadem non est, nisi apud eas nationes, quæ eundem Legislatorem, eadem ratione colunt; hinc non absolute, sed relate

late tantummodo ad nationes ipsas, ejusdemve Legislatoris sectatores, idem *sanctitatis* terminus consequens constans est, & invariabilis.

C A P U T VIII.

De relationibus relate ad homogeneitatem, heterogeneitatemque terminorum suorum: nempe de Quantitatibus, & Qualitatibus generatim.

§. 27.

SI relationes expendantur relatè ad homogeneitatem, heterogeneitatemque terminorum suorum, distinguuntur eadem in *Quantitates*, & *Qualitates*, intelligendo nomine qualitatum quidquid non modo sub nomine *qualitatum*, sed etiam *essentiæ*, *naturæ*, *accidentium*, *formæ*, *affectionum*, *proprietasumque* comprehenditur.

† Definiri autem solent termini homogenei, quorum alter si multiplicetur, augeaturve, alterum excedere potest: termini autem heterogenei, quorum alter, si multipli-

tiplicetur, augeaturve, superare alterum nunquam valet.

Veruntamen ut hæc exemplis illustriora fiant, notandum est, quod in comparandis objectis, quæ composita sunt, quæque idcirco per varios adspectus considerari possunt, non considerari solent eadem objecta secundum omnes simul adspectus, sed secundum aliquem tantummodo. Ex. gratia. In comparatione duorum corporum, quippe quæ semper composita sunt, sive per varios adspectus considerari possunt, considerantur eadem vel unice secundum ipsorum pondera, nempe considerantur unice *pondera* ipsorum, vel ipsorum *figura*, vel ipsorum *extensiones*, vel *loca* ab ipsis occupata, vel eorundem *colores*, *sapores*, *odores*, vel *intensiones* odorum, saporum, colorum, quæ in corporibus ipsis percipiuntur, vel eorundem corporum *origines*, *pretia*, *usus*, &c.

Quapropter cum in his adspectibus, secundum quos considerantur objecta, quæ comparare cogitamus, consistent termini correlati perceptæ relationis, si iidem termini poterunt multiplicationis
vel

vel augmenti ope se invicem superare, percepta relatio, (si qua inde percipiatur) vocatur *Quantitas*; *Qualitas* vero si iidem termini multiplicationis, vel augmenti ope, se invicem excedere non possint.

Pone igitur quod in comparatione duorum corporum considerentur unice ipsorum *extensiones*, indeque percipiatur extensionem unius esse *duplam* extensionis alterius, hæc percepta relatio *duplicitatis* erit ex genere *quantitatum*, quia extensio minoris, si multiplicetur, augeaturve, excedere tandem potest extensionem majoris.

Si autem eorundem corporum comparatione attendatur unice ad ipsorum colores, comparando scilicet colorem ex ca. *album* unius cum colore *nigro* alterius, quin attendatur ad eorundem colorum intensiones; indeque percipiatur relatio *dissimilitudinis*, erit hæc relatio ex genere *Qualitatum*, quia licet quantumvis augeatur, intendaturve color albus, idem semper albus permanebit, quin unquam colorem nigrum superare, sive colore nigro nigrior effici possit. Idemque

que dicas de colore nigro relate ad album, si niger augeretur.

Quod si in comparandis iisdem corporibus considerarentur non quidem ipsorum tantummodo colores, sed eorundem colorum intensiones, indeque perciperetur intensiorem coloris albi *majorem* esse intensiorem coloris nigri, nempe *excedere* intensiorem nigri; tunc percepta relatio *excessus* esset relatio *quantitatis*, quia ipsius termini correlati, eadem scilicet colorum intensiones ita augeri, intendive possunt, ut altera ipsarum excedat alteram; licet color, qui albus erat, maneat albus, & qui niger erat, niger persistat.

§. 28.

EX his opportunum ducimus animadvertere imprimis, quam facile decipiamur in distinguendis terminis correlatis earum relationum, quas ex comparatione, ut sæpe vulgo putatur, objectorum compositorum percipimus. Dum enim duo objecta composita simul comparare putamus, comparatio revera fit,
non

non inter objecta ipsa, ut composita, sed inter duas ipsarum affectiones, in quibus propterea genuini termini correlati perceptæ relationis consistunt. Ita dum censemus duo corpora simul conferre, quo relationem aliquam inter ipsa investigemus, non corpora ipsa revera simul conferimus, sed vel ipsorum extensiones, vel ipsorum pondera, vel figuras, vel densitates, vel pretia, vel colores, sapores, frigora, calores, vel eorundem colorum, saporum, aliarumve affectionum intensiones. Quod maxime notari debet, ut præter alia, probe inde intelligatur utrum percepta relatio *Qualitas* sit, vel *Quantitas*, cum huiusmodi cognitio ex terminis correlatis perceptæ relationis eruenda sit. (§. 27.)

§. 29.

Secundo notandum est *Qualitates*, & *Quantitates* in eo quidem convenire, quod ambæ ad supremum relationum genus pertineant; sed in eo differre, quod termini correlati *Quantitatum* possint per additionem, multiplicationem-

D

ve

ve se invicem superare ; ideoque vocantur *homogenei*: termini vero correlati *Qualitatum* nulla multiplicationis, vel additionis ope possint se invicem excedere; & hac ratione dicuntur *heterogenei*, ut §. 27. explicavimus.

Quapropter hinc facile dignoscitur quomodo accipiendum sit effatum illud, quo in scholis describitur *Quantitas*, dicendo eam esse, *quæ suscipit magis & minus*. Videtur enim intelligendum esse non relate ad *Quantitatem* ipsam, sed relate ad ejus terminos correlatos. Nam *quantitas* per se æque ac *qualitas*, minime suscipit magis, & minus.

Sint exempla in *Qualitatibus*. Si extensio alicujus circuli augeatur in immensum, vel in infinitum minuat, non ideo idem circulus magis vel minus *circulus* fiet alio circulo: idcirco qualitas illa, qua inter figuras aliquæ nuncupantur *circuli*, vel *circulares*, non suscipit magis, & minus. Item si extensio mensæ *marmoreæ* quam maxime augeatur, vel minuatur, non ideo mensa ipsa fiet magis, vel minus *marmorea*, quam sit aliud corpus marmore confectum: idcirco qualitas

litas illa, ob quam aliqua corpora dicuntur esse *marmorea*, non suscipit magis & minus. Verum quia in quibusdam qualitatibus non aliud consideratur, quam ipsarum *intensio*, ideo aucta, vel imminuta qualitatis *intensio*, de hac ipsa loquimur brevitatis gratia, ac si aucta, vel imminuta esset ipsa qualitas. Sic aucta vel imminuta intensio dulcedinis alicujus corporis, dicimus corpus ipsum esse magis, vel minus dulce alio corpore, quando potius dicendum esset *intensio*em dulcedinis ejusdem corporis esse majorem vel minorem *intensio*em dulcedinis alterius corporis, cum omnia corpora dulcia sint *æqualiter corpora dulcia*, licet *sub inæquali dulcedinis intensio*ne; sicuti omnia corpora sphaerica sunt *æqualiter sphaerica*, licet *sub inæquali sphaericitatis extensio*ne.

Sint exempla in *Quantitatibus*. Inter omnia corpora, quæ uni tertio singillatim sunt *æqualia*, nullum unquam esse potest eidem tertio *æquale* magis, vel minus, quam sint eidem tertio *æqualia* reliqua corpora. Sed omnia, quæ uni tertio sunt *æqualia*, eidem *æqualiter æqua-*

lia necessario esse debent; secus enim eidem æqualia non forent: & ideo *aqualitas* non suscipit magis & minus. Idem inter ea, quæ ejusdem corporis sunt *dupla*, nullum unquam esse poterit ejusdem corporis magis, vel minus *duplum*, quam *dupla* sint ejusdem, reliqua corpora; sed omnia *aqualiter dupla* ejusdem necessario esse debent: idcirco neque *duplicitas* suscipit magis & minus. Idem dicas de reliquis quantitatum speciebus.

Quapropter cum neque *Qualitas*, neque *Quantitas* suscipiant magis, & minus, effatum illud, quo in scholis describitur *Quantitas*, dicendo eam esse, quæ suscipit magis & minus, intelligendum est relate ad terminos correlatos ejusdem *Quantitatis*, prout scilicet termini correlati *Quantitatis* ita multiplicari, vel augeri possunt, ut multiplicationis, additionisve ope, valeant se invicem superare, quod terminis correlatis *Qualitatum* minime contingit.

§. 30.

Tertio notandum, quod qualitatibus & quantitatibus ita univēsa dividitur Philosophia, ut rerum, earumque qualitatum quantitates ad mathematicas disciplinas expendendę pertineant: reliquę vero disciplinę circa qualitates versentur; ut Moralis, quę de morum qualitatibus agit; de qualitatibus corporum Physica; Theologia de qualitatibus, quę sunt in Deo; de qualitatibus loquutionis Grammatica, & Rhetorica; & sic de reliquis.

§. 31.

Quarto ab expositis qualitatum, & quantitatum differentiis colligitur relationes, quibus *indicantur* objecta (§. 10.), semper esse ex genere qualitatum, nunquam vero ex quantitatum genere esse posse: utriusque vero generis relationibus, nempe tum qualitatibus, tum quantitatibus æque *determinari*, ac *explicari* (§. 11. 12.) posse objecta, de quibus eadem relationes affirmantur.

C A P U T IX.

*De relationibus quantitatum, nempe de
quantitatibus.*

Relatio quantitatis, five quantitas per varios adſpectus conſiderari poteſt, inter quos 1. relate ad extenſionem, & intenſionem, remiſſionemve terminorum ſuorum. 2. relate ad continuitatem, diſcretionemque partium, quibus ſinguli ejus termini correlati coaleſcunt. 3. relate ad diſtinctionem, confuſionemque, qua eadem quantitas percipitur. 4. relate ad modum, quo ejus termini correlati expenduntur. 5. relate ad modum, quo ipſa exprimitur.

§. 32.

Quantitas relate ad extenſionem, intenſionemque terminorum ſuorum diſtinguitur in quantitatem *extenſam*, & in quantitatem *intenſam*. Si ejus termini correlati fuerint duæ extenſiones *homogeneæ*, puta duarum linearum, vel

vel duarum superficierum, vel duorum corporum; quantitas, quæ inter eosdem terminos percipitur intercedere, vel non intercedere, dicitur *quantitas extensa*. Si vero fuerint duæ intensiones, remissioneve *homogeneæ*, puta frigoris, vel caloris, lucis, doloris, saporis, soni &c. dicitur *quantitas intensa*.

§. 33.

Secundo cum partes, in quas aliquod objectum est distinctum, considerari possint prout a se invicem sunt distinctæ, vel prout unum totum constituunt, hinc in comparandis simul objectis si considerentur eorum partes prout sunt invicem distinctæ, quantitas inde percepta dicitur *quantitas discreta*. Si vero eadem partes considerentur prout unum totum constituunt, relatio inde percepta dicitur *quantitas continua*. En exempla.

Sint duo globulorum cumuli. Cum hi cumuli sint in partes, nempe in globulos, distincti, considerari possunt tum relate ad *numerum* globulorum, tum re-

late ad *pondera* ipsorum cumulorum : Primo modo consideratis cumulis, relatio ex ipsorum comparatione percepta erit *quantitas discreta* : altero modo *quantitas continua*; licet utraque harum quantitatum numeris exprimatur.

Item si dies conferatur cum hebdomade, cum hæc duo objecta considerari possint tum relate ad *numeros* horarum, in quas distinguuntur, tum relate ad indistinctam ipsorum *durationem*; si primo modo considerentur dies, & hebdomada, pro relatione habebitur *quantitas discreta*; altero modo *quantitas continua*; etsi utraque earundem quantitatum numeris enunciari soleat.

§. 34.

Tertio eadem quantitas generaliter accepta, si referatur ad modum, quo ejus termini correlati considerantur, distinguitur in quantitatem *arithmeticam*, & quantitatem *geometricam*.

Quantitas arithmetica est ea, quæ percipitur intercedere, vel non intercedere inter suos terminos correlatos, quando

do unius excessus, defectusve relate ad alterum unice expenditur. Geometrica vero, quando non ad excessum, defectumve, sed ad modum, quo terminus alter continet alterum, vel in eodem continetur, unice attenditur. Ex: gr: si dum senarius confertur cum binario, attendatur ad excessum quatuor unitatum, quibus senarius excedit binarium, quantitas hinc percepta dicitur *arithmetica*: item *arithmetica* esset quantitas, quæ perciperetur in comparatione binarii cum senario, attendendo ad defectum quatuor unitatum, quibus binarius deficit relate ad senarium.

Ex quo constat quantitatem arithmeticam subdistingui in excessivam, & defectivam.

Si vero in comparatione senarii cum binario attendatur unice ad modum, quo senarius continet binarium, percipiaturque senarium continere binarium *ter*, quantitas hæc dicitur *geometrica*; sicuti etiam *geometrica* est quantitas percepta in comparatione binarii cum senario, inde percipiendo binarium contineri *ter* in senario.

Pro,

Prout autem ex terminis correlatis quantitatis geometricæ refertur major ad minorem, quantitas vocatur *majoris inæqualitatis*; si comparetur minor cum majore, quantitas vocatur *minoris inæqualitatis*.

§. 35.

Quarto si consideretur quantitas relate ad distinctionem, confusionemque, qua percipitur, distingui potest in quantitatem *determinatam*, & in quantitatem *indeterminatam*

Quantitatem *indeterminatam* vocamus eam, quæ ita indeterminate percipitur, ut si ea sit arithmetica, cognoscatur quidem, terminum alterum, alterum excedere, vel ab altero deficere; sed quantum sit inter terminos ipsos excessus, defectusve, plane lateat. Veluti si extensionem corporis A perciperemus quidem esse majorem, vel minorem extensione corporis B; sed incomperta manente quantitate excessus, defectusve unius extensionis relatè ad aliam, percepta quantitas arithmetica esset *indeterminata*,

Ubi

Ubi vero agitur de quantitate geometrica, eadem est *indeterminata*, quando intelligimus terminum alterum in altero contineri, vel continere alterum; sed nihil præterea percipimus circa vices, modumve, quo terminus alter alterum continet, vel in eodem continetur.

Quantitas autem *determinata* dicitur ea, quæ ita determinate percipitur, ut si eadem fuerit arithmetica, præter excessum defectumve terminorum, pateat etiam quantus sit excessus defectusve unius termini relatè ad alium; si vero agatur de quantitate geometrica, cognoscantur exacte vices, modusve, quo terminus alter alterum continet, vel ab eodem continetur. Puta si perciperetur extensionem corporis A ter contineri in extensione corporis B, percepta quantitas geometrica esset *determinata*. Item *determinata* est quantitas arithmetica, quæ in hac propositione enunciat: *Pondus corporis A duarum librarum pondo exceditur a pondere corporis B.*

§. 36.

Quinto si referantur quantitates ad æqualitatem, inæqualitatemque terminorum suorum, distinguuntur eadem in quantitates *æqualitatis*, quæ scilicet intercedunt inter æquales extensiones, vel æquales intensiones, & in quantitates *inæqualitatis*, quarum scilicet termini correlati sunt inæquales extensione, vel intensione, vel numero. Itacum aliquid dicimus esse *æquale* alicui, quantitas *æqualitatis* enunciatur; quantitas vero *inæqualitatis*, cum generatim, hoc est indeterminate dicitur aliquid esse majus, vel minus aliquo: adeo ut hac ratione quantitas inæqualitatis distinguatur a Mathematicis in quantitatem *majoris inæqualitatis*, & in quantitatem *minoris inæqualitatis*, prout terminus antecedens major est, vel minor termino consequente.

§. 37.

Sexto si quantitates considerentur relatè ad ipsarum terminos consequentes, notandum est id, quod ex ipsa generali relationum idea profluit, nimirum nullam omnino cujusvis objecti quantitatem concipi posse, absque eo quod terminus consequens ejusdem quantitatis sit plane cognitus, perspectusque. Cum enim *Quantitas* sit relatio quædam, quæ percipitur intercedere, vel nonintercedere inter duos terminos correlatos invicem homogeneos, si horum alter deficiat, nulla comparatio institui, nullaque relatio, quantitasve percipi poterit.

Est autem terminus consequens quantitatum ille, qui vulgo appellatur *Mensura communis*, vel absolute *Mensura*, & sæpe a Geometris *Unitas*. Quæ sane unitas, mensuræ communis admodum, varia est tum pro varietate regionum, temporum, atque arrium, sive facultatum, in quibus mensurantur res, tum pro varietate rerum mensurandarum, dum

dum ipsis semper homogenea (§. 27.)
 esse debet ipsa mensura communis. Sic
 videmus Geographos in metiendis lo-
 corum distantis uti, pro mensura com-
 muni, Milliario in Italia, Leuca in
 Gallia &c. Agrimensores in metiendis
 agrorum lineis, seu distantis adhibere
 pro mensura communi Virgam, Ulnam
 Perticam mensuram, quæ alicubi est
 20. pedum, alibi 12. alibi major mi-
 norve. Pedem, Orgyam, sive perticam
 sexpedalem esse mensuram communem,
 ad quam Machinatores in metiendis Pro-
 pugnaculorum lineis, referente Vvolfo,
 nec non Architecti in mensurandis li-
 neis ædificiorum earum longitudinem
 revocant. Cubito uti Artifices, & Ta-
 bernarios in metienda tabularum, lapi-
 dum, & pannorum extensione: sicuti
 Libra, & Uncia in metiendis mercium
 ponderibus. Ad varia monetarum gene-
 ra, vel potius ad ipsarum valores, tan-
 quam ad totidem mensuras communes
 referuntur valores mercium, & eorum
 omnium, quæ venduntur. Cernimus
 quoque Astronomos uti, pro mensura
 communi, semidiametro Telluris in me-
 tien-

tiendis planetarum distantis. Tercen-
tesima sexagesima circularis peripheriæ
parte, quam gradum appellant, uti Ma-
thematicos in metiendis circulorum pe-
ripheriis, nec non angulorum divarica-
tionibus. Imo Geometræ, ubi inquiren-
da est ipsis quantitas extensa alicujus
lineæ, vel superficiæ, vel corporis, eam
referunt in suis figuris ad homogeneam
extensionem alterius lineæ, vel superficiæ,
vel corporis, tanquam ad unitatem,
terminumve consequentem, citra quem
nullus objecti quantitas neque investi-
gari, neque concipi unquam potest. Sic
videmus ipsos ad percipiendam quanti-
tatem extensam parallelogrammi sæpe
referre extensionem ejus ad extensionem
trianguli: & vicissim ad determinandam
quantitatem trianguli, sæpe referre ex-
tensionem ejus ad extensionem paralle-
logrammi.

Contingit autem aliquando, ut ubi
alicujus rei quantitas investiganda sit,
non inveniatur aliud objectum ipsi ho-
mogeneum, ad quod, ut ad terminum
consequentem, nempe ad unitatem,
vel mensuram communem referri illa
pos-

possit. Quapropter tunc neque ipsius rei mensurandæ quantitas inveniri, vel concipi ullo modo poterit, ob defectum scilicet consequentis termini, sine quo nulla fieri potest comparatio, quæ in nobis inquirendæ quantitatis ideam excitet. In hunc vero defectum consequentis termini, sive mensuræ communis tunc sæpe incurrimus, quando mensuranda objecta sunt qualitatum intensiões. Siquidem ubinam reperietur objectum ex. grat. intensiõni febris homogeneum, cui comparata intensiõne febris, percipiatur quantitas ejusdem? Cuinam objecto comparabitur mensuranda dulcedinis, aliusve saporis intensiõ? Qualis erit mensura communis, ad quam referri possit quantitas intensa cujusvis doloris, odoris, vel sonitus? Et sic de sexcentis aliis. Profecto qualitatum intensiões ab omnibus facile percipiuntur, sed earundem intensiõnum quantitates, saltem [§. 35.] plerumque, investigari non possunt, nedum inveniri, ob defectum scilicet consequentis termini homogenei, sive mensuræ communis, ad quam mensuranda intensiõ referri possit.

Qua-

Quare si quantitates considerentur relate ad ipsarum terminos consequentes, prout iidem haberi, vel deficere possunt, recte distinguuntur ipsæ in quantitates investigabiles, & in quantitates non investigabiles. Nam investigabiles erunt quantitates, quarum subiecto homogeneus habetur terminus consequens, nempe unitas, vel mensura communis; minime vero investigabiles erunt quantitates, quarum subiecto homogeneus terminus consequens plane deficit.

Hinc deficiente huiusmodi termino consequente, quantitas nulla investigari, nedum determinari poterit: ideoque ob frequentem ejusdem mensuræ communis defectum, mathematicarum facultatum limites plurimum coercentur,

§. 38.

SEptimo si quantitates expendantur relate ad ipsum materiale terminum, seu vocem *quantitas*, prout aliquando in alios usus eadem vox transfertur, notandum est, sæpe apud Mathematicos nomine quantitarum intelligi

E vel

vel extensiones, vel intensiones, inter quas ut inter suos terminos correlatos, percepta quantitas intercedit: ubi enim dicendum esset ex. gr. *Extensionem A esse duplam vel triplam extensionis B*, ajunt *Quantitatem A esse duplam, vel triplam quantitatis B*, confundendo nimirum terminos correlatos cum ipsorum quantitate. Quæ vero nobis *quantitas* est, vocatur ab ipsis vel *ratio*, vel *proportio*. Id autem monuisse præstabit, ne in evolvendis Mathematicorum libris confusio aliqua ex hoc improprio vocis usu exoriat; sed quantitates a suis terminis correlatis tum extensis, tum intensis semper aperte distingui possint.

§. 39.

Octavo considerari præterea debent quantitates relatè ad modum, quo aliis enunciantur. Siquidem aliæ nomine tantum proprio; aliæ tantummodo per similitudinem cum alia quantitate; aliæ vero tum per similitudinem, tum nomine proprio exprimuntur.

Nomine tantummodo proprio exprimuntur-

muntur quantitates indeterminatæ, [§. 35.] ut cum dicitur *hanc rem, nempe insensionem, extensionemve ipsius, esse majorem, vel minorem illa; excedere illam, vel ab illa superari; continere illam, vel ab eadem contineri: illum hominem esse statura grandem, vel parvum, relatè scilicet ad alios homines; proceram, vel parvam esse arborem, nempe relatè ad alias; multum, vel parvum tempus insumptum esse, relatè scilicet ad illud quod insumi solet &c.*

Ad quantitates vero determinatas quod attinet, si fuerint illæ quidem geometricæ, & similes alicui quantitati, quæ inter numeros intercedit, nominibus quidem propriis exprimi possunt, ut abunde docet Clavius in lib. V. Elem. Euclid. sed sæpius præstat perspicuitatis ergo eas exprimere per similitudinem cum alia quantitate inter numeros intercedente, quod tum implicite, tum explicite efficitur. Implicite quando dicitur exempli gratia: *Columna est alta viginti pedes*, sive *Altitudo columnæ est viginti pedum*. Sensus enim harum loquutionum est: *Quantitas inter-*

cedens inter altitudinem columnæ & altitudinem pedis (quæ pro unitate, mensurave communi, sive pro termino consequente hic accipitur) *assimilatur quantitati intercedenti inter numerum 20. & 1. similiter dicendo moram fuisse decem dierum*, sensus loquutionis est: *Quantitatem intercedentem inter durationem moræ, & durationem diei* [quæ duratio, unitatis, mensurave communis loco hic usurpatur] *assimilari quantitatis intercedenti inter numerum 10. & 1.*

Explicite vero per similitudinem exprimerentur eadem quantitates dicendo, ut apud Mathematicos usuvenit, *Altitudinem columnæ esse ad altitudinem pedis, ut 20. ad 1. Durationem moræ fuisse ad durationem diei, ut 10. ad 1.* In his enim loquutionibus similitudo inter quantitatem exprimendam, & quantitatem inter numeros intercedentem, clarius explicatur, quam in superioribus.

Quod si eadem quantitates exprimendæ essent nominibus propriis, diceretur: *Altitudinem columnæ esse vigecuplā altitudinis pedis: Durationem moræ decuplā fuisse durationis unius diei.*

§. 40.

POrro inter quantitates determinatas (§. 35.) ex tantummodo nominibus propriis exprimi possunt, quæ numerorum quantitatibus respondent, assimilarique possunt. Nomina siquidem propria quantitatum determinatarum desumuntur ex similitudine, quam eadem habent cum quantitatibus inter numeros intercedentibus, ut ex citato loco Clavii dilucescit. Quapropter cum inter quantitates numerorum interdum nulla reperiatur, cui exprimenda quantitas assimiletur, tunc eadem exprimenda quantitas exprimi non poterit neque proprio nomine, neque per similitudinem (§. 39.) cum alia inter numeros intercedente quantitate. Hinc hujusmodi exprimendæ quantitates jure & merito vocantur *inexprimibiles numeris, & irrationales*. Hujus generis sunt quantitates intercedentes inter latus quadrati, ejusque diametrum: inter diametrum circuli, ejusque peripheriam. Quocirca quantitates determinatæ, si consideren-

tur relate ad numeros, distingui possunt in quantitates *racionales*, nempe numeris exprimibiles, & in quantitates *irrationales*, quæ scilicet numeris assimilari, numerisve significari minime possunt.

C A P U T X.

*De relationibus qualitarum,
nempe
De Qualitatibus.*

§. 41.

Qualitates ostendimus [§. 27.] esse relationum genus; relationes verò generatim acceptas usurpari ad indicanda, explicanda, determinandaque [§. 10. 11. 12.] cujusvis generis objecta, de quibus loquimur. Quare cum omnia nostræ mentis objecta distinguantur (§. 4. 5.) in *relationes* & *res*; ideo qualitates ipsæ, si expendantur relatè ad objecta, de quibus eadem affirmantur, distinguendæ sunt in *qualitates rerum*, & in *qualitates relationum*. Qualitas rei est

est ea, quæ affirmatur de re; ut si diceretur, *Petrus est doctus*, qualitas *doctrinæ* affirmaretur de re, nempe de Petro. Qualitas vero relationis est ea, quæ de relatione affirmatur; puta cum dicitur, *Doctrina convenit Petro*, affirmatur de relatione, qualitateve *doctrinæ* relatio *convenientiæ* relate ad Petrum.

§. 42.

HÆc autem qualitatum distinctio inservire debet ad sermones diligentius expendendos, ut detegantur ea, quæ in iisdem, brevitatis gratia, subaudienda omittuntur, quæque neglecta occasione esse possunt, ut in errores labamur, vel difficilius veritatem assequamur. Nam sæpe de rebus affirmantur qualitates, quæ reipsa nonnisi de earundem rerum relationibus, hoc est de rebus quidem ipsis, sed tantummodo propter peculiare earundem rerum relationes, affirmari possunt. Ex. gr. Dum dicimus *aquam fluminis esse celerem*, videmur qualitatem *celeritatis* affirmare immediatè de *re*, nempe de aqua, cum revera celeritas ipsa proprie affir-

E 4 mari

mari non possit, nisi de motu, hoc est de peculiari relatione aquæ, nempe de aqua quidem, sed tantummodo propter motum, quo eandem aquam affectam supponimus: celeritas enim est quædam qualitas, aut relatio ad determinandum motum destinata, quatenus inceleretur, & tardum discriminatur.

Ne igitur admittamus qualitatem aliquam de aliqua re affirmari propter relationem, quæ ab eadem re abest, diligentem navare operam debemus, quo inveniatur utrum affirmata qualitas affirmetur de *re* immediatè, vel propter subaudiendam relationem aliquam; tum si ob relationem affirmari qualitas inveniatur, inquirendum est, quæ sit eadem præsupposita relatio, ob quam de *re* ipsa affirmatur qualitas; tandem utrum præsupposita relatio eidem rei revera conveniat.

Reliquas qualitatum distinctiones cum ad peculiare artes, & facultates pertineant, [§. 30.) eisdem exponendas remittimus. Interim de Rebus generatim iuxta instituti nostri rationem ex ordine agemus.

PARS

P A R S A L T E R A.

D E R E B U S.

OMnia nostræ mentis objecta ostendimus in *Res*, & *Relationes* distingui (§. 4. 5.), intelligendo nomine *Relationum* quidquid a nobis de aliquo percipitur relate ad aliud; quodque ad indicanda, explicanda, vel determinanda objecta omnia usurpatur (§. 10. 11. 12.): nomine vero *Rerum* reliqua objecta, quæ indicari, explicari, & determinari quidem possunt; iisdem autem objectis, sive rebus, nihil vel explicari, vel determinari potest, quippe quia primarum, quas percipimus, relationum termini correlati sunt (§. 4. 5.). In prima hujusce operis parte satis de *Relationibus* egimus; eas scilicet per varios adspetus ita considerantes, ut potiora, quæ ad ipsarum intelligentiam pertinere videbantur, exposuisse putemus. Nunc ve-

ro de *Rebus* ad agendum progredimur; atque ut ordine procedamus, eas primo in suprema genera discriminabimus relatè ad potissimas ipsarum differentias: inde ad sua genera inferiora descendendo, eadem aptis, opportunisque relationibus singillatim declarare contendemus, quo luculentius invicem distingui valeant.

C A P U T I.

De supremis Rerum omnium generibus.

§. 43.

*termini cor-
relati sunt
res*

INter primas, quas percipimus, relationes, quæque, ut primæ habent res pro suis terminis correlatis (§. 4. 5.) enumerandæ sunt illæ, ob quas corpora dicuntur *gravia, impenetrabilia, extensa, colorata, sapida, sonora &c.* Spiritus verò dicuntur *cogitantes, volentes, nolentes, rationales &c.* Sed tum corpora dicuntur *gravia, impenetrabilia &c.* tum Spiritus dicuntur *cogitantes, volentes &c.* ab effectibus, nempe relatè ad effectus, quos corpora æquè ac spiritus in sensibus

bus nostris tum externis, tum internis naturaliter edere experimur. Ergo *naturales effectus*, ut termini consequentes primarum, quas percipimus, relationum, inter suprema rerum genera debent enumerari.

Qua verò ratione ad reliqua suprema rerum genera determinanda deveniemus, sequens ratiocinatio declarabit.

§. 44.

QUælibet relatio, quæ de quovis objecto affirmatur, nunquam potest de ipso affirmari absolute, sed semper debet relatè ad suum terminum consequentem. Id ex natura relationum patet (§. 1.). Ergo nulla relatio existere suo modo potest, quin præter subjectum, sive terminum antecedentem ejus, terminus quoque consequens ejusdem simul cum ipso antecedente existat. Ideoque deficiente termino consequente, nulla relatio poterit de subjecto suo affirmari, nullaque relatio poterit suo modo existere sine termino consequente; neque ab unica cujusvis objecti e-

xi.

ad Philosophiam.
ad Philosophiam.
ad Philosophiam.
ad Philosophiam.
ad Philosophiam.

xistentia poterit ullius relationis existentia rectè inferri.

*Ergo obiecta
sive termini
antecedentes
et consequen-
tes, sunt res.*

Hinc ex adverso quoties ab unica cujusvis obiecti existentia rectè inferitur alterius obiecti existentia, nempe aliud obiectum necessariò existere, hoc ipsum obiectum, quod ita inferitur existere, *Relatio* non erit, & consequenter cum obiecta omnia sint *Res*, vel *Relationes* [§. 5.] ad Res pertinebit. Quamobrem ea omnia, quorum existentia immediatè, vel alio interveniente poterit necessaria, & absoluta consequutione inferri ab unica naturalium effectuum, vel aliarum rerum existentia, eadem, inquam, omnia obiecta non ad relationes, sed ad *res* referenda, sive pro rebus habenda erunt.

Patet igitur hinc qua ratione ab unica naturalium effectuum existentia, reliqua suprema rerum genera ritè determinari possint, quod nunc ita exequimur.

§. 45.

Naturales, quos experimur, effectus existere non possent, nisi 1. ab ali-

aliqua existente Re, quam liceat appellare simplicem *Substantiam*, producerentur. 2. nisi hæc substantia aptis esset instructa facultatibus ad eosdem edendos, quas facultates appellabimus *Vi-res*. 3. nisi eadem substantia aliquo operaretur *Modo*. 4. nisi eadem aliquo in loco, *spatiove* ipsos effectus ederet. 5. nisi eadem aliquo *tempore* duraret.

Ergo hæc omnia, quippe quæ ab unica naturalium *effectuum* existentia, necessaria, & absoluta consequutione inferuntur, *Res* erunt (§. 44.)

Sed præterea eadem *Res* tam maxime inter se differre videntur, ut in alio convenire non possint, quam in supremo objectorum, sive entium omnium genere. Ideoque ipsa erunt totidem *suprema Rerum genera*.

Adde quod præter ipsa nihil aliud reperiri potest, cujus existentia, necessaria & absoluta consequutione ab effectuum, cæterarumque, quas diximus, rerum existentia deducatur. Ergo *suprema rerum omnium genera* ad eadem sex tantummodo reducuntur, quæ sunt
 1. Naturales effectus. 2. Simples substantiæ, a quibus effectus ipsi eduntur.
 3. Vi-

*modi sunt
res.*

3. Vires, quibus iidem eduntur. 4. Varii modi, quibus ipsi effectus fiunt. 5. Spatium, ubi existentes substantiæ suos operantur effectus. 6. Denique Tempus, cujus durationi duratio existentium substantiarum respondet. Quod erat demonstrandum.

Detectis enumeratisque supremis rerum omnium generibus, quum omnis cognitio nostra posita, ac sita sit in perceptione earum relationum, quas inter se habere, vel non habere deprehenduntur res ipsæ, de iisdem rebus potiora nobis explicanda sunt, quibus ad ea omnia, quæ humana mens consequi potest, aperietur aditus, & prima veluti via explanabitur. Cum verò Tempus, & spatium omnia veluti contineant, & complectantur, de iisdem agere primo loco aggredimur.

C A P U L I I.

De Tempore, & Spatio.

§. 46.

CUm tempus, & spatium jam superiori numero ostensa sint per-
ti-

tinere ad categoriam *Rerum*, exponendæ modò sunt præcipuæ relationes illæ, quarum ope utrumque cognoscere possumus.

Ac primò, ut a tempore exordiamur, cum ipsum vulgo censeatur consistere in quodam fluxu, sive successivo motu, inquirendum est, qua ratione, seu cujusnam respectu, hoc est relatè ad quemnam terminum consequentem, affirmari de tempore, tribuique tempori possit ejusmodi relatio *motus*, nempe successivi fluxus.

Videtur autem non alia ratione posse motum tempori tribui, quam relatè ad variabilem, mox explicandam, rerum essentiam, sive relatè ad variabilitatem essentiæ rerum, & potissimum essentiæ humanæ.

Omnis enim successiva motio, quæ tempori tribuitur, inferri solet ab ea temporis divisione, quæ communiter efficitur in elapsum, præsens, & futurum. At verò si omnia, quæ sunt, nullam omnino mutationem subirent, sed ipsa in eodem statu constanter, immutabiliterque perseverarent; nullaque idearum sibi succeden-

cedentium varietas in nobis esset ; sed ea , quæ cogitando , successive cognoscimus , forent omnia semper æquè præsentia menti nostræ ; profecto eadem esset ut nunc , hoc est in statu præsentis , natura temporis ; & tamen nulla concipi posset distinctio temporis in elapsum , præsens , & futurum ; sed totum illud tempus æquè præsens nobis esset , ac præsens est instans temporis , quo hæc cogitamus . Adeoque ablata hujusmodi distinctione temporis in elapsum , præsens , & futurum , nulla esset occasio tribuendi temporis motum , quem ipsi in præsentis statu rerum variabili tribuimus .

Motus igitur , qui temporis tribuitur , de ipso affirmari non potest , nisi relatè ad variabilitatem , mutationemque successivam essentiarum rerum , & potissimum essentiarum nostrarum , *qua modo infantiam , modo adolescentiam , modo virilitatem , & senectutem successive vivimus* . Relatè verò ad constantiam , immutabilitatemque divinæ essentiarum , hoc est Entis immutabilis , nulla motio , nullusve fluxus affirmari de tempore , tribuere temporis potest ; sed concipiendum est
ipsum

ipsum tanquam res immobilis, immutabilis, nullas in partes distincta, unius scilicet instantis adinstar.

Motus autem omnis, omnisve fluxus, qui de quolibet objecto affirmari non potest, nisi relatè ad alia objecta, quæ ejusdem generis motu, ejusdemve generis fluxu afficiuntur, est motus improprius, & tantummodo apparens: immobilitas vero, quæ de objecto affirmatur relatè ad aliud objectum nullo motu, vel fluxu, nullave mutatione actum, est immobilitas propria, & realis.

Ergo nullus reapse motus, vel fluxus nisi improprius, & apparens, tribuendus est tempori; sed habendum est ipsum, ut ens realiter immotum, quod scilicet in eodem statu constanter perseverat idem.

Uno verbo. Ex eo quod motus affirmari de tempore non possit nisi relatè ad mutabilitatem essentiae corporeæ, nempe rerum creatarum; relatè verò ad immutabilitatem essentiae Dei, hoc est Entis immutabilis, affirmanda de iplo tempore sit immobilitas, immutabilitaque, inferimus apparentem, & improprium esse

F. mo-

motum omnem, qui temporì vulgò tribuitur; realem autem & propriam esse immobilitatem, immutabilitatemque, quæ de ipso tempore affirmanda est.

§. 47.

Non igitur potiori jure affirmari potest tempus fluere, tempus labi, tempus succedere, tempus accedere, tempus advenire, ipsumque distinguì in elapsum, præsens, & futurum, quàm hæc omnia affirmarentur de immota fluminis ripa, eademque distingueretur in partes præteritas, præsentēs, & adventuras ab eo, qui vectus in Navi secus ripam ipsam jugiter progrediente, eandem ripam unicè, hoc est nulla ratione habitâ proprii motus, prospiceret, & consideraret. Nam sicuti naviganti per Flumen videntur ripæ moveri, & elabi, quia motum, quò ipse vehitur minime advertens, eundem immotis ripis unicè tribuit: ita quoque mortalibus videtur tempus in quodam jugi fluxu consistere, quia successivas essentiæ nostræ, rerumque nostrarum
mu-

mutationes minimè advertentes, dum tempus cogitamus, easdem temporì unicè tribuimus.

Quare sicuti remotis falsis apparentiis rectè judicatur etiam a navigantibus ripas fluminis esse immotas, quia immotæ judicantur tum ab eo, qui in ipsis est immotus, tum ab eo, qui secus easdem vel ambulando, vel navigando, motus proprii rationem habet; ita quoque nobis, remotis apparentiis, dicendum est, nullum temporì convenire motum, nullumve fluxum; nullamve mutationem, vel successionem affirmari posse de tempore: quia mutatio nulla, nullusve motus eidem tribueretur, tum ab eo, qui essentia invariabili est instructus, quemadmodum est Deus, tum ab eo, qui licet continuè variabili, mutabilive essentia viveret, ejusdem tamen, nempe propriæ, continuæque varietatis, & mutationis debitam haberet rationem, dum hanc temporis affectionem expenderet.

§. 48.

PRæter motum, fluxumve successivum, affirmari de Tempore solet etiam *Duratio*, nempe relatio illa, quæ de existentis, hoc est de rebus ut existentibus affirmatur relatè ad intervalla mutationum, quibus entia mutabilia successive mutantur. Quare cum tempus sit *Res*, nimirum ens, existens independentè ab humana mente, veram, propriamque durationem habebit, licet ipsum nullo agatur motu, nullaque agendi, vel patiendi facultate sit instructum.

§. 49.

Sed quanta sit duratio Temporis, determinari non potest, nisi prius determinetur significatio, sub quâ ipsa *temporis* vox accipienda est. Cum enim alii durationem finitam tempori

tri-

tribuunt, ut plerique Sancti Patres, alii autem (a) ex Sanctis Patribus infinitam, æternamve durationem de ipso tempore affirmant, necesse est, ut qui æternam esse temporis durationem volunt, tempus ipsum accipiant pro ejus veluti Toto, nempe pro Æternitate, cujus duratio, sicuti respondet æternæ durationi Dei, ita infinitè superat durationem rerum mutabilium, & in hoc sensu dicitur tempus, hoc

F 3

est

(a) S. Hilarius Episcopus dum Arianos alloquitur *Sed tu*, ait, ut Deo initium tribuas, quo Pater est, prius temporibus initium decerne, quo cæpta erunt: quæ si cæpta sunt, mendax est Apostolus, qui ea sit professus æterna. Soletis enim tempora de Solis, ac Lunæ creatione numerare, quia scriptum de his sit, & sint in signa, & tempora, & annos.... Quid caducis, & terrenis, & angustis divina, & infinita concludis? Nescit Paulus in Christo nisi temporum æternitatem. De Trinit. lib. 12. num. 24.

S. Anselmus in Epist. S. Pauli ad Titum cap. 1. Ex quo iuxta historiam Geneseos, factus est Mundus; & per vices noctium & dierum, mensium pariter, & annorum, tempora constituta sunt; in hoc curriculo, & rōta labuntur secularia tempora, quæ cum sæculo, cæperunt: & ante hæc idest antequam Mundus cæpisset, promisit vitam æternam electis, quos noverat futuros. Sed ante hæc Mundi tempora æternitatem quandam temporum fuisse credendum est, quæ vocatur Ævum, quia non variabatur mutationibus.

est æternitas, carere principio, & fine durationis, durationemve æternam habere. Quī autem affirmant durationem temporis esse finitam, ipsumve habuisse principium, quando conditus fuit Mundus, necesse est ut pro tempore intelligant eam æternitatis veluti partem, cujus existentia existentia rerum mutabilium, & creaturarum respondet, quum antequam conditus fuisset Mundus, tempus fuisse non raro indicatur a Sacris Paginis [a].

§. 50.

(a) Eccles. 23. 29; Proverb. cap. 8.

ad Philosophiam. 87

§. 50.

CÆterum quum nomine *Rei*, vel
Entis *realis* communiter intelli-
gantur Entia, quæ non modo inde-
pendenter ab humana cogitatione, sed
etiam *per se se existunt*, cujusmodi
sunt substantiæ viribus agendi, vel pa-
tiendi instructæ; ideo ne aliquis com-
muni hæc *Rerum* idea præoccupatus,
aliquid absurdum inferat ex eo, quod
realitas cum æterna duratione affir-
metur a nobis de Tempore, sedulo
animadvertat quid a nobis intelligatur
nomine *Rei*, quidque intelligendum sit
eo nomine relatè ad supremam illam
Entis divisionem in *Res*, & *Relatio-
nes*, ob quam Tempus, & Spatium ad
Entia realia retulimus. Nam iuxta
eandem divisionem apertissime intelli-
gitur, ea, quæ nobis sunt entia realia,
posse 1. carere omni motu, & muta-
tione, facultateve omni agendi, vel
patiendi, sicuti carent Tempus, &

F 4

Spa-

osserva, che vuole che Ente reale
che esiste indipendentemente dall'umana
cogitatione; ma non ogni ente reale
vuole, che sia sostanza, onde vuole, che

che la sostanza non bene si definisce
per se subsistens.

88.

Introductio

Adunque per
la sostanza
è sempre
mente. Sub-
stantiam quali-
tatem et vivam
è questa è substan-
za semplice.

Spatium. 2. posse in alio inseparabili-
ter inhaerere, & ad ejus naturæ consti-
tutionem pertinere, ut Vires, quæ in
substantiis inhaerent, & ad earum na-
turam constituendam, determinandam-
que pertinent. 3. posse ab alio pende-
re, ut naturales Effectus, qui a Viri-
bus effectricibus procedunt, atque de-
pendent. 4. posse cum alio coexistere,
ut naturales Effectus, qui connexio-
ne inseparabili coexistunt cum Modis,
quibus iidem effectus eduntur. (§. 44.
45.) Quamobrem unusquisque diligen-
ter caveat, ne dum Tempori æterni-
tatem tribuit, tribuat eidem realita-
tē illam in communi sensu acceptam,
quam tempus ipsum minime habet,
quæque Substantiis unice convenit.
Omnis enim inde illata consecutio ef-
fet omnino falsa, & inconcludens,
ob illam acceptionum differentiam,
quam in ipsa realitatis voce declaravi-
mus.

Sempiternus ergo
non est substan-
tia; sed tamen
est res, est ens,
reale, per se, et
semper fuit, et
semper erit.

§. 51.

§. 51.

QUam vero duratio, sicuti diximus, (§. 48.) sit relatio, quæ de rerum existentis affirmatur relatè ad intervalla mutationum, quibus entia mutabilia successivè mutantur, hinc efficitur, ut omnia, quæ existunt, suam singillatim habeant durationem. Atque ideo variarum rerum durationes erunt termini homogenei (§. 27.), ex quorum comparatione mutua percipiuntur quantitates earundem durationum. Quælibet igitur duratio, exempli causa duratio temporis, prout comparabitur cum hujus, vel illius rei duratione, tanquam cum mensura communi, modo major, modo minor invenietur. Quare, ne ob varietatem mensuræ communis, ad quam referri potest mensuranda temporis duratio, quæ durationibus aliarum rerum respondet, confusio aliqua in ipsius quantitate determinanda oriatur, delecta est duratio peculiaris rei, quæ insigni, ordinata & success-

cessiva mutatione procedere censetur , nempe duratio motus Syderum , & præcipuè Solis . Et vicissim ad mensuratum hac ratione temporis durationem , ut ad mensuram communem , referuntur mensurandæ aliarum rerum durationes . Ex quo intelligitur , quâ ratione duratio temporis , motu Solis mensurata , sit mensura communis aliarum durationum omnium , quæ ad alias res pertinent , nimirum mensura communis durationum tum motus , tum quietis .

Immo quum ad normam solaris , æquabilisque motus , alii motus similiter æquabiles in aliis corporibus artificiosè fiunt , quæ horologia dicuntur ; hinc etiam horologiorum motus , vel potius duratio motus horologiorum rectè usurpatur ut mensura communis durationum tum temporis , tum quietis , & motus aliorum corporum .

§. 52.

Praterea tempus ipsum, prout duratio ejus intelligitur modo hujus, modo illius rei durationi respondere, variis modis distingui, & appellari solet. Nam

1. Licet duratio temporis sæpius referatur ad ea intervalla, quæ inter mutabilium rerum mutationes successivè intercedunt, (§. 48.) tamen ipsa referri solet etiam ad æternam Dei durationem. Quare sicuti in primo casu tempus *Temporis* nomen speciatim retinet; ita in altero casu proprie dicitur ipsum *Æternitas*.

2. Si temporis duratio referatur ad generales, & successivas rerum mutationes, hoc est ad earundem mutationum durationes, distinguitur ipsum in elapsum, præsens, & futurum.

3. Relatè ad numerum dierum distinguitur tempus ipsum in hebdomadas, menses, & annos.

4. Re-

*Ergo per se
idem est
semper et
æternitas.*

*Cur ergo pro-
terea non
æternitas*

*semper fuit
et erit, quæ*

*semper vocetur comparatè ad res
mobiles et mutabiles?*

4. Relatè ad numerum annorum distinguitur in lustra, & sæcula.

5. Relatè ad successivas illustrationes, quæ in alteram superficiem Telluris medietatem alternatim inducuntur a Sole, distinguitur Tempus in diem, & noctem.

6. Relatè ad successivas mutationes, quæ in Vegetantibus a Sole fiunt, distinguitur ipsum Tempus in Ver, Æstatem, Autumnum, & Hyemem.

7. Relatè ad varias hominum operationes, distinguitur idem Tempus in tempus belli, & tempus pacis: in fativum, & messorium. Et sic de sexcentis aliis temporis divisionibus, quæ ad alias rerum mutationes referuntur.

§. 53.

Quia verò ob successivum mutationumstrarum motum ipsi tempori a nobis impropriè tributum, [§. 46. 47.] distinguitur idem tempus in partes æquabiliter fluentes, necesse est, ut in eodem tempore concipiantur quædam

dam veluti puncta distincta ; a quibus conceptæ partes ejus successivis rerum mutationibus respondentes enumerari , & mensurari incipientur . Eadem igitur veluti puncta sunt ea , quæ dicuntur *Æræ*, vel *Epochæ*, inter quas *Vulgaris* apud Christianos dicitur ea , quæ ad Nativitatem Domini nostri Jesu Christi refertur: ab hac enim incipiunt annuæ partes temporis, quæ ut æqualiter fluentes usurpantur a nobis ad metiendas præcipuas tum quietis , tum motus corporum durationes . Reliquæ *Æræ*, quæ apud alias Nationes sunt , fueruntque in usu, videri possunt apud Chronologos, veluti apud Cl. Petavium in *Ration. Temp. rom.* 3. Et hæc de Tempore.

§. 54.

AD Spatium quod attinet , licet ipsum cum tempore demonstratum fuerit (§. 44. 45.) esse *Rem* , nempe Ens existens independentem ab hu-

humanâ mente, tamen quia Cl. Leibnizio videntur Tempus, & Spatium esse Entia relativa; nempe *Relationes*, quarum existentia pendet ab humana cogitatione ipsarum terminos correlatos simul comparante; percunctabimur ab ipso, ejusve Affeclis; ut ejusmodi *relationum* assignent terminos correlatos; nempe terminos antecedentes; de quibus tempus, & spatium tanquam relationes affirmari possunt; nec non terminos consequentes; ad quos eadem relationes in affirmatione referuntur. Et donec iidem termini correlati non assignentur, erunt nobis Tempus, & Spatium ut entia realia; eo tamen sensu, qui ex nostra Entis divisione faciliè intelligitur; scilicet erunt entia, quæ independenter ab humana cogitatione existunt.

termini
correlati
sunt ergo
entia realia

§. 55.

Quod si Leibnizius contendat Spatium esse *Ordinem coexistentiarum*, & Tempus esse *Ordinem successivum*, id aperte negamus. Quia ordo
suc-

successionum non est aliud, quam relatio *ordinis*, quæ de *successionibus*, quibus loco, vel statu mutantur corpora, affirmatur ut de ipsius relationis subiecto, relatè ad eas *temporis partes*, quas motu corporum metimur: Ordo verò coexistentiarum est relatio *ordinis*, quæ affirmatur de *coexistentiis* objectorum tanquam de ejusdem relationis subiecto relatè ad *partes spatii*; in quibus coexistentiâ objecta existunt: Quare cum nulla relatio esse possit unum, idemque ens cum suo termino consequente; ita neque *ordo coexistentiarum* esse poterit *Spatium*; quia refertur ille ad partes *Spatii* ut ad terminum consequentem ejusdem relationis *ordinis*: neque *ordo successionum* poterit esse *Tempus*; quia ordo ipse refertur ad partes *temporis*, ut ad terminum consequentem ejusdem *ordinis*.

§. 56.

PRæter realitatem, hoc est existentiam ab humana cogitatione independentem, a nobis Spatio tributam, affirmari de ipso solet *Extensio*. Hanc verò demonstrabimus convenire Spatio non posse, nisi relate ad entia illa, quibus ob terminatam eorum extensionem, sunt eodem tempore inæqualiter veluti præsentēs partes Spatii: nullo autem modo affirmari posse de Spatio extensionem ipsam relate ad Deum, cui ob immensitatem suam eadem partes Spatii sunt eodem tempore æqualiter præsentēs. Etenim cui partes Spatii sunt eodem tempore æqualiter præsentēs, ei nulla est distantia inter ipsas: in hac autem distantia consistit extensio Spatii. Ergo relate ad Deum nulla est extensio Spatii. Relate autem ad corpora creata sunt quidem ob terminatam eorum extensionem inæqualiter veluti præsentēs partes Spatii; atque ideo distantia quædam inter ipsos intercedit; & consequenter extensio ali-

aliqua, utpotequæ in iisdem distantiiis consistit, affirmari potest de Spatio, sed tantummodo relatè ad finitam corporum extensionem.

§. 57.

QUocirca quantitates, & qualitates, quæ de Spatii extensione affirmantur, locum non habent, nisi relatè ad terminatam finitorum corporum extensionem; minime autem relatè ad immensitatem Dei, eo quodcum omnes partes Spatii sint Deo æqualiter prææsentes, nulla est ipsi extensio ejusdem Spatii.

§. 58.

ITaque dum extensionem Spatii affirmamus cum Divo Augustino (a) esse
G de-

(a) Divus Augustinus lib. i. de Civit. Dei loquens de iis, qui Dei substantiam nec includunt, nec determinant, nec distendunt loco, sed ea, sicut de Deo sentire dignum est, fatentur incorporea præsentia ubique totam, interrogat: An forte à tantis locorum extra Mundum Spatiis absentem esse dicturi sint, & uno tantum, atque in comparatione illius infinitatis, tam exiguo loco, in quo Mundus est, occupatam? Et respondet. Non opinor eos in hæc vaniloquia progressuros.

debere immensam, hoc est infinitam, eo quod suo modo respondere debeat immensitati Dei, hoc intelligendum est de Spatii extensione, quæ refertur tantummodo ad terminatam corporum extensionem: quia relatè ad immensitatem Dei nulla est extensio Spatii (§. 56. 57.); ideoque nec ulla ipsius extensionis quantitas, immensitasque.

Hinc tamen infertur distingui posse Spatium in duas partes, quarum altera sit Spatium mundanum, quod scilicet occupatur a Mundo; altera verò consistat in Spatiis immensis extra Mundum positis, quæque imaginaria vocantur, non quod ipsorum existentia pendeat ab imaginatione nostra; sed quia imaginamur eorundem extensionem mensurari posse corporum extensione, si corpora ibidem existerent.

§. 59.

Ratio verò, ob quam cum Divo Augustino affirmamus immensam esse Spatii extensionem, nempe quia hæc suo modo respondere debeat immen-

mensitati Dei, argumento nobis est, quo Spatium ipsum dicamus esse durationis æternæ, quia æternæ durationis est immensitas Dei, cui ab æterno respondere suo modo debet eadem Spatii extensio immensa.

§. 60.

CAETERUM quum ea, quæ a nobis de Temporis æternitate, & realitate dicta sunt (§. 50.) facile applicari possint etiam ad realitatem, æternitatemque Spatii, supervacaneum censemus admonere, ne aliquis realitatem in communi sensu acceptam confundat cum ea realitatis significatione, quæ ex nostra Entis divisione necessariò infertur, quæque unice intelligi debet, dum Tempus, & Spatium entia realia esse a nobis affirmantur.

C A P U T III.

De simplici substantia.

§. 61.

Simplex substantia, quam ad suprema *Rerum* genera referendam esse ostendimus (§. 45.), est res illa, quæ
 1. *Virium* omnium veluti substratum esse potest. 2. Earumdem virium ope genus omne naturalium *effectuum* edere valet. 3. eosque suis, propriisque *modis*. 4. in aliquo *spatio* existere debet. 5. aliquo item *tempore* necesse est ut creata existat. Hæc omnia constant ex iis quæ §. 45. dicta sunt.

Atque huc redeunt omnia; quæ de simplici substantia affirmari possunt. Reliqua enim, quæ ipsi tribuerentur, non pertinerent ad eam prout simplex consideratur, sed unicè prout hac, illave *Vi* conciperetur esse instructa; vel hunc, illumve gignit effectum; vel prout ad hanc illamve temporis spatiive circumstantiam refertur. Ita ex. ca. dici potest substantiam

tiam esse cogitantem, ratiocinantem, volentem, sed unicè relatè ad vires cogitandi, ratiocinandi, volendi: gravem, & impenetrabilem, relatè ad vires gravitatis, & impenetrabilitatis: & generatim dicimus substantiam esse corpoream, vel spiritualementem, sed relatè ad vires, quibus instructa ita determinatur, ut sit corpus, vel spiritus: dicimus eandem esse calidam, frigidam, siccam, humidam, nutrientem, sanam &c. sed relatè ad effectus, quos edit. Et sic de ceteris relationibus, quæ de substantia affirmari, eidemque tribui possunt.

§. 62.

QUOD autem pertinet ad communem loquendi usum, quo simplex substantia, de qua scilicet in Categoriis, hoc est in supremis Entium generibus agitur, vulgò declaratur exemplo *Arboris*, vel alterius corporis; negari quidem non potest ibi substantiam aliquam proculdubio reperiri, ubi Arbor, vel aliud quodcunque corpus ex-

ternis sensibus percipitur : quemadmodum ibi spirituales Animam esse firmiter credimus, ubi vivens homo cernitur. Sed sicuti plurimum deciperetur qui ad indicandam spirituales animam hominem digito absolute ostenderet; ac si spiritualis anima esset id, quod oculis cernitur, auribus auditur, manibus contrectatur &c. ita æque falluntur illi, qui alicujus corporis exemplum absolute adhibent, quo veram, simplicemque substantiam aliis declarent.

Quinimo neque ipsa spiritualis anima usurpari ullo modo potest tanquam substantiæ simplicis exemplum. Est enim spiritualis Anima, substantia quidem, sed non simplex, cum a Deo instructa sit viribus cogitandi, volendi, ratiocinandi &c. quarum virium, rerumve (§. 45.) additione, eadem anima efficitur substantia composita.

Substantia simplex, nullus est spiritus, nullumve corpus, sed affectionum omnium, omniumque proprietatum, qualitatum &c. quæ tum in corpore, tum in spiritu quovis modo notari possunt, est veluti Substratum. Ideoque ipsa Substan-

*Ergo hęc non
est singularis
Substantia*

stantia simplex ne definiri quidem potest, ut solet, *Ens per se subsistens*, prout nempe nullius veluti substrati ad existendum indiget, ut ipsius substantiæ tanquam substrati indigent Vires, quia hujus generis Entia sunt etiam Tempus, & Spatium (§. 45.) Res nimirum, quæ a substantia simplici quam maxime discriminantur; cum illa, fide creata loquamur, Viribus a Deo acceptis, veluti vivificetur ad aliquid agendum, vel patiendum, sive ad exequentiam divini Creatoris voluntatem: Tempus autem, & Spatium nullam actionem agunt, nullamque affectionem proprie loquendo patiuntur.

CAPUT IV,

De Viribu. generatim,

§. 63.

ANtequam de Viribus singillatim agamus, operæ pretium est eas in universum expendere, ut ordo, sub quo eadem speciatim declarari debent, repeti possit. Vires igitur generatim acceptæ considerari possunt multifariam, nimirum relatè ad effectus ab ipsis productos; relatè ad modum, quo iidem efficiuntur; relatè ad substantias ad quas eadem Vires ex naturæ instituto pertinent; relatè ad tempus; relatè denique ad spatium. Porro quum inter respectus hos plures, iuxta quos vires considerari possunt, ad instituti nostri rationem plurimum conferat substantiarum ad quas referuntur vires, consideratio, hanc aggrediemur.

Vires itaque relatè ad substantias, distinguuntur in duo suprema Virium genera: aliæ siquidem sunt Vires, ob quas
sub.

substantiæ iisdem a natura instructæ ,
vocantur materiales, sive corporeæ; aliæ
autem sunt Vires, cujusgratia immate-
riales, incorporeæ, & etiam spirituales
dicuntur substantiæ, quæ iisdem Viribus
sunt præditæ.

Ad Vires, quibus instructæ sunt sub-
stantiæ materiales, hoc est corpora, per-
tinent Vires Gravitatis, Impenetrabili-
tatis, Attractionis, Electricæ, Magne-
ticæ, Centrales &c.

Ad Vires autem, quibus instructæ sunt
Substantiæ immateriales, incorporeæ, spi-
ritales, refertur *speciatim* Viscogitandi,
quæ pro variis modis, quibus se se ex-
plicat, distinguitur in alias Vires, cujus-
modi sunt Vires contemplandi, compa-
randi, componendi, ampliandi, immi-
nuendi, abstrahendi, distinguendi, indi-
candi, ratiocinandi.

At verò quum cogitandi Vi, qua in-
structus est Spiritus, in cognitionem Vi-
rium materialium, quibus scilicet instru-
cta sunt corpora, veniamus, illam primo
explicare oportet, quo postea facilius
explicationem Virium, quæ ad corpo-
ra pertinent, in alio opere, quod Phy-
sicam

ficam peculiari methodo pertractandam
completetur, aggrediamur.

C A P U T V.

De Cogitandi Vi, eiusque speciebus.

§. 64.

PRimam cogitandi rationem videntur Philosophi in eo constituere, quod aliquid ita percipiatur, ut citra omne iudicium perceptio ipsa consistat; ideoque eadem perceptio vocatur ab ipsis *perceptio simplex*, *simplexve apprehensio*, veluti quando hominem percipimus, ut ipsi ajunt, quin aliquid de ipso iudicemus, non perpenſa ſcilicet ulla relatione, quæ illi ut ſubjecto convenire poteſt, puta quod ipſe ſit albus, vel niger; doctus, vel indoctus; Italus, vel Gallus &c.

Veruntamen ſi res attentius expendatur, nulla videtur eſſe poſſe ſimplex apprehenſio, perceptiove ſimplex, quæ præſato modo a Philoſophis explicata, omne iudicium excludat.

Enim-

Enimvero cum ex iis , quæ diximus [§. 2. 3.) omnis cognitio , quam de quovis objecto consequi possumus , semper consistat in aliqua relatione , quæ a nobis de ipso percepta judicatur eidem convenire relatè ad aliquem terminum consequentem , necesse est ut prima quoque cognitio, primave idea, quam de quovis licet aliunde incomper- to , indeterminatoque objecto consequi- mur , sit relatio , quam de ipso tan- quam de subjecto cognitæ relationis per- cipimus , judicantes eidem ipsam con- venire relatè ad aliquem terminum con- sequentem. Adeoque quum de quolibet licet incomper- to , indeterminatoque obje- cto nihil omnino percipi possit , quod non sit aliqua relatio de ipso ita per- cepta , ut eidem judicetur ipsam con- venire , nulla perceptio poterit esse , quæ sit adeo simplex, ut omne judicium excludat ; proptereaque *simplex Appre- hensio* cum Philosophis vocari possit.

§. 65.

Sed ut communem erroris causam ostendamus, notandum est, objectum, quod nobis penitus incompertum, indeterminatumque est, nullum habere nomen, quo ipsum appellare possimus. Ideoque simul atque notio aliqua, nempe relatio de ipso primò deprehenditur, ab eadem notione, relationeve primò percepta nomen assumimus objecto ipsi tribuendum: quia ejusdem relationis ope objectum, quod nobis plane indeterminatum, planeque incompertum erat, aliquo modo determinatur, compertumque efficitur; dum judicamus perceptam relationem ipsi convenire.

Quamobrem dum alicujus incomperti, indeterminati que objecti relationem aliquam primò percipientes judicamus ipsam eidem convenire, ita capimur nomine ab eadem relatione desumpto, ut putemus nos similiter percipere sine ullo judicio objectum jam a relatione determinatum, quando reipsa non objectum determinatum, sed relationem
deter-

determinantem ipsum adeo apprehendimus, ut judicemus eandem ipsi objecto aliunde indeterminato, & incomperito convenire, & quidem relatè ad aliquem terminum consequentem; licet hic frequenter minimè advertatur.

§. 66.

Q UOD verò hæc omnia exemplis clariora fiant, & confirmentur, animo fingamus hominem visu a nobis ita percipi, ut nihil præterea de ipso judicetur. Perceptionem hanc appellant Philosophi *Simplicem Apprehensionem*, ac si ab ea omne omnino iudicium abesset. Sed qua ratione, obsecro, perceptum objectum appellamus *hominem* potiusquam *Plantam*, vel *Lapidem*? Profecto non alia de causa, quam ob peculiarem relationem, quæ inter objectum ipsum, & sensationem ab eo in oculis nostris excitatam intercedit, quamque intercedere percipiendo judicamus. Ergo dum hominem ea ratione percipimus, non percipimus ipsum tanquam objectum nobis ita cognitum, determinatumque, ut
ni-

nihil de ipso judicemus; sed de Incomperto, indeterminatoque objecto ea relatio percipitur, internè affirmatur, *iudicaturque* relatè ad sensationem ab eo in nobis exortam, ob quam relationem objectum ipsum de incompetito, indeterminatoque, determinatum compertumque nobis efficitur; ipsique nomen *hominis* ab ipsa relatione acceptum tribuimus.

Similiter dum dicitur, Salem nos palato ita percipere, ut de ipso nihil præterea judicemus, non idcirco eadem perceptio adeo simplex est, quemadmodum simplex vulgo censetur, ut citra omne omnino iudicium sit. Potest enim ostendi, perceptionem ipsam in alio non consistere, quam in peculiari quodam iudicio. Ideo enim dicimus nos percipere *Salem* potius quam aliud objectum; nempe *Salis* nomen tribuimus objecto illi, quod ceteroquin indeterminatum, & adnotum palato, confertur cum sensatione ab illo in nos producta: ideo, inquam, *Salis* nomen ipsi tribuimus, quia ex ea comparatione percipitur, iudicaturque relatio *saporis* eidem objecto con-

ve-

venire relatè ad sensationem ipsam. Adeo ut si ex eadem comparatione perciperetur alia relatio, aliud quoque nomen eidem objecto tribueretur, puta nomen *lapidis*. Cum igitur ex percepta relatione *saporis*, nomine *Salis* vocetur objectum, quod alioquin incompertum, & indeterminatum comparatur cum sensatione ab ipso in nobis excitata, evidenter constat non percipi a nobis *Salem* tanquam objectum determinatum, sed percipi relationem *saporis*, objectum ipsum ita determinantem, ut ob hanc determinationem vocetur ipsum nomine *Salis* potiusquam alio nomine. Hinc illa, quæ vulgò dicitur *simplex apprehensio* *Salis*, non est simplex apprehensio, quæ omne penitus iudicium excludat; sed imo consistit in peculiari quodam iudicio, quo judicamus perceptam *saporis* relationem ita convenire objecto relatè ad sensationem, cum qua conferitur, ut ob eandem *saporis* relationem objectum ipsum, quod nobis indeterminatum, incompertumque erat, determinato nomine *Salis* appelleretur, compertumque efficiatur.

Idem prorsus statuendum de omnibus aliis

aliis relationibus, quæ de quolibet incomperto indeterminatoque objecto primò percipiuntur. Relatio enim, quæ de quolibet hujusmodi objecto primò percipitur, ipsum nobis ita determinat ut ab eadem accipiat nomen, quo objectum ipsum nominetur, determineturque. Hoc autem determinante nomine decepti putamus objectum jam determinatum percipere sine ullo omnino judicio; verum re ipsa non objectum determinatum, sed relatio, qua idem determinatur, ita percipitur, ut eidem objecto relationem ipsam convenire *judicetur*, & quidem relatè ad eam sensationem, cum qua objectum ipsum, licet plerumque inconsideratè, & ex usu comparatur.

§. 67.

QUæquum ita sint, prima cogitandi ratio constituitur a nobis, non quidem in *simplici apprehensione*, quam nullam esse ostendimus tum ratione (§. 61. 65.), tum exemplis [§. 66.], sed constituitur in simplici duorum, plurimve objectorum mutua comparatione, quo-

quoties nimirum eadem objecta simul considerantur. Id vero ex fine, sive ex scopo, vel termino, ad quem cogitatio collineat, probari posse confidimus.

Nam ultimus terminus, ad quem cogitatio pervenire potest, est consequatio alicujus cognitionis, quam in aliqua relatione semper consistere probavimus. (§. 2. 3.) Sed nullam consequi, nullamve cogitando percipere possumus relationem, quæ inter suos terminos correlatos non intercedat. Ergo ab ipsorum terminorum comparatione initium ducere debet omnis cogitatio. Prima igitur, & generalis cogitandi ratio videtur constituenda esse in simplici duorum objectorum comparatione.

§. 68.

VEruntamen cum hujusmodi comparatio, in qua prima & generalis cogitandi ratio semper consistit, sæpe non advertatur, atque ideo existimant Philosophi, plures dari cogitationes, quæ citra comparationem omnem eduntur, quasque propterea simplices objectorum

H

ap-

apprehensiones appellant: hinc ne ex hoc capite videatur sententia nostra labefactari posse, declarandum est qua ratione comparationes ipsæ interdum ab humana mente minime animadvertantur; quamvis in iisdem omnis cogitatio reipsa consistat.

Itaque cum cogitationes, quæ ab hominibus primo eduntur, fiant non ratione, sed simplici, & passiva sensatione, veluti per machinam, ut in infantibus nondum ratione præditis contingit; hinc efficitur, ut homo eodem, quo ab infantia assuetus est cogitandi modo, plerumque non ratione, sed ex usu, veluti per machinam cogitet etiam grandior. Atque ita minime advertat suas omnes cogitationes in mutua objectorum comparatione consistere. Quod speciatim evenit, quando subiectum, de quo cogitat, confert cum sensatione, quæ ab ipso subiecto in sensibus ejus excitatur, ut clare patet in exemplis supra allatis (§. 66.) Non igitur mirari debemus, si objectorum mutua comparatio, in qua primam, & generalem cogitandi rationem, versari ostendimus, hominum mentem

tem adeo facile fugiat, ut in pluribus casibus ne ab ipsis quidem Philosophis perspecta fuerit.

§. 69.

Cum igitur omnis cogitatio semper in aliqua comparationes consistat, dicendum nunc est de variis cogitandi viribus, cogitandive rationibus, in quas pro varietate circumstantiarum prima, & generalis! cogitandi ratio discrimina-
tur.

1. *Contemplatio* dicitur cogitatio illa, qua objectorum comparationi attentius vacamus, & consequenter contemplandi Vis appellatur vis illa, qua simili attentione cogitamus.

2. *Componendi* vis appellatur illa cogitandi facultas, qua objectum aliquod ita consideratur relate ad aliud, ac si eadem in unum conjuncta essent, ut si *Montem* ita consideraremus relate ad *aurum*, ac si *Mons aureus* esset. Item si dimidium hominis ita referatur ad dimidium equi, ac si hæc objecta simul con-

juncta essent, ut quando ideam Centauri nobis effingimus,

3. *Ampliandi* Vi objecta ampliamus, quando aliquod ex: gr: extensum ita consideramus relatè ad majorem extensionem, tanquam si ipsum magis extensum esset. Veluti quando ex idea hominis staturæ communis nobis effingimus ideam Gigantis; vel quando aliquod objectum intensum ita consideramus relatè ad majorem intensiorem, ac si magis intensum esset, quam revera est; ut si dolor quo quis afficitur conciperetur intensior quam est.

4. *Imminuendi* Vi objecta imminuimus quando aliquod objectum ex: ca: extensum cogitatione ita referimus ad minorem extensionem, ac si minus extensum esset. Ut si ex idea hominis staturæ vulgaris nobis effingeremus Pigmæum.

5. *Distinguendi* Vi objecta in varias classes distinguimus, quando aliquod objectum per varios adspetus considerantes, sive illud ad varia objecta cogitatione singillatim referentes, totidem relationes percipimus, quæ de ipso affirmari quidem possunt, sed divisim, quia in eo
si-

simul incompatibiles sunt. (§. 22.) Ita enim assumptum objectum ac si genus aliquod esset, in totidem species distinguimus, quot sunt relationes, quæ ipsi convenire possunt. E. G. Si Figura rectilinea consideretur relatè ad varios numeros laterum, quibus contineri potest, distinguitur eadem in trilateram, quadrilateram, pentagonam, hexagonam, eptagonam &c. pro vario laterum numero, quibus contineri potest.

6. *Abstrahendi* Vi abstrahimus ab objecto relationem aliquam, cujus ipsum est subiectum, sive terminus antecedens, quando objectum ipsum expendimus relatè ad aliquas, vel aliquam, non consideratis reliquis relationibus, quæ ad ipsum pertinent. Ex: ca: Nomine corporis præcipue apud Physicos intelligitur objectum, quod plurimarum relationum subiectum est, cujusmodi sunt *longitudo, latitudo, profunditas, gravitas, impenetrabilitas, color, figura* &c. Si ergo dum corpus cogitamus, ipsum referamus unicè ad longitudinem, & latitudinem ejus, non consideratis reliquis relationibus, quæ ipsi tanquam subiecto tribuuntur,

Hæc cogitandi ratio dicitur *Abstractio*; & idea quæ a nobis in ea comparatione percipitur, appellatur idea abstracta, veluti est idea *superficieï* (§. 7. 8.). Cum enim hoc nomine intelligatur corpus prout unice consideratur relatè ad latitudinem, & longitudinem ejus, non considerata profunditate, neque ulla alia relatione, quæ de corpore affirmari potest ideo nomine superficieï dicitur indicari idea abstracta ab idea corporis.

Hac vero cogitandi ratione, quæ *abstractio* dicitur, determinantur individuum omnium genera suprema. Nam si ex: gr: dum *Titium* cogitamus, nulla consideraretur ex illis relationibus, quibus ipse a reliquis hominibus distinguitur, remaneret in nobis generalis idea hominis. Si dum hanc hominis ideam consideramus, abstraheremus ab iis omnibus relationibus, per quas homines distinguuntur a Brutis, remaneret in nobis generalis idea Animalis. Si in hac generali Animalis idea non considerarentur relationes, quibus Animalia distinguuntur a Vegetabilibus, remaneret in nobis generalis idea Vegetabilis. In considerando

vero corpus vegetabile, si abstrahatur ab
 iis omnibus relationibus, quibus corpo-
 ra vegetabilia distinguuntur a reliquis
 corporibus, remaneret generalis idea cor-
 poris, nempe substantiæ corporeæ. Tan-
 dem si dum generalis idea substantiæ cor-
 poreæ consideratur, fiat abstractio ab
 omnibus relationibus, ob quas substantiæ
 corporeæ distinguuntur ab incorporeis,
 remanet supremum substantiarum genus,
 quod citra relationes, quibus in præsa-
 ta genera inferiora determinatur, inex-
 primibile, & imperceptibile profuse est.
 En igitur qua ratione per abstractionem
 pervenitur ad suprema individuorum, &
 specierum genera.

7. *Judicandi Vis* ea est, qua inter
 duo obiecta relationem aliquam interce-
 dere percipimus ex eorundem obiecto-
 rum immediata comparatione. Ut si
 comparatis simul corporibus A, & B, ex
 hac immediata comparatione percipiatur
 relationem *æqualitatis* inter ipsa corpo-
 ra intercedere, hæc cogitandi ratio, per-
 ceptiove dicitur *Judicium*

8. Denique *Ratiocinandi Vis* dicitur
 a nobis esse illa, qua ex una vel dua-

bus, pluribusve relationibus, relatio aliqua infertur intercedere, vel non intercedere inter duo quælibet objecta. Puta si relatio *æqualitatis* inter duos circulos deduceretur ex unica relatione æqualitatis, quæ inter ipsorum diametros intercedit, vel deduceretur ex duabus relationibus æqualitatis, quam iidem circuli singulatim accepti haberent relatè ad tertium circulum; hæc cogitandi ratio esset Ratiocinium, quod dicitur etiam Ratiocinatio, Discursus, & Argumentatio.

Porro cum inter expositas cogitandi Vires, cogitandique rationes, principem locum habeant Iudicium, & Ratiocinatio, de Viribus judicandi, & ratiocinandi fusius uberiusque dicendum nobis est.

C A P U T VI.

De Viri judicandi, nec non de judiciis, & propositionibus, earumque partibus tum essentialibus, tum integralibus.

§. 70.

Facultas illa animi nostri, qua ex immediata duorum objectorum compa-

paratione aliquam relationem inter ipsa objecta intercedere judicamus, nempe relationem aliquam ipsorum alteri convenire judicamus relatè ad alterum, dicitur a nobis judicandi Vis, qua inter plures alias substantias instructus a natura est animus noster. Ejus verò *effectus* est conceptum judicium, suasiove, quam animo concipimus, relationem ipsam inter eadem objecta intercedere. Puta si ex immediata comparatione corporis A cum corpore B judicaremus, persuasumque haberemus illud esse æquale huic, hoc est relationem æqualitatis inter eadem corpora intercedere, nempe relationem æqualitatis convenire corpori A relatè ad corpus B, hujusmodi judicium, persuasiove esset *effectus* Vis judicandi, qua naturaliter instructi sumus. *Modus* verò, quo idem effectus a sua efficiente Vi producitur, vocatur a nobis *immechanicus*, quia producitur in eadem substantia, ad quam vis ipsa pertinet, sive in qua eadem Vis ex naturæ lege, ipsi regendæ, moderandæque destinata, & veluti infusa insidet. Eadem porro animi passio, suasiove, quam
ju-

judicantes internè experimur, licet nomen *Judicii* retineat, donec in animo nostro latet, tamen ubi eadem externis signis, vocibus nimirum, vel scripto, aliis enunciatur, dicitur *Enunciatio*, & sæpius *Propositio*. Quamobrem cum in humana societate persæpè contingat, ut ea, quæ de objectis judicantes internè experimur, debeamus aliis indicare, & vicissim aliorum judicia percipere; hinc ne veluti brutorum instar humana fiat conversatio, operæ præmium est, ut ea, quæ tum ad judicia, tum ad propositiones, earumve naturam ritè cognoscendam pertinent, expendamus. Ita enim cogitandi Vim excolentes, semper magis ac magis in artium, & scientiarum augmentum proficisci licebit.

§. 71.

Itaque animadvertendum imprimis est æquè *Judicii* nomen obtinere tum relationis perceptionem, quæ ex immediata terminorum suorum comparatione procedit, tum quæ ex alia pluribusve relationibus deducta emanat. Illa enim

vo-

vocatur *Judicium simplex*, hæc verò *Judicium compositum*, licet frequentius ratiocinatio, vel etiam argumentatio, vel discursus nuncupetur. Ex: ca: Si ex immediata comparatione Saccari cum Palato percipiatur relatio *dulcedinis*, perceptio hujus relationis dicitur *Judicium simplex*; & simpliciter exponitur dicendo: *Saccarum est dulce*. Si verò relatio æqualitatis inter duos circulos A, & B perciperetur per illationem ex percepta relatione *æqualitatis* inter ipsorum diametros, perceptio illa æqualitatis inter circulos, diceretur *Judicium compositum*, quia ex duobus judiciis constat, quæ ita exponi solent. 1. *Diameter circuli A est æqualis diametro circuli B.* 2. *Ergo circulus A æquatur circulo B.* Hinc etiam judicia composita, quando simpliciter sunt enunciata, subauditis nimirum relationibus, ex quibus illa inferuntur, vocantur propositiones, æquè ac si judicia simplicia forent.

Nomine igitur propositionum intelliguntur judicia tum simplicia, tum composita, quando hæc simpliciter exponuntur.

§. 72.

Alterum, quod notandum ducimus, est quod innumeræ sunt relationes, quæ inter suos terminos correlatos intercedunt quidem, sed relatè ad aliquod tantummodo tempus, locumque aliquem, non autem semper, neque ubique. Quapropter cum utroque termino correlato enunciandæ relationis videntur hujusmodi temporis, locique circumstantiæ esse exprimendæ, quoties relatio aliqua ut percepta enunciatur. Verumtamen usus invaluit, ut in relationum affirmatione, hoc est in propositionibus, circumstantia temporis nunquam non exprimatur, circumstantia autem loci plerumque subaudienda omittatur. Qui sane usus ex eo forè procedit, quod temporis circumstantia compendiosius quam circumstantia loci enunciatur, determinaturque, cum illud breviter in elapsum, præsens, & futurum distinguitur, hic autem magis operosam requirat determinationem: & præterea circumstantia *loci* sæpius quam *temporis* ex-
na-

natura enunciatae relationis facile subaudiri potest; & aliquando parum, vel nihil refert ad propositum de quo agitur.

§. 73.

His præmonitis non dubitamus asserere, probandumque assumere sex esse partes essentielles cujuslibet propositionis. Nimirum 1. Relatio percepta. 2. Actus ille animi nostri quo ipsa relatio percepta fuit. 3. Subiectum propositionis, sive terminus antecedens enunciatae relationis. 4. Terminus consequens ipsius relationis. 5. Circumstantia Temporis. 6. Circumstantia Loci.

Ex. gr. Percepta sit relatio *similitudinis* ex comparatione Petri cum Paulo. Propositio, quæ hoc iudicium exprimeret, esset: *Petrus est similis Paulo*; in qua propositione percepta relatio esset relatio *similitudinis*. Subiectum, sive terminus antecedens esset *Petrus*. Terminus consequens esset *Paulus*. Affirmatio, nempe actus ille animi, quo iudicantes affirmamus perceptam relationem inter-

ce.

cedere inter Petrum, & Paulum, exprimitur ab ea voce *est*, quam Logici Copulam; Grammatici verò *Verbum Substantivum* appellant. Circumstantia temporis, & quidem præsentis in eadem voce *est* intelligitur. Denique circumstantia loci subaudienda omittitur, quia ex natura affirmatæ relationis facile cognoscitur eam subire nullam posse mutationem ob varietatem locorum; proindeque supervacaneum esset, si circumstantia loci exprimeretur.

Similiter in hac propositione: *Vestis erat alba*, affirmata relatio esset relatio *albedinis*: Subjectum, sive terminus antecedens esset *Vestis*: Terminus consequens, subaudiendus omittitur, cum omnibus innotescat relationem *albedinis* referri ad oculos tanquam ad suum terminum consequentem constanter invariabilem [§. 25.], & ideo facile subaudiendum. Assertio, necnon circumstantia temporis, & quidem imperfectè elapsi significatur ab ea voce *erat*. Circumstantia verò loci in hac quoque propositione, subaudienda omittitur, ut supervacanea, quia ex natura enunciatæ

re-

relationis perspicuum est Vestem fuisse albam in loco ubi erat.

Contra verò si quis Urso assereret esse albos exprimendus eidem esset locus, in quo affirmata relatio albedinis convenit Urso, nempe in quo Urso sunt albi, quia licet iidem inveniantur albi in quibusdam regionibus septentrionalibus, sicuti est Nova Zembla, tamen alibi alium colorem præferunt. Dicendum igitur esset: *Urso sunt albi in quibusdam regionibus septentrionalibus*. In qua propositione circumstantia loci expresse indicatur.

Cum itaque ex enumeratis sex partibus, quas pro essentialibus cuilibet propositioni habendas esse diximus, videatur ex allatis exemplis unice dubitari posse de circumstantia *temporis*, & *loci*, quæ pars universi spatii est (§. 60.), ideo ad tollendam dubitationem omnem, exponendum monemus nullam omnino relationem suo modo existere; ideoque affirmari posse, quin eidem tempus aliquod, & aliquod spatium suo modo respondeat. Tempus enim, & spatium omnia veluti comprehendunt, & complectuntur.

Qua-

Quare circumstantiæ Temporis & Loci inseparabiles erunt ex natura sua a quacunque affirmata relatione, & propter huiusmodi inseparabilitatem nulla quoque relatio affirmari, nullave propositio enunciari poterit, quin inter partes eius essentielles enumerentur etiam præter alias, circumstantia temporis, & circumstantia loci. Et consequenter sex erunt partes essentielles cuilibet propositioni, licet aliquæ ipsarum quando facile subaudiri possunt, silentio prætermittantur; quod erat ostendendum.

§. 74.

Et si autem Verbi substantivi adeo proprium sit affirmationem Judicii præter circumstantiam temporis enunciare, ut eodem Verbo *affirmatio* cujusvis generis relationum exprimi valeat dicendo nimirum: *Petrus est, vel erat, vel erit similis, doctus, indoctus* &c. sæpius tamen brevitatis gratia ita inflecti solent voces ad exprimendas peculiare relationes destinatæ, ut inde cetera Verba efformentur, construanturque, quibus præter
rela-

relationem cuilibet ipsorum propriam, præter circumstantiam temporis, tribuitur etiam facultas *affirmationem* ipsam significandi. Ita in hac propositione, *Petrus assimilabatur Paulo*, Verbum *assimilabatur* præter relationem *similitudinis*, circumstantiamque *temporis elapsi*, exprimit etiam *affirmationem*, qua iudicando affirmatur relationem ipsam inter Petrum, & Paulum intercessisse.

§. 75.

Quinimo ipsa Verba *Affirmo*, & *Nego* præter relationes *affirmationis*, & respectivè *negationis*, circumstantiamque temporis, quas ex natura sua in propositionibus speciatim enunciant, exprimunt etiam internum illum animi motum, sive internam assensionem, affirmationemve, qua singulorum relationes affirmantur, adeo ut *Ego affirmo*, idem significet, ac si diceretur, *Ego sum affirmans*: & *Ego nego*, idem significet ac *Ego sum negans*.

§. 76.

NOtari præterea debet, Verbum substantivum *sum* multiplici ratione in propositionibus usurpari: aliquando enim affirmationem, circumstantiamque temporis unice significat; ut in hac propositione: *Nero fuit crudelis*: aliquando verò præter affirmationem, & circumstantiam temporis, enunciat peculiarem, affirmatamque relationem, ut relationem *existentiæ*, veluti in hac propositione, *Ego sum*: idem enim significat ac si diceretur, *Ego sum existens*: item relationem *dominii*, ut si diceretur, *Hæc domus est mea*, vel *Titii*, vel *Mævii*: relationem *artificii*, ut *Hæc tabula est Apellis*, nimirum *picta fuit ab Apelle*: relationem *repræsentationis*, veluti si diceretur, *Hæc statua Cæsaris est*, *Hæc Mappa Italiæ est*, nempe *Cæsarem repræsentat*; *Italiæ repræsentat*.

Cetera autem Verba, sicuti diximus, præter affirmationem, & circumstantiam temporis, suas peculiare, propriasque relationes significant, ut relatio *amoris*
a Ver-

a Verbo *Amo* significatur: relatio *lectionis* a Verbo *Lego*: *similitudinis* a Verbo *Affimilor*: relatio *servitutis*, *sessionis*, *vita*, *miseriordia*, *loquutionis*, *egeſtatis* &c. a Verbis *ſervio*, *ſedeo*, *vivo*, *miſereor*, *loquor*, *egeo* &c.

§. 77.

INsuper ad hæc pertinet animadvertere quod contrahendi ſermonis gratia ita variè infleſuntur Verba, ut pro varia inflexione ſub qua proferuntur, ſignificetur ab iſdem præter *affirmationem*, peculiaremque ipſorum *relationem*, necnon circumſtantiam *temporis*, etiam *ſubjectum*, nempe terminus antecedens affirmatæ relationis, quod in prima, & ſecunda perſona numeri tum ſingularis, tum pluralis evenit. Ex. ca. In Verbo *Amo* præter enumerata, intelligitur expreſſa per ſolam vocis inflexionem perſona prima numeri ſingularis: in Verbo *Legiſtis* perſona ſecunda numeri pluralis, quæ perſonæ ſubjectum conſtituunt, de quo relatio *amoris*, & *lectionis* affirmatur.

§. 78.

Hinc quoties ex natura affirmatae relationis, vel sermonis, ad quem pertinet propositio, facillè subaudiri potest terminus consequens ejusdem relationis, necnon circumstantia loci, unico *Verbo* integra propositio comprehenditur potest, ut in illo Cæsaris, *Veni, Vidi, Vici*, tres integras propositiones intelligimus expressas, quæ sunt: *Ego fui veniens ad locum ubi pugnabatur: Ego fui videns hostes ubi erant: Ego fui victor hostium ubi erant.*

§. 79.

Quod si affirmanda relatio utrumque terminum correlatum constanter invariabilem (§. 25.), & ideo notum omnibus habeat, prætereaque circumstantiam loci facillè subaudibilem, tunc integra propositio exprimitur unius *Verbi* voce, tametsi vocis inflexio tertiam, quam dicunt personam, ut terminum antecedentem indeterminatè significet.

fiacet. Id evenit in Verbis, quæ a Grammaticis vocantur impersonalia, ut *Pluit*, *Ningit*, *Grandinat*, *Tonat* &c. Nam propositiones, quæ sub his Verbis intelliguntur, sunt: *Aer pluit aquam in terram: Aer dimittit nivem in terram: Aer dimittit grandinem in terram: Aer tonat auribus ubi sunt*. In quibus propositionibus sex partes essentielles ipsarum facillè distingui possunt, nimirum 1. Affirmatio. 2. Affirmata relatio. 3. Terminus antecedens. 4. Terminus consequens. 5. Circumstantia temporis. 6. Circumstantia loci.

§. 80.

TAndem referri ad ista possunt variorum rationes, quibus exprimuntur propositiones, quarum affirmata relatio pro suo termino consequente varias circumstantias indeterminatè sumptas agnoscit. Ex. ca. Relatio *vita* indeterminatè refertur ad functiones vitæ ut ad suum terminum consequentem omnibus notum. Ideoque si eadem relatio affirmanda sit de aliquo, & nihil referat altera ne ma-

is quam altera notetur ex iisdem functionibus, ad quas ipsa relatio naturaliter refertur, eadem omnes subaudiendæ relinquuntur cum circumstantia loci, dicendo simpliciter ex, gr. *Petrus vivit*. Quod si circumstantia loci notari debeat, eadem exprimitur dicendo: *Petrus vivit domi; vivit apud patrem*.

Si autem affirmanda relatio vitæ referrī debeat ad omnes quidem vitæ functiones, circumstantiasve, sed particulari nota omnibus communi distinctas, tunc si notam ipsam libeat exprimere aliquo *adverbio*, eodem ipsa quidem exprimitur, sed eadem circumstantiæ, vitæque functiones, ut terminus consequens facile subaudibilis, prorsus omittuntur subaudiendæ, veluti cum de aliquo dicitur: *Vivit feliciter; miserè vivit*. Si verò notam ipsam libeat nomine *adjectivo* significare, eadem circumstantiæ, ad quas vita refertur, omittuntur quidem, sed non absolutè, quia ipsarum loco exprimitur in abstracto ipsa affirmata relatio vitæ, dicendo ex, gr. *Vivit vitam beatam*.

Mittimus explicationem hujus phrasidis, *Petrus vivit infantiam, Vivit senectutem,*

tem, quia ad rem non facit; siquidem eadem propositiones idem sonant, ac si diceretur: *Petrus vivit infans: vivit senex*, de quibus infra.

Similiter quia relatio *servitutis* naturaliter refertur ad plures circumstantias omnibus cognitæ, quæ simul acceptæ, ipsius terminum consequentem constituunt, eadem in propositione vel omnino prætermittuntur subaudiendæ, si nulla ipsarum spècialiter notari debeat, ut cum dicitur, *Titius servit*; vel si aliqua ex iisdem circumstantiis speciatim notanda sit, eadem exprimitur dicendo ex. ca. *Cajus servit Antonio*; vel si omnes eadem circumstantiæ aliqua particulari nota omnibus ipsis communi determinari debeant, eadem nota vel unicè exprimitur aliquo adverbio, ut *Malè servit: egregiè servit*; vel si eadem nota exprimenda sit aliquo nomine adjectivo, præmittitur ipsi nomini affirmata relatio *servitutis*, sed in abstracto accepta, dicendo ex. gr. *Titius servit servitutem duram*, ubi *ad servitutem* vices gerit circumstantiarum omnium, ad quarum aggregatum indeterminatè acceptum, ut

ad suum terminum consequentem, refertur affirmata relatio *servitutis*.

Idem dicendum de aliis similibus propositionibus, cujusmodi sunt: *Cajus sedet: Sedet commodè: Sedet sessionem incommodam.*

Ex quibus constat qua ratione 1. Distinguendæ sint in propositionibus sex partes, quas vocavimus *essentiales*. 2. Interdum in illis repetatur in abstracto affirmata relatio, ut scilicet ejus loco subaudiantur omnes illæ circumstantiæ, ad quas ipsa affirmata relatio indeterminatè refertur; & præterea ut habeatur aliquid, a quo regatur nomen adjectivum, quod circumstantias illas simul explicat, vel determinat.

§. 81.

EXpositis sex partibus, quæ ut *essentiales* agnoscendæ semper sunt in qualibet propositione vel expressæ, vel subaudiendæ, dicendum est de alio genere partium, quæ *integrales* vocari possunt.

Partem igitur integram appellamus
in

in propositione quidquid in ea usurpatur ad declarandam determinandamve [§. 11. 12.] quamlibet partem essentialem.

Hinc cum ad indicandas res adhibeantur semper relationes [§. 10.] & præterea sæpè de *relationibus* ipsis tanquam si *res* essent, agitur, planè efficitur, ut eadem vox usurpari possit in propositione modò ut pars *essentialis*, modò verò ut pars *integralis*. Ex. gr. Si dicatur *Roma colit Benedictum XIV.* utraque vox *Roma*, & *Benedictus* pars essentialis est, quia *Roma* accipitur ut subiectum propositionis; *Benedictus* verò accipitur ut terminus consequens, ad quem refertur affirmata relatio *cultus*. Si autem diceretur: *Urbs Roma colit Pontificem Benedictum XIV.* eadem voces *Roma*, & *Benedictus* essent partes integrales propositionis, quia *Roma* usurpatur ad determinandam singularem Urbem ex urbium genere, quod nunc ut subiectum propositionis expressè sumitur: *Benedictus* verò usurpatur ad determinandum singularem hominem ex iis, qui Pontifices vocantur, quique terminum consequentem affirmatæ relationis *cultus* expressè constituunt.

§. 82.

EX his colligitur nomina adjectiva, quæ scilicet in propositionibus expressè reguntur a suis substantivis, semper esse partes integrales earundem. Nomina verò substantiva modo accipiuntur partes integrales, modo ut essentielles, ut in allato exemplo notari potest, dummodo pro nominibus substantivis intelligantur non quidem ea tantummodo, quæ substantias significant, ut major pars Grammaticorum minus rectè faciunt, sed ea nomina, quæ in propositione subsistere per sese possunt, quin ab aliis nominibus expressè regantur, quemadmodum semper expressè reguntur nomina adjectiva. Nimirum nomina substantiva dicimus ea esse, quæ relationem significant plerumque determinantem individuum alicujus speciei, vel speciem alicujus generis, vel partem tum physicam, tum moralem alicujus Totius tum physici, tum moralis. Si quidem cum plerumque terminus antecedens earundem relationum sit absolutè

tè constans, & invariabilis, & idcirco notus omnibus, idem in propositione subaudiendus omitti potest, sicuti brevitatibus gratia frequentissimè omittitur: quo casu nomen, quod relationem determinantem significat, per sese in propositione subsistit, & hac ratione *substantivum* dici meretur. Quando autem ob maiorem sermonis venustatem exprimitur in propositione cum nomine determinante, etiam Genus, vel Totum, quod determinatur, tunc quod nomen *substantivum* erat, fit nomen adiectivum, utpote quod *adjectum* usurpatur ad id, quod ab eo determinatum, expressè indicatur.

Exempli causa. Cum nomine *Roma* intelligatur *Urbs Roma*, nempe genus Urbium peculiari urbe determinatum: nomine *Mediolani*, *Oppidum Mediolanum*, hoc est genus oppidorum, peculiari oppido determinatum: nomine *Parisi*, *Populi Parisii*; nempe genus Populorum similiter determinatum: nomine *Persarum*, *Gentes Persæ*: nomine *prudentiæ*, *Virtus prudentia*: nomine *Hominis*, *Animal homo*: nomine *Poeta*, *Homo Poeta*:

ta: nomine *Fæmoris*, pars animalis; nempe Totum corpus animale, peculiari parte determinatum &c. hinc eadem nomina determinantia, nempe *Roma*, *Mediolanum*, *Parisi*, *Perſæ*, *Prudentia*, *Homo*, *Poeta*, *Fæmur* &c. ſubſiſtere per ſeſe poſſunt in propoſitione, ſine eo quod ab iisdem determinatur. Et ideo quoties eadem ſine hoc genere, vel Toto ſic determinato uſurpantur, nomina *ſubſtantiva* ſunt; quando autem inveniuntur adjecta ad idem quod ab iisdem determinatum, expreſſè indicatur, *adjectiva* ſiunt. In hoc itaque ſenſu dicimus nomina *adjectiva* ſemper eſſe partes *integrales* propoſitionis; nomina autem *ſubſtantiva* partes *eſſentiales*.

§. 83.

Pronomina quoque inveniuntur in propoſitionibus uſurpata modò ut partes *integrales*, modo verò ut *eſſentiales*. Ita in hac propoſitione, *Tu diligis filium tuum*, pronomen *Tu* eſt pars eſſentialis; pronomen tuum, *integralis*.

§. 84.

§. 84.

Verba autem quomodocumque considerentur, nempe relatè ad affirmationem, vel relatè ad affirmatam relationem, vel relatè ad circumstantiam temporis, semper ad partes *essentiales* propositionis pertinent, cum ea omnia, quæ ab ipsis verbis significantur, sint partes *essentiales* propositionis, ut (§. 73. & 74.) ostensum est.

Simili ratione quid dicendum sit de reliquis partibus Orationis, utrum scilicet sint partes *essentiales*, vel integrales, facile ex dictis investigari potest, Quare ad alia properabimus.

C A P U T VII.

*De affirmatione, & negatione
propositionum.*

§. 85.

Cum unusquisque secundum propriam cogitandi rationem, nempe prout
de

de objectis cogitat, non modo propriam componat, sed etiam aliorum interpretetur, & explicet loquendi rationem, hinc maxima oriri debet confusio inter eos, qui super eodem objecto diversa ratione cogitantes, diversa quoque ratione de ipso objecto loquantur, eandemque phrasin in diversos sensus accipiunt. Quocirca cum in exponenda affirmatione, & negatione propositionum confusio aliqua ex eo nunc posset oriri, quod propositionum idea a nobis tradita (§. 73. & seq.) nonnihil differat a communi; idcirco quo eadem confusio tempestive diluatur, operæ præmium est, ut in quo ea differentia consistat, imprimis ostendamus.

Docent itaque Philosophi tres tantummodo esse partes essentielles in Propositione, quas vocant. 1. *Subiectum*. 2. *Attributum*. 3. *Copulam*. Subiectum est ipsis idem, quod a nobis quoque eodem nomine appellatur. Attributum dicitur ab ipsis illud, quod a nobis vocatur [§ 73.] affirmata relatio. Copulam vero appellant Verbum substantivum, cuius ope resolvi potest omnis propositio.

Ita

Ita in hac propositione, *Petrus amat* ; nempe in eadem resoluta *Petrus est amans*, Subjectum est *Petrus*; *to amans*, quod nobis esset affirmata relatio amoris, appellant Attributum, quod per copulam *est* conjungitur subjecto, sive subjecto convenire affirmatur: & ideo hanc propositionem dicunt esse affirmantem ; negantem autem, si negante aliqua particula negaretur idem Attributum convenire subjecto, sive a subjecto disiungeretur, ut in hac propositione, *Petrus non amat*; vel eandem resolvendo, *Petrus non est amans*.

§. 86.

IN hac propositionum idea mittimus ea, quæ ad præsentem rem nostram non faciunt, nimirum nullam a Philosophis haberi rationem circumstantiarum tum temporis, tum loci (§. 73.) neque, quod magis interest, termini consequentis, cujus unicè respectu, Attributum, nempe affirmata relatio, convenit, vel non convenit subjecto.

Notandum verò est in eadem propositione.

tionum idea non satis elucescere actum illum animi nostri, quo relationem, attributumve subjecti percipientes, internè adsentimur, affirmamus, judicamusve attributum ipsum, ipsamve relationem convenire, vel non convenire subjecto; quique internus actus in qualibet propositione semper exprimitur per eam affirmationem, quam Verba omnia semper significant (§. 73. 74.)

Ideoque ad eandem constantem affirmationem expressè notandam non dicimus cum aliis Philosophis, in qualibet propositione *semper aliquid de aliquo affirmari, vel negari*; sed explicatius dicimus *semper aliquid affirmari convenire, vel non convenire alicui*. Imo quo in explicanda propositionum idea, ratio expressè habeatur etiam termini consequentis enunciatae relationis; satius, & consultius est dicere, in qualibet propositione *semper affirmari aliquam relationem intercedere, vel non intercedere inter terminos correlatos*.

Cum igitur constante illa Verborum omnium affirmatione (§. 73.) semper exprimatur in qualibet propositione præ-
fa-

fatus ille animi nostri motus, sine quo nulla relatio, nullumve attributum percipi potest convenire, vel non convenire subiecto, necesse est, ut eadem affirmatio constans, & immutabilis probè distinguatur ab illa mutabili propositionum affectione, ob quam aliæ propositiones dicuntur *affirmantes*, aliæ autem *negantes*; quæque variabilis propositionum affectio unice respectat non quidem descriptum animi nostri motum, sed *convenientiam* attributi, affirmatæ relationis cum subiecto, & *disconvenientiam* ejusdem attributi ab eodem subiecto.

§. 87.

HIs præhabitis, jam liquet propositionum *affirmationem*, & *negationem*, de quibus in hoc capite acturi sumus, non aliud esse, quam *convenientiam* Attributi, affirmatæ relationis cum Subiecto; & *discrepantiam* ab eodem. Atque ideo ad propositiones *affirmantes* ex tantummodo referri debent, in quibus posthabita omni apparentia phrasibus, sub qua enunciantur, *affirmatur* e-

K nun-

nunciata[m] relationem reip[s]a *convenire* Subiecto, nempe intercedere inter suos terminos correlatos; *negantes* autem propositiones habendæ sunt illæ tantummodo, in quibus posthabita similiter omni apparentia phrasis, item *affirmatur* enunciata[m] relationem reip[s]a *non convenire* Subiecto, nempe non intercedere inter terminos correlatos.

Quamobrem cum in judicanda propositionum affirmatione, & negatione videantur Philosophi nimis veluti abripi ab inconstante, variabili, & sæpè arbitraria propositionum phrasi, tanquam si ab hoc cortice, sensus, & natura propositionum penderent, paulò diligentius inquirendum nobis est in earundem phrasium originem, quo ea detecta rectius de affirmatione, & negatione, hoc est de convenientia, & discrepantia, judicemus.

§. 88.

TRia itaque videntur esse propositionum munera. Primum, & præcipuum est, ut propositio peractum, internumque iudicium (§. 70.) fideliter expo-

ponat. Alterum est ut eadem accommodetur inopiæ linguarum (§. 17. 18. 19.) sæpè aptis, propriisque vocibus carentium, quibus affirmandæ relationes (§. 87.) enunciandæ forent. Tertium est ut propositio sermoni, ad quem pertinet, nempe in quem interponitur, accommodetur.

Ad primum quod attinet, meminisse oportet, duo esse judiciorum genera, hoc est duplicem esse rationem, quæ relationes percipi possunt. Aliquando enim quæsita relatio percipitur ex immediata terminorum suorum comparatione; aliquando verò percipitur, eam deducendo ex alia, pluribusve jam perceptis relationibus.

Ex. ca. Ad primum perceptionis genus pertinent relationes omnes cujusvis *saporis, odoris, sonitus, coloris, doloris* &c. utpote quæ percipiuntur ex immediata comparatione objecti *sapidi, odorati, sonori* &c. cum sensatione, quam ipsum in nobis excitat quæ mutua comparatio interdum: efficitur per applicationem, expositionemque objecti corporei ad sensus nostros; interdum vero sine

ulla objecti applicatione, veluti cum *senarium*, & *binarium* simul considerantes, percipimus relationem differentiae, quæ inter ipsos intercedit, esse quatuor unitatum.

Relatio autem, quæ non ex immediata terminorum suorum comparatione, sed ex alia pluribusve relationibus deducta percipitur, esset ex.ca. relatio *aqualitatis* inter duos circulos, quando ipsa percipitur, eam deducendo vel ex *unica* relatione *aqualitatis* intercedentis inter ipsorum diametros; vel ex *duabus* relationibus *aqualitatum*, quas iidem circuli singillatim habere deprehenduntur cum tertio circulo.

Quando igitur relatio, quam propositio enunciat, percepta fuit ex immediata terminorum suorum comparatione, (§. 70. num. 7. 8.] ostendemus propositionem ipsam esse semper realiter *affirmantem*, nempe relationem, quæ in propositione affirmatur, semper *intercedere* inter suos terminos correlatos [§. 86.] Quando vero enunciata relatio percepta fuit eam deducendo ex alia pluribusve relationibus, ostendemus propositionem,
in

in qua relatio enunciat, esse posse tum *affirmantem*, tum *negantem*; hoc est, relationem, quæ in propositione affirmatur, posse tum *intercedere*, tum *non intercedere* inter suos terminos correlatos (§. 87.)

§. 89.

ENimverò dum mens nostra in mutua comparatione duorum objectorum unice occupatur, affici non potest nisi ab eo, quod inter ipsa duo realiter intercedit; proindeque si in ea comparatione relationem aliquam percipit, percipit relationem, quæ inter comparata objecta intercedit. Sed propositio perceptum iudicium, perceptamve relationem fideliter exponere debet. Ergo propositio omnis, quæ relationem perceptam ex immediata comparatione duorum enunciat, eandem enunciare debet ut *intercedentem* inter suos terminos correlatos: atque ideo secundum declarationem affirmationis (§. 87.) affirmativa semper reipsa esse debet propositio.

§. 90.

QUando autem relatio, quæ in propositione exprimitur, percepta fuit non ex immediata comparatione duorum, sed per illationem ex alia, pluribusve relationibus, tunc, sicuti diximus, propositio æque affirmativa, ac negativa esse potest. Siquidem relatio hac ratione percepta, nulla necessitate determinatur, ut inter terminos correlatos propositionis intercedat, vel non intercedat: intercedere igitur æque ac non intercedere potest inter eosdem: adeoque propositio prout illatam relationem fideliter exponere debet, debet quoque eandem enunciare ut *intercedentem* inter terminos correlatos, si per illationem percepta fuerit inter eosdem intercedere, vel ut *non intercedentem*, si inter ipsos non intercedat. Ex quo constat hujusmodi propositiones æque affirmantes, ac negantes esse posse; hoc est in affirmantes, & negantes distingui.

Exempli causa. Si ex percepta relatione dulcedinis inter Saccharum & Pa-

la-

Iatum deduceretur Saccharum *non esse* amarum, nempe relationem amaritudinis *non intercedere* inter Saccharum, & Palatum; propositio, quæ deductam relationem amaritudinis exprimeret, nimirum *Saccharum non est amarum*, esset negativa, cum eandem relationem dulcedinis affirmaret ut reipsa *non intercedentem* inter Saccharum, & Palatum.

Si verò ex percepta relatione æqualitatis intercedentis inter diametros circulorum A, & B deduceretur relationem æqualitatis intercedere inter eosdem circulos; propositio, quæ relationem hanc exprimeret, nimirum *Circulus A æquatur circulo B*, esset affirmans, quia deductam relationem æqualitatis affirmaret ut reipsa intercedentem inter suos terminos correlatos, nempe circulos A, & B.

§. 91.

SI autem considerentur propositiones relatæ ad alterum ipsarum munus (§. 88.) quo scilicet ipsæ accommodari debent inopiæ Linguarum sæpe aptis, propriisque vocibus carentium, quibus

affirmandæ relationes exprimendæ forent: si, inquam, secundum hunc adspectum expendantur propositiones, plurimæ ipsarum inveniuntur, quæ licet negantes videantur, reipsa sunt affirmantes.

Siquidem relatio, quæ ob præfatum linguarum defectum propria voce enunciari non potest, frequenter exprimitur voce aliena, oppositam scilicet relationem significante, eaque vox ad propositum accommodatur præfixa ipsi negante aliqua particula. Ex. gr. Si ex comparisonem hominis cum equo percipiatur relatio illa, quæ opposita relationi *similitudinis* propria voce caret, præsertim apud Latinos, eaque relatio sit exprimenda; usurpatur quidem ad eam exprimendam impropria vox *similitudinis*, sed eidem voci, quo ad propositum accommodatur, negans particula præfigitur, qua *dissimilitudinis* vox componitur; eademque vox ita composita adhibetur ad exprimendam relationem propria voce carentem, quæ inter hominem, & equum intercedere percepta fuit. Ubi verò ejusmodi relationes propria voce carentes affirmandæ occurrunt in propositioni-

ni-

nibus ut reipsa intercedentes inter suos terminos correlatos, puta si præfatarelatio *Diffimilitudinis* affirmanda esset ut reipsa intercedens inter hominem, & equum, usurpatur Verbum *Assimilor*, sed ut improprie usurpato præfigitur ipsi expressior particula negans, scilicet *non*, qua ipsum ad propositum accommodari valeat, dicendo nimirum: *Homo non assimilatur equo*. Quæ sane propositio, licet videatur negativa, affirmans scilicet relationem similitudinis ut *non intercedentem* inter hominem, & equum, tamen reipsa est affirmativa: quia negans particula *non*, quæ in hac propositione præfigitur Verbo, adhibetur unice ad moderandam improprietatem vocis, quæ defectu Linguae, ut supra dictum est, usurpatur ad exprimendam perceptam relationem propria voce carentem: adeo ut eadem propositio intelligi debeat ut affirmans perceptam fuisse relationem *Diffimilitudinis* reipsa *intercedentem* inter hominem, & equum. Dantur igitur propositiones, quæ licet ob defectum Linguarum videantur negantes, sunt verè, & realiter affirmantes.

§. 92.

QUod si propositiones expendantur
 relatè ad tertium ipsarum munus,
 quo scilicet oportet, ut eadem, nempe
 ipsarum phrasès, accommodentur sermoni
 ad quem pertinent, genus aliud vere
 negantium propositionum invenietur.
 Nam si sermo, ad quem propositio per-
 tinet, versetur circa relationem non per-
 ceptam, puta si respondendum sit inter-
 roganti utrum sit *albus* lapis, qui per-
 ceptus est *niger*, tunc apposita loquutio
 requirit, ut de *albedine* quæsitâ, non de
 percepta *nigredine* respondeatur, ne in-
 terrogationis limites exuberante, impro-
 prioque responso excedantur. Hoc autem
 salva fidei expositione iudicii præstari
 non potest, nisi propositione, quæ non
 jam perceptam relationem *nigredinis*,
 sed quæsitam *albedinis* relationem ita
 enunciet, ut affirmet ipsam *non inter-*
cedere inter terminos correlatos. Ita
 enim sermonis proprietati studetur, præ-
 terquamquod fidelis expositio iudicii,
 nempe. veritas ipsa minimè læditur. I-
 deoque

deoque si præfatæ interrogationi responderetur, *Lapis non est albus*, hæc propositio verè negans esset: quia licet Verbum substantivum *est* ob affirmandi vim, quam nunquam amittit, verè affirmet relationem albedinis, tamen ipsam ope negantis particulæ *non*, affirmat ut *non intercedentem* inter terminos correlatos, *lapidem* scilicet, & *oculos*.

§. 93.

EX his itaque colligitur 1. Verè affirmantes propositiones esse illas omnes, quarum affirmata, enunciatave relatio percepta fuit ex immediata terminorum suorum comparatione, licet aliquando ob negantem phrasim sub qua exponuntur, videantur negantes (§. 88.) 2. Æquè affirmantes, ac negantes esse posse propositiones, quarum enunciata relatio non quidem ex immediata terminorum suorum comparatione percepta fuit, sed fuit illata ex alia, pluribusve relationibus [§. 90.) . 3. Verè quoque negantes propositiones esse illas, in quibus ut interroganti appositè respon-

spondeamus, nempe ut loquamur co-
hærenter ad sermonem, ad quem pro-
positio pertinet, *affirmamus* non qui-
dem *perceptam*, sed *quæsitam* relationem
non intercedere inter terminos correla-
tos propositionis (§. 92.).

C A P U T VIII.

*De Propositionibus simplicibus, compo-
sitis, complexis, & incidentibus.*

§. 94.

CUM propositionis pars fermè quæ-
libet essentialis esse possit tum sim-
plex, tum ex aliis essentialibus compo-
sita, tum ab integralibus affecta; hinc
propositiones secundum hunc adspæctum
considerantes, eas distinguimus in *sim-
plices, compositas, & complexas*.

Propositionem *simplicem* dicimus illam,
cujus pars quælibet essentialis, licet plu-
ribus sit exposita vocibus, adeo simplex
est, ut ipsa pars essentialis in eadem
propositione resolvi in alias partes es-
senciales non possit: vel propositio re-
la-

latè ad eandem partem essentialem resolvi ipsa quoque in alias propositiones non valeat. Nimirum ea nobis est propositio *simplex*, in qua unica relatiode unico subiecto affirmatur relatè tum ad unicum consequentem terminum, tum ad unicam circumstantiam temporis, tum ad unicam circumstantiam loci. Ideo *simplex* a nobis dicitur hæc propositio: *Cæsar in Galliis victor hostium fuit*. Nam hic unica relatio *victoria* de *Cæsare* tanquam de unico propositionis Subiecto affirmatur relatè tum ad *hostes*, qui unicum consequentem terminum affirmatæ relationis constituunt, tum relatè ad unicam *elapsi* temporis circumstantiam, unicamque circumstantiam loci, nempe *Galliarum*. Item *simplex* est hæc propositio: *Duo, & tria æquantur quinque*: in qua propositione circumstantia loci ut facilè subaudibilis omittitur. Nam licet subiectum propositionis, de quo affirmatur relatio æqualitatis, videatur multiplex, quia duobus obiectis particula conjunctiva simul junctis coalescit, tamen unicum est, quia eadem obiecta, ut collective accepta,

in

in eadem propositione, resolvi non possunt in plura subiecta: nempe relate ad ipsum resolvi nequit propositio in alias propositiones. Non enim affirmari potest: *Duo esse aequalia quinque: Tria esse aequalia quinque*: quemadmodum dici, & resolvi posset tum subiectum in alia subiecta, tum propositio in alias propositiones, si obiecta, quibus unicum componitur subiectum, nimirum *duo*, & *tria* distributive acciperentur.

§. 95.

Propositionem autem *compositam* dicimus eam, cujus aliqua pars essentialis adeo multiplex est, nempe ex aliis partibus essentialibus composita, ut ratione ipsarum, eadem propositio in alias componentes propositiones resolvi queat. Veluti si diceretur, *Bona, & mala a Deo proveniunt*, hæc propositio esset composita ratione subiecti: constat enim hoc ex duobus obiectis, *bona* scilicet, & *mala*, quæ in duo subiecta ejusdem relationis resolvi possunt, quia distributive accipiuntur; ideoque ipsa

ipsa propositio ut composita resolvi potest in duas, ex quibus componitur, nimirum *Bona proveniunt a Deo: Mala proveniunt a Deo*. Non dissimiliter, sed ratione consequentis termini composita est hæc propositio: *Titius assimilatur Cajo, & Sempronio*; & ideo resolvitur in sequentes: *Titius assimilatur Cajo; Titius assimilatur Sempronio*. Ratione verò affirmatæ relationis composita est hæc: *Pulcher, & generosus erat Bucephalus*: quia duæ relationes, quæ de Bucephalo simul affirmantur, affirmari de ipso possent singillatim in duabus propositionibus, in quas illa ut composita resolvitur. Tandem relatè ad circumstantiam loci composita est hæc propositio: *In Gallia, & in Anglia victor extitit Cæsar*.

§. 96.

QUOD verò attinet ad propositiones *complexas*, eas vocamus, quarum pars aliqua essentialis aliqua integrali parte [§. 81.) quovis modo notatur, hoc est vel determinatur, vel explicatur (§. 11. & 12.) . Ex quo sequitur
com-

complexam esse posse propositionem tum simplicem, tum compositam, quia utriusque partes essentielles aliqua integrali parte possunt esse vel explicatæ, vel determinatæ . Imo ob eandem rationem *complexa* esse potest propositio tum relate ad unicam, tum relate ad plures, tum relate ad omnes partes essentielles: quod exemplis clarius patebit.

Si in hac propositione simplici, *Sole est lucidus*, pro Sole ponatur *Corpus in Systemate planetario maximum*, propositio efficitur *complexa* relatè ad subiectum; relate verò ad affirmatam relationem *lucis*, si pro *lucido* poneretur *radios luminis quaquaversum emittit*: relate ad utrumque, si utrumque loco *Solis*, & *lucidi* poneretur . Item hæc propositio simplex, *Roma Florentiam excedit*, efficeretur *complexa* relate ad quatuor ex ipsius partibus essentialibus, dicendo: *Roma caput Mundi Florentiam pulcherrimam Urbem procul dubio plurimum excedit*. Nam subiectum *Roma* explicatur per illud *caput Mundi*: terminus consequens *Florentiam* explicatur per *pulcherrimam Urbem*: affirmatio determinatur

natur & procul dubio: affirmata denique
relatio *excessus* determinatur quoque &
plurimum.

§. 97.

AD *incidentium* denique propositio-
num naturam explicandam præ-
monere oportet, officium cuiusvis partis
integralis esse, ut in propositione suam
partem essentiali, a qua regitur, ex-
plicit, vel determinet [§. 81.] quod
sanè liquet præstari non posse sine ali-
qua affirmatione. Veruntamen hæc af-
firmatio, qua partes essentielles a suis
integralibus determinantur, vel expli-
cantur, in ea discrepat ab affirmatio-
ne, de qua superiori capite actum est,
quod illa ut præcipua in propositio-
ne, data opera enunciatur ut *conce-
denda*; hæc autem, quæ scilicet partibus
integralibus inhæret, incidens tantum
est, & ut *concessa* ponitur. Ita in hac
propositione complexa, *Deus omnipotens
creavit Mundum*, data opera affirmatur,
& ut *concedenda* enunciatur de Deo relatio

L

crea-

creationis : relatio verò *omnipotentiae* tantummodo incidenter affirmatur , atque ut *concessa* ponitur de eodem . Præterea affirmatio , qua principalis relatio propositionis data opera exponitur , nempe cujus gratia principalis propositio enunciatur , perquam rarò subaudienda omittitur , ut in illo Juvenalis (Satir. I.)

Semper ego auditor tantum?

Affirmatio autem incidens , quam partes integrales significant , æquè frequenter latens , ac aperta in propositionibus invenitur . Latens est in allato exemplo , *Deus omnipotens creavit Mundum* . Si autem diceretur : *Deus , qui est omnipotens , creavit Mundum* , eadem incidens affirmatio aperta esset , & expressa .

His præconstitutis dicimus propositiones *incidentes* esse partes integrales , quarum incidens affirmatio aperte , nempe aliquo Verbo expressè declaratur . Ita in hac propositione : *Deus invisibilis creavit Mundum visi-*
bi-

bilem, duæ sunt partes integrales, *invisibilis*, & *visibilem*, quibus incidenter & implicite affirmatur *invisibilitas* de Deo, *visibilitas* de Mundo: eædem verò efficerentur propositiones incidentes, si diceretur: *Deus*, qui est *invisibilis*, creavit Mundum, qui est *visibilis*: quia ipsarum affirmatio incidens esset aperte, & expresse a Verbo declarata.

§. 98.

VEruntamen cum præter partes essentielles, etiam partes integrales aliis integralibus declarari, explicarique possint in propositione, ideo satius esse videtur, si propositiones *incidentes* generatim definiantur dicendo eas esse *quidquid incidente quidem, sed expressa affirmatione usurpatur in propositione principali ad quidpiam explicandum, determinandumve*. Ita in hac propositione: *Qui facit voluntatem Patris mei, qui in cælis est, ipse intrabit in regnum cælorum*: data opera de subiecto

ipse affirmatur relatio *introitus*, relatæ ad regnum cœlorum. Idem verò subiectum, quod est pars essentialis primariæ propositionis, determinatur incidente hac propositione, *Qui facit voluntatem Patris mei*. Et hujus incidentis propositionis pars integralis, nimirum *Pater*, alia incidente propositione explicatur, dicendo, *Qui in cœlis est*.

§. 99.

IMo ex duplici partium integralium, incidentiumque propositionum officio, explicandi scilicet, atque determinandi, distinguuntur eadem incidentes propositiones in *explicantes*, & *determinantes*. Quod ut probè intelligatur, iterum illud ipsum monemus, de quo (§. 11. 12. 13.) dictum est, nempe duo esse genera relationum, quæ de quovis objecto affirmari possunt; aliæ *intrinsecæ*, aliæ *extrinsecæ*. Relationes objecto intrinsecæ sunt illæ, quæ in illius idea saltem generaliter accepta latenter comprehenduntur, ut in generali hominis
idea

idea comprehenditur quod sit animal rationale; quod sit bipes, quod sit mortale, quod felicitatem appetat &c. quibus relationibus nihil additur ad generalem hominis ideam, quo ipse in varias species distingui determinarique possit. Relationes autem objecto extrinsecæ sunt quæ cum in ejus idea generaliter accepta non comprehendantur, neque omnibus ejusdem generis objectis conveniant, adhibentur ad ipsum objectum tanquam genus distinguendum, determinandumque in varias species. Ita homini generaliter accepto extrinsecæ sunt relationes doctrinæ, divitiarum, quod sit dominus, vel servus; albus, vel niger; masculus, vel femina &c. quæ relationes, cum omnibus omnino hominibus non conveniant, recte usurpantur ad determinandum, distinguendumque genus hominum in varias species, & in particularia individua.

Hinc propositiones incidentes, quibus aliqua relatio objecto intrinseca de eodem affirmatur, explicantes dicuntur, quia explicant aliquid quod

quod in ejus idea comprehensum latebat. Propositiones autem *incidentes*, quibus relatio aliqua objecto extrinseca, de ipso affirmatur, dicuntur determinantes: quia cum aliquid ipsi addant, quod in ejus idea generali non comprehendebatur, ipsum in hanc, vel illam speciem, vel classem, in hoc, vel illud individuum determinant.

Quod intelligendum est etiam de partibus integralibus, quæ citra expressam affirmationem in propositionibus usurpantur. Nimirum distinguuntur & ipsæ in explicantes, & determinantes, in sensu, quem exposuimus.

§. 100.

Porro cum propositiones incidentes adeo multifariè cum suis principalibus conjungantur, iisdemque interponantur, ut pro componentibus compositarum propositionum sæpè illæ habeantur a Logicis, quæ pro incidentibus complexarum unicè habendæ forent; id eo varias hujusmodi complexarum propositionum species resolvendas afferemus.

mus, ut suarum incidentium varietas luculentius innotescat.

Imprimis itaque ad compositas propositiones eas referunt Logici, quæ *conditionales* vocantur, sive in quibus relatio principalis, quæ scilicet data opera enunciatur, non absolutè, sed sub conditione de suo subjecto affirmatur, cujusmodi sunt; *Si Terra stataria est, Sol movetur. Si Deus est justus, mali punientur*. In quarum propositionum prima, principalis relatio, *motus* scilicet, data opera affirmatur de *Sole* non absolutè, sed sub conditione, quod *Terra sit stataria*. In altera verò propositione principalis relatio, nempe *punitionis*, data opera affirmatur de malis non absolutè, sed sub conditione, quod *Deus sit justus*.

Cum verò neutra ipsarum propositionum, licet ut compositæ vulgo habeantur a Logicis, resolvi queat in suas componentes, quæ simul acceptæ eundem sensum habeant qui in integra propositione intelligitur (quemadmodum ita resolvi possent, si revera compositæ

tæ essent) ideo interea ex compositionum numero fidenter ipsas expungemus.

Præterea cum conditiones illæ, quibus in singulis ipsarum propositionum principalis affirmatio limitatur determinaturve, non aliud sint, quam earundem affirmationum partes *integrales*, & quidem *determinantes*, quarum incidens affirmatio est Verbo expressa; hinc easdem conditiones, nimirum *si Terra stataria est*, & *si Deus est justus*, constat esse propositiones incidentes, quibus non quidem compositæ, sed *complexæ* fiunt propositiones, ad quas eadem incidentes pertinent.

§. 101.

Secundo ad propositiones compositas referuntur a Logicis etiam illæ quæ *causales* nuncupantur, in quibus scilicet duæ propositiones per causales conjunctiones *quia*, vel *ut* simul colligatæ inveniuntur. Hujusmodi sunt: *Tolluntur in altum, ut lapsu graviore ruant.*
Pos-

Possunt, quia posse videntur. Sed hæc quoque propositiones *extra compositas* rejiciendæ videntur, quia (ut opus esset, si reipsa compositæ forent) resolvi non possunt in suas componentes, quæ simul acceptæ eundem ac integræ propositionis sensum exhibeant.

Præterea in prima earundem propositionum, relatio *elationis*, ut præcipua propositionis relatio, data opera affirmatur non simpliciter, & absolutè, sed adjecta *causa finali*, nempe *ut lapsu graviore ruant*. In altera quoque propositione, relatio *potentiæ*, ut præcipua, data opera affirmatur non absolutè, sed cum additione *causæ*, nimirum *quia posse videntur*. Cum verò hujusmodi adjectiones sint partes integrales, quibus principalis affirmatio, ut pars essentialis, in utraque propositione afficitur; eademque adjectiones, parteseve integrales incidenter quidem, sed aperta affirmatione sint expositæ: ideo adjectiones ipsas ut propositiones incidentes agnoscimus, quibus integra ipsarum propositio non composita, sed complexa efficitur.

§. 102.

Tertid propositiones quoque , quas *reduplicativas* appellant , inter compositas vulgò recensentur . Hujusmodi sunt : *Homines quatenus homines sunt rationales : Reges in quantum reges soli Deo subsunt* . Quo verò harum propositionum sensus explicetur , præmonere oportet , relationibus non modò determinari , sed sæpè insuper determinari simul , & indicari objecta , quæ iisdem relationibus determinantur : quod iis relationibus contingit , quæ subjectum , nempe terminum antecedentem , constanter invariabilem habent . Exempli gratia . Quia relatio *humanitatis* pro subjecto constanter invariabili agnoscit *Animal* , ideo nomine *hominis* non modò indicatur *Animal* , sed ipsum præterea occulta incidentique affirmatione determinatur , nempe determinatum supponitur relatione *humanitatis* . Similiter quia relatio *animalitatis* pro subjecto constanter invariabili habet *corpus* , hinc nomine *animalis* non modò indicatur corpus ,
sed

sed ipsum præterea incidente, occulta-
que affirmatione determinatur, determi-
natumque intelligitur relatione *anima-*
litis. Idem dicas de *corpore*, qua vo-
ce non modò indicatur *substantia*, sed
ipsa intelligitur determinata iis omnibus
relationibus, quibus substantia corporea
ab incorporea distinguitur.

Quamobrem nomine *hominis* non mo-
dò indicari potest substantia, sed ipsa
præterea simul intelligi incidenter de-
terminata iis omnibus relationibus, qui-
bus substantia corporea distinguitur ab
incorporea; animal distinguitur a cor-
pore; & homo distinguitur ab anima-
li.

Cum igitur tot relationibus inciden-
ter determinatum intelligatur subiectum,
quod nomine *hominis* indicatur, ideo
quoties ex iisdem relationibus aliqua spe-
ciatim notari debeat; ipsa speciali re-
petitione exprimitur dicendo, exempli
causa: *Homo quatenus homo*, nempe qua-
tenus est homo: *Homo quatenus animal*,
nempe *quatenus est animal*: *Homo qua-*
tenus corpus, nempe *quatenus est cor-*
pus, vel *quatenus habet corpus*. Reges
prout

prout reges, nempe *prout sunt reges*: *Reges prout homines*, nempe *prout sunt homines* &c. Quæ repetitiones non aliud esse intelliguntur, quam relationes, parteseve integrales, quibus subiectum *homo*, vel *reges* occulta, vel aperta, sed semper incidenti affirmatione speciatim determinatur.

Quocirca non dubitamus asserere huiusmodi repetitiones, quæ in propositionibus reduplicativis inveniuntur, esse vel tantummodo partes integrales, si affirmatione Verbo exprimenda careant, vel si aperta affirmatione ipsæ sint prædictæ, esse propositiones incidentes. Atque ideo propositiones reduplicativas: *Homines quatenus homines sunt rationales*: *Reges in quantum reges soli Deo subsunt*: esse quidem complexas, non autem compositas, ut communiter censentur.

Quod præterea confirmari ex eo potest, quod eadem propositiones reduplicativæ resolvi minimè possunt in alias propositiones, quæ simul acceptæ eundem sensum habeant, quem integra propositio reduplicativa ostendit.

§. 103.

Quartò ad *compositas* quoque propositiones referri solent propositiones quas vocant *relativas*. Hujus generis sunt

Ubi est thesaurus, ibi est cor.
Qualis vita, talis mors, nempe
Qualis est vita, talis est mors.
Tanti es, quantum habes.

At verò cum neutra earundem propositionum resolvi queat in alias, quæ simul acceptæ eundem sensum complectantur, quem complectitur integra propositio; idcirco ipsarum neutra proposita videtur habenda.

Sed ut hoc uberius pateat, explicentur omnes.

In prima propositione, *Ubi est thesaurus, ibi est cor*, data opera ut principalis relatio affirmatur *existentia* de corde relate ad circumstantiam loci *ibi*; quæ ut nimis indeterminata determinatur incidenti propositione, *Ubi est thesaurus*.

In

In altera propositione: *Qualis est vita, talis est mors*; data opera affirmatur de morte indeterminata relatio *qualitatis* [§. 27.] nempe *qualis*; quæ ut indeterminata determinatur incidente propositione: *Qualis est vita*.

In tertia propositione, *Tanti es, quantum habes*, data opera affirmatur de secunda Persona numeri singularis indeterminata relatio *pretii*; quæ idcirco ut indeterminata determinatur incidente propositione, *Quantum habes*.

Ex quibus rectè concludi posse videtur propositiones; quæ appellantur *relativæ*, esse tantummodo *complexas* in sensu exposito.

§. 104.

Quintò non dissimiliter propositiones *comparativas*, quæ vulgò censentur compositæ, ostendemus esse tantummodò *complexas*, ob incidentes propositiones, quas complectuntur: *Propositio comparativa* definitur ea, in qua comparatio aliqua instituitur. Sint exempla.

Ami-

Amicum perdere est damnorum maximum

Meliora sunt vulnera amici, quam fraudulenta oscula inimici.

Has propositiones imprimis resolvere non licet in alias, quæ simul sumptæ, eundem sensum habeant, quem integra propositio habere intelligitur; & ideo ad compositas referre non possumus.

Secundò quo earundem propositionum sensus clarius elucescat, supplendæ sunt voces, quæ subaudiendæ relinquuntur, dicendo

1. *Amicum perdere est alteri amico damnum maximum omnium damnorum.*
2. *Vulnera amici, alteri amico sunt negotia meliora, quam sint fraudulenta oscula inimici.*

Hinc intelligitur subiectum, nempe terminum antecedentem, in prima propositione repræsentari a complexis vocibus *Amicum perdere*, hoc est *Amici*
ja-

jaçtura : terminum consequentem haberi in illis vocibus *alteri amico* : relationem data opera affirmatam , esse relationem *damni*, quæ tanquam a parte integrali determinatur a reliquis vocibus *maximum omnium damnorum*. Unica igitur relatio *damni* data opera affirmatur in prima propositione ut intercedens inter duos complexos quidem , sed non compositos terminos correlatos ; & ideo propositio ipsa complexa quidem est , minimè verò composita.

Item in altera propositione intelligitur subiectum , hoc est terminum antecedentem , repræsentari a complexis illis vocibus *Vulnera amici* : terminum consequentem , a sequentibus *alteri amico* : relationem data opera affirmatam esse *negotia* : quam relationem incipit determinare vox illa *meliora* ; perficit verò ut pars integralis incidens propositio : *Quam sint fraudulenta oscula inimici*.

Quare ad complexas , non ad compositas propositiones referendæ videntur etiam propositiones , quæ *comparativæ* vq , cari consueverunt.

§. 105.

Sextò denique ostendendum remanet esse quoque *complexas* eas propositiones, quas Logici *Inceptivas*, & *Definitivas* appellant, habentque minus rectè ut compositas; & sunt eæ, in quibus relatio data opera affirmata est vel *principii*, vel *finis*. En exempla.

1. *Judæi post captivitatem Babylonicam desierunt uti antiquis litteris, quæ hodie Samaritanæ appellantur.*
2. *Lingua latina desit in Italia esse vulgaris ab annis sexcentis.*
3. *Judæi quinto tantum sæculo a Christo nato uti punctis ad vocales designandas cœpere.*

In prima propositione unica relatio *finis* data opera affirmatur de *Judæis* tanquam de subiecto relatè ad unicum terminum consequentem, sive relatè ad *usum antiquarum litterarum*, qui complexis vocibus *uti antiqui litteris* exprimitur; & incidente propositione explic-

M ca-

catur, nimirum *quæ hodie Samaritanæ appellantur*. Reliquæ autem voces *post captivitatem Babylonicam* usurpantur ut partes integrales quibus *elapsi* temporis circumstantia ut parum determinata in Verbo *desierunt*, magis determinatur.

Eadem ratione resolvi, explicarique possunt reliquæ duæ propositiones, indeque faciliè intelligi *desitivæ*, & *inceptivæ* propositiones esse tantummodo complexas ex incidentibus, non autem compositas, quia resolvi non possunt in alias propositiones, quæ simul acceptæ eundem sensum exhibeant, quem integra propositio significat.

Cæterum nemo existimet hanc nos propositionum investigationem suscepisse, ut Dialecticorum errores hac in re proferremus in lucem. Id enim nullius utilitatis esse cognoscimus. Doctrinam hanc eum unicè in finem expendendam assumpsimus, quo nostram, quam cap. 6. declaravimus, propositionum naturam confirmaremus; atque occasione hinc capta varia afferri possent exempla, quibus per rectam partium *integralium*, & *essentialium* distinctionem, qua ratione ve-

rus

rus propositionum sensus explicari debeat, ostenderemus. In hac enim explanatione non exigua fundamenti pars consistit ejus artis, in qua auctorum mentem interpretari, & plurimas veritates investigare docetur.

C A P U T IX.

De Vi, modoque ratiocinandi, nec non de ipsa ratiocinatione.

§. 106.

Quemadmodum judicandi Vis est ea, qua ex immediata, mutuaque comparatione duorum objectorum, relatio aliqua inter ipsa objecta intercedere percipitur; ita Vis ratiocinandi generaliter dicitur a nobis illa, qua inter duo simul comparata objecta relationem aliquam intercedere, vel non intercedere inferimus, non quidem ex ipsorum immediata comparatione, sed ex alia pluribusve affirmatis relationibus. Ex: ca. Si triangulum deduceretur esse *aquiangulum* ex eo quod sit *aqui-*

M 2 la.

laterum : vel si corpus aliquod deduceretur esse *ignis* ex eo quod *urat* , & *illuminet* : vel si ex eo quod aliquod corpus sit omnium *ponderosissimum* , ad ignem *fusile* , maximè *ductile* , & ab aqua regia *solubile* , deduceretur ipsum esse *Aurum* : Vis qua hujusmodi cogitationes perficerentur , *Vis ratiocinandi* est , quam omnes experientia intelligunt inditam nobis esse a natura , hoc est a Deo ut auctore naturæ .

Hujus autem *Vis effectus* consistit quidem in integro ratiocinandi processu , sed speciatim in illa interna animi motione , qua in nobis per eam vim excitata inducimur , & determinamur ad judicandum deductam relationem ita se habere prout in ratiocinando ipsa nobis visa fuit .

Ratiocinandi processus dicitur *ratiocinatio* , vel etiam *argumentatio* , vel *discursus* , *judiciumve compositum* , ob varia , quibus componitur , judicia .

Ad modum verò ratiocinandi quod atinet , ipsum in expositione ratiocinationis , quam explicandam aggredimur , declarabimus .

§. 107.

ITaque cum in ratiocinatione possit quæsitæ relatio ex una pluribusve affirmatis relationibus dupliciter inferri, *immediatè* scilicet, ut in allatis exemplis (§. 105.) & cum *interpositione* alterius, aliarumve affirmatarum relationum; hinc relatè ad hunc duplicem inferendi modum, ratiocinatio generatim accepta distinguitur a nobis imprimis in ratiocinationem *simplicem*, & ratiocinationem *compositam*.

Ratiocinatio simplex est illa, in qua relatio quæsitæ *immediatè* infertur ex una, pluribusve relationibus: ut si æqualitas inter duos circulos deduceretur immediate ex affirmata relatione *æqualitatis* inter ipsorum diametros intercedentis, vel immediatè ex affirmatis æqualitatibus, quas iidem circuli singillatim habere inveniuntur cum alio, tertiove circulo; has ratiocinationes dicimus esse simplices.

Si autem quæsitæ relatio inferatur ex unica pluribusve relationibus non qui-

dem immediatè, sed cum alterius, aliarumve affirmatarum relationum interpositione, aliquo modo expressa; tunc ratiocinationem vocamus compositam: quia in suas componentes ratiocinationes ita resolvi potest, ut eadem simul acceptæ eundem sensum habeant, qui in ipsa ratiocinatione composita intelligitur enunciari. Ita composita esset ratiocinatio ejus, qui sic argumentaretur.

Primum corpus æquatur secundo.

Secundum æquatur tertio.

Tertium æquatur quarto.

Ergo primum æquatur quarto.

In hac enim ratiocinatione quæsitæ relatio *æqualitatis* inter primum, & quartum infertur quidem ex *æqualitatibus*, quas primum, & tertium habent cum secundo, sed mediante *æqualitate*, quæ inter tertium, & quartum intercedere affirmatur: ideoque ipsa ratiocinatio in duas sequentes, ex quibus componitur, resolvi potest, dicendo.

1. Pri-

1. *Primum corpus aequatur secundo.
Sed secundum aequatur tertio.
Ergo primum aequatur tertio.*
2. *Primum corpus aequatur tertio.
Sed tertium aequatur quarto.
Ergo primum aequatur quarto.*

De ratiocinatione composita agemus,
quando de simplici satis actum fuerit.

§. 108.

SECUNDÒ cum omnis *ratiocinatio simplex* consistat in ea cogitandi ratione, qua relatio quæsitæ immediatè inferitur ex unica pluribusve affirmatis relationibus [§. 107.] videtur eadem ratiocinatio distingui posse in varios gradus pro numero affirmatarum relationum, ex quibus consecutio immediatè inferitur, vocando nimirum ratiocinationem primi gradus eam, in qua ex unica relatione consecutio, nempe quæsitæ relatio, inferitur: ratiocinationem secundi gradus eam, in qua relatio quæsitæ inferitur ex duabus relationibus: & sic de

reliquis ratiocinationum gradibus secundum numerum relationum ex quibus consecutio infertur. Sint exempla, & primò ratiocinationis primi gradus.

1. *Diameter circuli A æquatur Diametro circuli B.*

Ergo circulus A æquatur circulo B.

Hæc ratiocinatio simplex est primi gradus, quia *æqualitas* inter circulos A, & B immediatè infertur ex *unica* affirmata relatione *æqualitatis* inter ipsorum diametros. Idem dicas de sequenti.

1. *Aqua in aquam impetu demissa resilit.*

Ergo aqua est elastica.

Nam *elasticitas* aquæ ex *unica resili-tionis* relatione infertur in ratiocinatione. Secundi gradus est hæc ratiocinatio.

1. *Altitudo trianguli A æquatur altitudini trianguli B.*
2. *Basis trianguli A æquatur basi trianguli B.*

Er-

ad Philosophiam. 185

Ergo triangulum A aequatur triangulo B.

Siquidem *aequalitas* inter triangula A, & B deducitur ex *duabus* relationibus, *aequalitatis* scilicet inter altitudines ipsorum, necnon *aequalitatis* inter eorundem *bases*. Idem dicas de sequenti.

1. *Titius est Vir probus.*

2. *Titius est peritus in iis, quae narrat.*

Ergo Titio fides habenda est.

Nam relatio *fidei* habendæ Titio infertur ex *duabus* relationibus *probitatis*, & *peritiæ*.

Ratiocinatio tertii gradus est.

1. *Altitudo corporis A aequatur altitudini corporis B.*

2. *Longitudo corporis A aequatur longitudini corporis B.*

3. *Latitudo corporis A aequatur latitudini corporis B.*

Ergo corpus A aequatur corpori B.

Hic

Hic relatio *aequalitatis* inter corpora A , & B deducitur ex tribus relationibus , 1. *aequalitatis* scilicet inter altitudines , 2. *aequalitatis* inter longitudines , 3. *aequalitatis* inter latitudines ipsorum .

Quarti gradus ratiocinatio simplex est, quæ sequitur .

1. *Cajus est sanus mente,*
2. *Cajus est sanus corpore,*
3. *Divitiis abundat,*
4. *Ab omnibus diligitur.*

Ergo Cajus feliciter vivit.

Relatio enim vitæ fœlicis immediate infertur ex *quatuor* relationibus , quæ sunt *sanitas* mentis , *sanitas* corporis , *abundantia* divitiarum , & *dilectio* , quæ ipsum omnes prosequuntur .

Octavi gradus ratiocinatio simplex sit.

1. *Densitas corporis A æquatur densitati corporis B.*
2. *Volumen corporis A æquatur volumini corporis B.*
3. *Durities corporis A æquatur duritiei corporis B.*
4. *Celeritas corporis A æquatur celer-*

leritati corporis B.

5. *Figura corporis A similis est figuræ corporis B.*
6. *Eadem corpora simili suarum figurarum positione impingunt.*
7. *Similibus directionibus impingunt.*
8. *Æqualiter resistentia sunt obstacula, in quæ impingunt.*

Ergo ictus corporis A æquabitur ictui corporis B.

In hac enim ratiocinatione *æqualitas* ictuum immediate infertur ex octo relationibus, quæ sunt 1. *Æqualitas* densitatum. 2. *Æqualitas* voluminum. 3. *Æqualitas* duritierum. 4. *Æqualitas* celeritatum. 5. *Similitudo* figurarum. 6. *Similitudo* positionum. 7. *Similitudo* directionum. 8. *Æqualitas* resistentiarum.

Septimi verò gradus esset ratiocinatio ejus, qui ex. ca. solarium Planetarum genus lumen a Sole recipere, inferret ex eo quod *Mercurius, Mars, Luna, Terra, Venus, Jupiter, & Saturnus* singillatim affirmarentur lumen a Sole recipere.

Quod

Quod si eadem consecutio deducere-
tur ex ipsis quidem *septem* relationibus,
sed singillatim additis illustrationibus,
quas a Sole recipiunt tum *quatuor* Pla-
netæ dicti Satellites Jovis, tum *quinque*
Satellites, qui circa Saturnum revolvun-
tur; ratiocinatio fieret sexdecim gra-
dum.

Atque ita facilè intelligitur dari pos-
se ratiocinationes simplices cujuscunque
gradus, cum ex quovis relationum nu-
mero quæsita relatio pro varia ipsius
natura possit immediatè inferri.

C A P U T X.

De Fundamentis Ratiocinationum.

CUM sæpe in ratiocinando ex eadem,
iisdemve præmissis, affirmatisque re-
lationibus alii quæsitam relationem etiam
inviti evidenter inferant; alii vix pro-
babiliter eandem inferant; alii verò ni-
hil inde inferre possint; alii denique in-
terdum contrariam inferant relationem:
hinc operæ prætium est, ut horum effe-
ctuum varietatem, & originem inqui-
ra-

ramus expendamusque , ut ad benè ratiocinandum magis apti efficiamur.

§. 109.

Quemadmodum igitur corpora externis sensibus admota sensationem quandam in iisdem excitant , ob quam peculiare ipsorum corporum affectiones percipiuntur , cujusmodi sunt *durities* , *fluiditas* , *dulcedo* &c. ita quoque in omni ratiocinatione affirmatæ relationes , ex quibus consecutio deducitur , habendæ sunt tanquam objectum incorporeum , quod incorporeæ menti nostræ admotum , exhibitumve sensationem illam in animo nostro procreat , in qua consecutionis perceptio consistit. Est enim deducta relatio , consecutiove , veluti affectio quædam earum relationum , ex quibus infertur.

Veruntamen sicuti corporearum affectionum perceptio plurimum a varia sensuum externorum dispositione pendet ; ita pro varia interni sensus , animive nostri dispositione plurimum in nobis immutatur perceptio ejus relationis , quæ
a præ-

a præmissis relationibus esset inferenda :

Hinc mirari non debemus, si ex iisdem relationibus nullam consecutionem alius inferat, ex quibus ob diversam interni sensus dispositionem alius aliquam, sed probabiliter ; eandem alius, & quidem evidenter ; alius denique oppositam inferat, percipiatque : cum in corporum quoque affectionibus percipiendis idem plane contingat. Et sanè si quis suscepti frigoris causa malè afficitur, interdum nullum percipit saporem ex corporibus, quæ sano sapida sunt : si quis vero febri laborat, aliquando etiam amara judicat corpora, quæ a sano dulcia judicantur.

Attamen licet mirari non debeamus de summa varietate consecutionum, quæ ab iisdem præmissis relationibus inferuntur ; tamen cum ab ipsa innumeri sca-teant errores, quibus humana ratio turpiter labitur, sedulo inquirendæ sunt causæ tantæ varietatis, ut iisdem amotis, emendativæ, bene & uniformiter rationemur.

§. 110.

PORRÒ duo videntur esse genera causarum, ob quas malè ratiocinamur, nimirum pravæ animi passiones, & falsa ratiocinationum fundamenta, quibus in ratiocinando utimur. Illæ quo facilius saltem in aliis deteguntur, eo difficilius ob malam indolem hominum, a qua dependent, emendantur: hæc verò, nempe ratiocinationum fundamenta, cum a prava hominum indole minime procedant, eo facilius corrigi possunt ubi fuerint detecta, quo magis hætenus occulta, vel saltem neglecta fuisse videntur. Ne igitur oleum, & operam nolentibus litare videamur, pravæ animi passiones multiplici verborum apparatu exponendas Declamatoribus relinquimus; & fundamenta ratiocinationum pro viribus unice declarabimus.

§. 111.

§. III.

ITaque *Fundamentum ratiocinationis* generatim appellatur a nobis ratio illa , ob quam ex datis relationibus , quas imposterum simpliciter vocabimus *præmissas* , ad hanc potius quam illam consequutionem inferendam internè movemur. Nunquam enim sine ullo penitus fundamento consecutiones ex præmissis relationibus inferimus , sed semper aliqua seu vera , seu falsa ducti ratione , qua internè movemur , determinamurque , licet ratio ipsa ut plurimum non advertatur , quia ob oscitantiam , socordiam , vel imperitiam sæpius ex usu , nempe naturaliter , & veluti per machinam , brutorum more , potius quam humano modo , nempe scienter , debitaque attentione , ut faciendum esset , ratiocinamur .

Varia porrò sunt ratiocinationum *Fundamenta* pro variis ratiocinationum generibus. Si ratiocinationes considerentur relatè ad eam animi nostri motionem , suasionemve , quam in animo nostro bene

nè, vel malè disposito earum *Præmissæ* excitant; nempe relatè ad eam suadendi vim, quam unusquisque pro varia animi sui dispositione iisdem tribuit, eas distinguimus in ratiocinationes 1. evidenter veras. 2. evidenter inconcludentes. 3. probabiles. 4. improbabiles. 5. dubias.

Siquidem ratioeinatio vel de veritate rei omnimodè, atque extra dubitationem omnem falsitatis suadet, vel nihil suadet, vel suadet, aliquam dubitationem falsitatis relinquendo.

Si ratioeinatio omnimodè suadet, ea nobis evidenter certa est, nempe absolutè *evidens*. Si nihil suadet, eam dicimus evidenter inconcludentem, vel absolutè *inconcludentem*. Si verò de veritate rei suadet cum aliqua dubitatione falsitatis, tunc vel hæc dubitatio est major, vel minor, vel æqualis suasioni veritatis. Si dubitatio de falsitate rei est major, quam suasio de veritate, ratiocinatio nobis est *improbabilis*; si minor, est *probabilis*; si æqualis, est *dubia*.

§. 112.

QUando ab effectu, quem in nobis ratiocinatio excitat, eadem judicatur *evidens*, tunc pro fundamento ejus ponitur deductam relationem esse vel *inseparabilem* a præmissis relationibus, prout sunt in ratiocinatione expositæ, vel cum iisdem *incompatibilem*. *Inseparabilem* ponimus deductam relationem, quando consequutio est affirmativa: *incompatibilem* verò quando consequutio negans est. Ratio, & Exempla.

Quando Geometræ ex æqualitatibus, quas duo corpora singillatim habent cum tertio, evidenter inferunt æqualitatem intercedere inter illa duo; consecutionem hanc affirmantem inferre non possent, nisi simul ponerent deductam relationem esse a præmissis relationibus ita inseparabilem, ut illis admissis, hæc necessario admitti debeat: proindeque in hac posita *inseparabilitate* consistit fundamentum ratiocinationis evidentis, cujus consecutio *affirmans* est.

Ubi

Ubi autem ex inæqualitate diametrorum evidenter infertur circulos non esse inter se æquales, consecutio hæc negativa ex præmissa diametrorum inæqualitate inferri non posset cum evidenti certitudine, nisi simul poneretur deductam relationem esse cum præmissa relatione *incomparibilem*. Atque ideo negantis, & evidentis ratiocinationis fundamentum in eadem posita *incomparibilitate* consistit.

§. 113.

QUando ratiocinatio ob nullam in nobis excitatam suasionis motionem judicatur *inconcludens*, ejusdem ut inconcludentis Fundamentum, si tunc hoc nomine vocari liceat, consistit in posito defectu Fundamenti, nempe (ut clarius infra explicabitur) ejus relationis, a qua in comparatione præmissarum cum consecutione internè commo veri deberemus. Ratio, & Exemplum.

Inconcludens recte judicaretur ratiocinatio ejus, qui ex *æqualitate* duorum corporum inferret corpora ipsa esse,

N 2 vel

vel non esse *nigra*. Sed eadem ratiocinatio ut inconcludens haberi non posset, nisi ponendo nullam intercedere relationem inter præmissam corporum æqualitatem, & illatam consequutionem: & hoc ipsum in qualibet alia inconcludente ratiocinatione contingere debet, ut consideranti patet. Ergo in posito, præfatoque relationis defectu consistit fundamentum ratiocinationis inconcludentis.

§. 114.

QUando ratiocinationem judicamus esse *probabilem*, eademque *affirmative* concludit, ponitur pro fundamento ejus, ut probabilis, illatam relationem esse *magis compatibilem*, quam *separabilem* a relationibus præmissis, prout in ratiocinatione sunt expositæ. Ubi vero consecutio negans est, ponitur pro fundamento ratiocinationis probabilis, illatam relationem esse *magis separabilem*, quam *compatibilem* cum iisdem præmissis, prout sunt expositæ. Ratio, & Exempla.

Sint

Sint in sacco tres globi æquales, quorum duo sint albi, tertius ater. His præmissis, si quis inde affirmative inferret probabiliter fore ut globus albus primo extrahatur, necessario poneret deductam relationem, extractionemve globi albi esse *magis compatibilem, quam separabilem* a præfatis circumstantiis, vel præmissis. Similis verò positio in similibus ratiocinationibus, quæ scilicet essent affirmantes, & probabiles, necessario facienda esset. Ergo Fundamentum, cui ratiocinatio *probabilis, & affirmans* innititur, consistit in positione, quod illata relatio sit cum suis præmissis *magis compatibilis, quam ab iisdem separabilis*.

Si verò ex iisdem præmissis circumstantiis, relationibusve deduceretur negante consecutione probabiliter fore, ut globus ater e sacco primum non extrahatur, consecutio hæc inferri non posset, nisi simul poneretur illatam relationem esse a suis præmissis *magis separabilem, quam cum iisdem compatibilem*: ideoque cum similis positio in qualibet simili ratiocinatione ob ean-

eam rationem effici necessariò debeat ,
inde concludimus Fundamentum negan-
tis probabilis que ratiocinationis genera-
tim consistere in eadem positione , quod
scilicet deducta relatio sit *magis sepa-
rabilis a suis præmissis , quam cum iis-
dem compatibilis* .

§. 115.

SI quis *affirmantem* ratiocinationem
judicaret esse *improbabilem* , neces-
sariò poneret illatam relationem esse
*minus compatibilem cum suis præmissis ,
quam ab iisdem separabilem* . Contra ve-
rò si ratiocinatio , quæ *improbabilis* ju-
dicatur , esset *negativa* , necessariò a ju-
dicante poneretur illatam relationem ef-
se *minus separabilem a suis præmissis ,
quam cum iisdem compatibilem* . Quod
facile comprehendere potest , si ad hæc
applicentur ea , quæ supra [§. 114.]
de ratiocinatione probabili dicta sunt .
Ergo Fundamentum ratiocinationis im-
probabilis , prout improbabilis habetur ,
consistit in altera ex præfatis positioni-
bus , prout ratiocinatio ipsa negans est ,
vel affirmans .

§. 116.

§. 116.

DEnique ubi planè *dubiam* censemus esse ratiocinationem ob nullam suasionis commotionem in nobis ab ea exortam, ponimus pro fundamento ejusdem, ut plane dubiæ, quod relatio deducta æque sit cum suis præmissis compatibilis, ac ab iisdem separabilis.

Sint in sacco duo globi æquales, forte-extrahendi, quorum alter sit albus, niger alter. Si quis inde inferret fore ut albus potius quam niger e sacco primus extrahatur, vel non extrahatur, ratiocinatio hæc plane dubia censeretur. Sed qua ratione, quove fundamento? Profectò quia cum præmissis circumstantiis æque compatibilis ac ab iisdem separabilis poneretur esse illata inde relatio, vel consecutio. Quapropter in hujusmodi æqualitate intercedente inter compatibilitatem, & separabilitatem, constituendum est fundamentum ratiocinationis dubiæ, prout plane dubia judicatur.

§. 117.

EX his itaque intelligitur omnia ratiocinationum fundamenta eo redire, ut præcognitionem, vel potius positionem complectantur ejus relationis, quæ inter præmissas (§. 111.) & illatam inde consecutionem intercedere putamus. Hæc autem præcognitio, positiove in nobis exoritur vel a lumine naturæ, vel ab experientia, vel ab auctoritate, vel a particularium Facultatum rudimentis, doctrinisque altioris indaginis, quibus instructi esse possumus.

Qui clariori naturæ lumine illustratur, qui longiori præditus est rerum experientia, qui majori Facultatum numero dedit operam, & speciatim ei, in qua ratiocinatio versatur, is ad benè ratiocinandum aptior est. Contra verò minus idoneus est qui tardiori ingenio pollet, qui parum in experimentis, & observationibus est versatus, quique Facultatibus minori diligentia incubuit.

Si quis in fundamento ratiocinationis erret, falsa nimirum pro verisponendo,
is

is necessariò malè ratiocinabitur falsam consecutionem deducendo ex iisdem præmissis, ex quibus veram deducet qui pro fundamento ratiocinationis eam relationem intercedere ponit, quæ inter præmissas, & illatam consecutionem reipsa intercedit.

Quare in expendendis ratiocinationibus speciatim investigandum est Fundamentum ipsarum utrum verum sit, cum in ejus potissimum veritate bonitas, pravitasque ratiocinationum innitatur. Sed qua ratione expedienda sit ratiocinationum validitas, suo loco exponemus. Interim alia, quæ ex dictis consequuntur, explicabimus.

§. 118.

P Ræterea ex iis, quæ dicta sunt, ostendi potest probabilitatem non esse partem certitudinis absolutæ, sive rigorosè acceptæ, hoc est mathematicæ. Hujusmodi enim certitudo consistit in absoluta consecutionis *inseparabilitate* a præmissis, vel in absoluta illius *incompatibilitate* cum iisdem, prout consecutio affirmans est, vel negans: eaque inseparabilitas, eademque incompatibilitas mini-

nimè suscipiunt magis, & minus, hoc est neque augeri, neque minui possunt. Probabilitas verò consistit in *excessu* compatibilitatis supra separabilitatem, vel in *excessu* separabilitatis supra compatibilitatem consecutionis relatè ad præmissas, qui *excessus* tum majores, tum minores esse possunt.

Sed quod augeri, minuique potest, minimè potest esse pars ejus quod neque augeri, neque minui potest.

Ergo probabilitas non erit pars certitudinis mathematicæ, quemadmodum in Arte conjectandi minus rectè docet Benovullius.

Imo potius dicendum est probabilitatem esse ad certitudinem mathematicam ut *quantitas* est ad *qualitatem*, non autem ut pars ad totum.

Quod si probabilitatem cum certitudine morali conferre velimus, asserere quidem possumus probabilitatem rationationum eo propius ad earum certitudinem moralem accedere quo major est excessus præfatæ compatibilitatis super separabilitatem consecutionis a præmissis, vel respectivè excessus separabilitatis super compatibilitatem ejusdem cum præ-

præmissis. Verum quo assurgere, & per-
tingere debeat probabilitas ut moralem
certitudinem assequatur, nostrum non est
definire. Definiat qui animi, siue inter-
ni sensus sensationes gradibus licet mo-
ralibus metiri perdidicit; quod tamen nul-
lo modo fieri posse ab hominibus existi-
mamus.

Quod si hoc non obstante certitudi-
nem, evidentiamve moralem in ratioci-
nationibus definiri a nobis aliquis desi-
derat, eam ipse pro tali habeat, cujus
ratiocinatio, si sit affirmans, innititur
tanquam fundamento, *moralis* consecu-
tionis *inseparabilitati* a præmissis; si au-
tem ratiocinatio sit negans, innititur *mo-
rali* consecutionis *incompatibilitati* cum
præmissis.

§. 119.

NE verò in percipiendo ratiocina-
tionum fundamento confusio aliqua
ex eo nascatur, quod ipsum variis mo-
dis sit a nobis descriptum, atque deter-
minatum, iterum idem majori claritatis
gratia declaramus.

Si

Si ratiocinationes generalissimè considerentur, fundamentum earum est relatio illa, quæ scienter, vel inconsideratè a nobis percepta, vel posita intercedere inter præmissas, & consecutionem, animum nostrum adeo movet, ut pro ratione concepti motus, ratiocinationes ipsas habeamus vel ut certas, nimirum evidentes, vel ut inconcludentes, velut probabiles, vel ut improbables, vel ut dubias.

Si expendantur ratiocinationes relatè ad ipsarum suprema genera, quæ sunt ratiocinationes *certaine, inconcludentes, probabiles, improbables, & dubia*, illarum fundamenta in totidem suprema genera distinguuntur, & determinantur, atque ita distincta, & determinata sunt ea, quæ supra (§. 111. 112. 113. 114. 115. 116.) declaravimus.

Si verò speciatim, & etiam individualiter spectentur ratiocinationes, tunc æquè speciali, & individua expositione declarari possunt illarum fundamenta, ut capite sequenti identidem facere continget.

CAPUT XI.

De varietate rationum, quibus exponi possunt argumentationes.

§. 120.

EAdem argumentatio, nempe unius ejusdemque ratiocinationis sensus, mutatis propositionum phrasibus, numero, & ordine, potest variis modis representari. Sit exemplum in ratiocinatione primi gradus, in qua *lubricitas* aquæ evidenter infertur ex eius *fluiditate*. Huius argumentationis fundamentum est *posita inseparabilitas* non quidem lubricitatis a fluiditate, sed fluiditatis a lubricitate, quæ positio in hac generali propositione enuntiatur, & continetur: nimirum *Ea, quæ sunt fluida, sunt etiam lubrica*. Et hæc generalis propositio tanquam fundamentum ratiocinationis æque potest in ratiocinatione ipsa ad majorem claritatem enunciari, ac majoris compendii gratia, subaudienda omitti. Hinc
ea-

eadem argumentatio sex saltem sequen-
tibus modis repræsentatur.

1. *Si corpus aliquod sit fluidum, ip-
sum est etiam lubricum.*

Sed aqua est fluida.

Ergo aqua est lubrica.

2. *Quæ sunt fluida, sunt etiam lubrica.*

Sed aqua est fluida.

Ergo aqua est lubrica.

3. *Aqua est fluida.*

*Sed quæ sunt fluida, sunt etiam lu-
brica.*

Ergo aqua est lubrica.

4. *Quæ sunt fluida, sunt etiam lubri-
ca.*

Ergo aqua est lubrica.

In qua postrema ratiocinationis formula
relatio *fluiditatis*, ex qua infertur con-
secutio, subaudienda omittitur.

5. *Aqua est fluida.*

Ergo aqua est lubrica.

6. *Aqua est lubrica,*

Quia ipsa est fluida.

In

In quinta, & sexta formula subauditur fundamentum ratiocinationis, quod in reliquis est expressum. Idem in prima formula exprimitur propositione conditionali; in altera vero, tertia, & quarta, enunciatum propositione absoluta.

§. 121.

POtest insuper ratiocinatio primi gradus, in qua scilicet ex unica relatione infertur relatio quæsitæ, nempe consecutio, exprimi tribus, pluribusve propositionibus sine fundamento ejus, adeo ut eadem videatur esse secundi, vel ulterioris gradus. En exemplum.

Infinita materia divisibilitas comprehendendi non potest.

Infinita materia divisibilitas est certissima.

Ergo sunt quædam certissima, quæ nequeunt comprehendendi.

In hac ratiocinatione ab *unica existentia rei determinatæ*, quæ duabus relationibus certitudinis, & incomprehensibilitatis

tatis designatur, inferitur *existentia* rei *indeterminata*, quæ iisdem relationibus determinatur. Fundamentum vero ratiocinationis est posita *inseparabilitas* existentiae rei determinatae ab existentia ejusdem naturae rei, sed *indeterminatae*. Quod fundamentum in allata formula est omissum.

Possset tamen idem fundamentum, mutata ratiocinationis formula, in eadem ratiocinatione sub conditionali propositione interponi, dicendo.

Si infinita materiae divisibilitas comprehendi non potest, & est certissima, sunt quaedam certissima, quae comprehendi nequeunt.

Sed infinita materiae divisibilitas est certissima, & incomprehensibilis.

Ergo sunt quaedam certissima, quae comprehendi nequeunt.

§. 122-

Ratiocinationes quoque secundigradus, in quibus scilicet quaesita relatio ex duabus inferitur praemissis, nempe

pe relationibus, possunt variis modis exponi. Exemplum sit in ratiocinatione, in qua relatio *fidei* habendæ Titio infertur ex *duabus* relationibus *probitatis*, & *peritiæ* de ipso affirmatis. Hæc ratiocinatio potest imprimis enunciari tribus propositionibus subaudito fundamento ejus, dicendo.

Titius est Vir probus.

Titius est peritus in iis, quæ narrat.

Ergo Titio fides habenda est.

Secundò potest eadem ratiocinatio enunciari cum suo fundamento *inseparabilitatis*, colligendo in unam propositionem compositam duas relationes probitatis, & peritiæ, ex quibus infertur conclusio.

Fides habenda est Viro probo, & perito in iis, quæ narrat.

Sed Titius est Vir probus, & peritus in iis, quæ narrat.

Ergo fides habenda est Titio.

O

Ter-

Tertiò potest mutari ordo propositionum subaudito fundamento ratiocinationis, dicendo.

*Fides habenda est Titio,
Quia Vir probus est, & peritus in
iis, quæ narrat.*

Quartò potest in eadem ratiocinatione fundamentum exponi sub propositione conditionali hac ratione.

*Si Titius fuerit Vir probus, & peritus in iis, quæ narrat, fides habenda est ipsi.
Sed Titius est Vir probus, & peritus in iis, quæ narrat.
Ergo fides habenda est Titio.*

Quintò ipsa conditionalis propositio, quæ fundamentum ratiocinationis continet, potest cum eadem consecutione hoc pacto uniri.

*Titius est Vir probus, & peritus in iis, quæ narrat.
Ergo si fides habenda est Viro probi,*
&

¶ perito in iis, quæ narrat, eadem habenda est Titio.

§. 123.

INterdum relationes, ex quibus infer-
tur consecutio, eadem sunt non modò
inter se se, sed etiam cum relatione con-
secutionis. Veluti quando in conclusione
argumentationum cujuscunque gradus con-
cluditur affirmativè, vel negativè de *to-
to* id, quod in præmissis propositionibus
affirmatum, vel negatum fuit de singu-
lis ejus partibus; vel similiter concludi-
tur de *genere* id, quod in præmissis e-
nunciatum fuit de singulis ejus specie-
bus; vel concluditur de *specie* idem;
quod in præmissis enunciatum fuit de
singulis individuis ejus. Quod argumen-
tationis genus a Logicis dicitur *Inductio*,
& exemplum habetur in postrema ar-
gumentatione [§. 107.] In his igitur
argumentationibus dum pro fundamento
ipsarum ponitur consecutionem esse a
præmissis *inseparabilem*, vel cum iisdem
incompatibilem, prout affirmans, vel ne-
gans est consecutio ipsa, ponitur etiam

enumeratas esse in præmissis *omnes* partes ejus totius, vel *omnes* species ejus generis, vel *omnia* individua ejus speciei, de qua in consecutione affirmative, vel negativè concluditur.

Quare hinc alia exoritur hujusmodi argumentationes exponendi ratio, prout aliquo modo indicatur, vel subaudiendum omittitur ut fundamentum, vel ut pars fundamenti, enumeratas esse partes *omnes*, vel *omnes* species, vel *omnia* individua ejus, de quo in consecutione concluditur.

Sit exemplum in ratiocinatione simplici secundi gradus, in qua totum corpus animale esse morbis obnoxium infertur ex eo, quod omnes partes ejus tum fluidæ, tum solidæ sint morbis obnoxia. Hæc argumentatio potest imprimis sine fundamento ejus enunciari tribus propositionibus simplicibus, nimirum

Partes fluidæ corporis animalis sunt morbis obnoxia.

Partes solidæ corporis animalis sunt morbis obnoxia.

Ergo totum corpus animale est morbis obnoxium.

2.

2. Potest eadem exponi etiam omisso fundamento ejus, duabus propositionibus, quarum altera composita sit, veluti si diceretur:

Partes omnes tum fluidæ, tum solidæ corporis animalis, sunt morbis obnoxia.

Ergo totum corpus animale est morbis obnoxium.

3. Potest eadem enunciari cum fundamento enumerante sub propositione disjunctiva partes omnes ejusdem totius, dicendo.

Partes corporis animalis sunt vel fluidæ, vel solidæ.

Si fluidæ, sunt morbis obnoxia.

Si solidæ, sunt morbis obnoxia.

Ergo totum corpus animale est morbis obnoxium.

Ex his alii modi facillè inveniri poterunt, quibus argumentationes tum secundi, tum ulterioris gradus enunciari queunt. Ideoque ipsos nunc describe-

re, & declarare, supervacaneum censemus.

§. 124.

Mittenda tamen non est consideratio, quæ nunc in mentem venit, cum ad varietatem exponendi rationationes mirificè applicetur.

Ea est quarundam relationum indoles, & natura, ut aliæ ex aliis sæpe componantur, quæcumque sit compositionis ratio. Hujus generis est relatio *superficieï*, quæ componitur ex relationibus *longitudinis*, & *latitudinis*. Quapropter cum quævis relatio composita usurpari possit loco relationum, a quibus componitur, & vicissim; hinc sequitur ut eadem numero relatio inferri possit vel unicè ex alia relatione composita, vel ex pluribus, quibus hæc componitur. Atque ideo eadem ratiocinatio sub forma tum primi, tum secundi, tum ulterioris gradus repræsentari potest. Exemplo sit argumentatio, in qua duo parallelepipeda inferuntur esse inter se se æqualia, Si dicatur:

Al.

ad Philosophiam. 215

*Altitudo primi æquatur altitudini
secundi,*

*Longitudo primi æquatur longitudi-
ni secundi,*

*Latitudo primi æquatur latitudini
secundi:*

*Ergo primum parallelepipedum æqua-
tur secundo:*

argumentatio erit tertii gradus, quia
consecutio infertur ex tribus relationi-
bus quæ totidem propositionibus affir-
mantur.

Si verò diceretur:

*Altitudo primi æquatur altitudini
secundi,*

Basis primi æquatur basi secundi:

*Ergo primum parallelepipedum æ-
quatur secundo:*

argumentatio esset secundi gradus, quia
ex duabus *altitudinis*, & *bases* relatio-
nibus infertur consecutio: & tamen u-
nus idemque est ambarum argumen-
tationum sensus: quia nomine *bases* in-
telligitur *longitudo*, & *latitudo*, quibus
relationibus componitur relatio *bases*.

§. 125.

Quinimo ubi agitur de quantitati-
bus, alia etiam ratione potest ea-
dem argumentatio formam induere tum
primi, tum secundi gradus. Sit exem-
pum.

*Altitudo trianguli A est dupla al-
titudinis trianguli B.*

*Basis trianguli A est medietas trian-
guli B.*

*Ergo triangulum A æquatur trian-
gulo B.*

Hæc argumentatio formam habet se-
cundi gradus, quia deducta relatio in-
fertur ex duabus relationibus, quas duæ
distinctæ propositiones data opera affir-
mant. Eadem verò posset sub forma
primi gradus ita enunciari.

*Altitudo trianguli A est ad altitu-
dinem trianguli B, ut recipro-
cè basis trianguli B est ad ba-
sim trianguli A.*

Ergo

Ergo triangulum A æquatur triangulo B.

In prima hujus argumentationis propositione data opera enunciatur relatio inter altitudines triangulorum; sed ita indeterminatè, ut opus sit quod eadem determinetur incidente propositione, qua incidenter ostenditur relatio inter bases. Atque ideo integra propositio inde orta, est quidem complexa, sed sensu æquivaleret propositioni compositæ, in qua duæ distinctæ relationes, *altitudinis* scilicet, & *bases*, data opera affirmarentur. Cæterum in utraque hujus argumentationis formula, fundamentum ratiocinationis subauditur, ut clare patet.

Quo vero hujusmodi varietas, sub qua ratiocinationes exponi possunt, magis illustretur, nonnulla hic addenda sunt circa ratiocinationes compositas. Sit igitur.

C A P U T XII.

De ratiocinatione composita.

§. 126.

Ratiocinatio composita dicitur a nobis illa, in qua relatio quæsitæ inferitur quidem ex alia, pluribusve relationibus, sed cum interpositione aliarum ratiocinationum, ex quibus idcirco ita componitur, ut eædem componentes ratiocinationes simul acceptæ eundem sensum habeant cum illo, quem ratiocinatio composita continet.

Varia porrò ratione componentes ratiocinationes in unam ex iisdem compositam connecti possunt.

Quando ratiocinationes componentes sunt primi gradus, eædem simul connecti solent ope ipsarum fundamenti, ut in hoc exemplo.

Avari multa desiderant.

Qui multa desiderant, multis egent.

Qui multis egent, sunt miseri.

Qui

*Qui sunt miseri, non sunt fœlices.
Ergo avari non sunt fœlices.*

Hæc ratiocinatio ex tribus componitur ratiocinationibus, in quas eum singularum fundamentis ita resolvitur.

1. *Avari multa desiderant.
Sed qui multa desiderant, multis egent.
Ergo Avari multis egent.*
2. *Avari multis egent,
Sed qui multis egent, sunt miseri.
Ergo avari sunt miseri.*
3. *Avari sunt miseri.
Sed qui sunt miseri, non sunt fœlices.
Ergo avari non sunt fœlices.*

In his tribus componentibus ratiocinationibus fundamentum ipsarum est illud, quod generalis propositio completur.

§. 127.

Componi etiam solent in unam componentem ratiocinationes primigradus, hac ratione.

Sub-

*Subditi Cæsaris vel sunt divites ,
vel pauperes .*

Si divites , eos diligit , quia honorat .

*Si pauperes , eos diligit , quia neces-
saria suppeditat ipsis .*

*Ergo Cæsar omnes suos subditos di-
ligit .*

Hæc ratiocinatio ex duabus componi-
tur ratiocinationibus primigradus. Nam
relatio *dilectionis* inter Cæsarem, & suos
Subditos infertur quidem ex *duabus* re-
lationibus, *dilectionis* scilicet inter Cæsa-
rem, & Subditos divites; necnon *dile-*
ctionis inter Cæsarem, & Subditos pau-
peres; sed quælibet harum relationum
ex alia relatione infertur, illa quidem
ex relatione *honoris*, hæc autem ex re-
latione *suppeditandi* necessaria deducitur.

§. 128.

QUando verò componentes ratioci-
nationes sunt secundi gradus, eæ-
dem in ratiocinationem compositam ita
compinguntur. Omissis singularum fun-
da-

damentis, in qualibet ex propositionibus præmissis reasumitur pro termino antecedente idem, qui fuerat in præcedente propositione terminus consequens. Sit exemplum.

Primum corpus est duplum secundi.

Secundum est duplum tertii.

Tertium est duplum quarti.

Ergo primum est octuplum quarti.

In hac ratiocinatione duæsecundi gradus componentes ratiocinationes inveniuntur, in quas subauditis ipsarum fundamentis eadem composita sic resolvitur.

1. *Primum corpus est duplum secundi.*

Secundum est duplum tertii.

Ergo primum est quadruplum tertii.

2. *Primum est quadruplum tertii.*

Sed tertium est duplum quarti.

Ergo primum est octuplum quarti.

Alias compositionum varietates in argumentationibus occurrere posse non nega-

gamus ; sed hætenus expositas sufficere censemus , ut omnis generis ratiocinationes compositæ ad majorem claritatem resolvi possint in suas componentes , & a simplicibus distingui.

C A P U T X H I .

De ratione inveniendi argumentationum Fundamenta .

QUum tota vis ratiocinationum pendeat a veritate Fundamenti , quo ipsæ innituntur ; veritas autem Fundamenti dijudicari minime possit , nisi prius ipsum apertè cognoscatur : ideo priusquam de ratione expendendi ratiocinationum validitatem agamus , dicendum est , qua ratione Fundamentum ipsum investigari debeat , & a reliquis propositionibus distingui . Quod tamen unicè in ratiocinatione simplici cujuscunque gradus præstabimus : quia eadem doctrina facillè poterit ad ratiocinationes compositas applicari .

§. 129.

Q UOD igitur in ratiocinationibus tutè inveniri, & rectè comprehendi possit Fundamentum ipsarum, nonnulla animadvertenda sunt. Et quidem

1. In argumentatione simplici Fundamentum ejus aliquando prorsus subaudiendum omitti, nonnunquam verò cum præmissis ejusdem ratiocinationis modò clarè, modò confusè indicari.

2. In ratiocinationibus primi gradus Fundamentum sæpius expressè indicari, quàm in reliquis, ubi evitandæ prolixitatis gratia, moris est ut ipsum plerumque subaudiendum relinquatur.

3. Fundamentum ratiocinationis consistere in quadam propositione, quæ ostendit, qua ratione in ipsa argumentatione ponitur se habere deductam relationem cum relatione, relationibusve, a quibus consecutio infertur: nimirum utrum ponatur deductam relationem se habere ad præmissam, præmissasve relationes ut *compatibilem*, vel *incompatibilem* cum ipsis; vel ut *separabilem*, vel *inseparabilem* ab iisdem.

Ex

Ex quo sequitur in Fundamento ratiocinationis aliquo modo contineri, adeoque deprehendi debere non modo illatam relationem [quæ nunquam continetur in præmissis propositionibus, ex quibus inferitur] sed etiam præmissas relationes. Quæ profecto nota quam maximè juvabit, quo Fundamentum ratiocinationis inveniri, & a præmissis propositionibus distingui valeat. Verum quo id facilius obtineri possit, notandum

4. Relationes illas quarum ratio *separabilitatis*, vel *inseparabilitatis*, *compatibilitatis*, vel *incompatibilitatis* ostenditur a Fundamento ratiocinationis, intelligendas esse non quidem velut nudè acceptas, sed prout eadem ad hunc potius, quàm ad illum ex suis terminis correlatis in argumentatione speciatim referuntur. Ideoque sufficere quod in Fundamento pro relationibus ipsis reperiantur termini illi, quorum præcipue respectu eadem relationes in consecutione, & in præmissis propositionibus enunciantur. Sed hæc omnia exemplis clario-
ra fient.

§. 130.

INquirendum sit Fundamentum hujus
ratiocinationis ceteroquin invalidæ,
& falsæ.

1. *Debemus credere Scripturæ.*
2. *Traditio non est Scriptura.*
3. *Ergo non debemus credere Traditioni.*

Relatio quæ in hac argumentatione
infertur, est quidem relatio *fidei*, sed in
quantum speciatim præstanda non est tra-
ditioni, seu prout ad traditionem refer-
tur. Ergo prima propositio, *Debemus cre-
dere Scripturæ*, non erit Fundamentum ra-
tiocinationis, quia [§. 129. n. 3. 4.] in ea
nulla fit mentio *Traditionis*, ad quam
speciatim refertur in consecutione illata
relatio *fidei*.

In altera vero propositione, *Traditio
non est Scriptura*, exponitur non modò
Traditio, ad quam speciatim refertur in
consecutione relatio deducta, sed expo-
nitur etiam *Scriptura*, ad quam simili-

P

ter

ter speciatim refertur in prima propositione relatio *fidei*, ex qua infertur conclusio. Ergo (§. 129. n. 3. 4.) in eadem secunda propositione agnoscendum est Fundamentum ratiocinationis, cuius propterea sensus eo redit, ut ex unica relatione *fidei*, prout præstanda est *Scriptura*, inferatur relatio *fidei*, prout hæc habenda non est *Traditioni*. Et fundamentum ratiocinationis, quod obscure continetur in secunda propositione, *Traditio non est Scriptura*, si clarius explicetur, hunc sensum habere intelligitur, nimirum *Fides habenda Traditioni non est compatibilis cum fide habenda Scriptura*, quam propositionem nemo non videt quantum a veritate absit.

En igitur qua ratione Fundamentum ratiocinationis invenitur, determinatur, & distinguitur a præmissa propositione, a qua unice infertur conclusio.

§. 131.

Sit aliud exemplum in ratiocinatione simplici primi gradus.

1. In-

1. *In finita materia divisibilitas comprehendi non potest.*
2. *In finita materia divisibilitas est certissima.*
3. *Ergo sunt quædam certissima, quæ nequeunt comprehendi.*

In hac quoque ratiocinatione Fundamentum distingui poterit a præmissis propositionibus eodem modo. Nam relatio, quæ hic inferitur, est relatio *existentiæ* cujusdam generis nempe eorum, quæ certissima sunt, & comprehendi non possunt; nimirum ejus generis, quod relationibus *certitudinis*, & *incomprehensibilitatis* determinatur. Si verò attentius expendantur duæ propositiones, quæ consecutioni præmittuntur, invenietur eas unam eandemque præmissam reipsa constituere, unam eandemque relationem tantummodo complecti, ex qua unice inferitur consecutio; adeo ut sensus argumentationis sit, ac si diceretur:

Existit materia divisibilitas, quæ certissima est, & incomprehensibilis.
 P 2 Ergo

Ergo existunt quædam, quæ certissima sunt, & incomprehensibilia.

Quare existentia eorum, quæ certissima sunt, & incomprehensibilia, infertur unice ab existentia divisibilitatis materiæ, prout eadem divisibilitas certissima est, & incomprehensibilis. Nimirum ab existentia unius individui, nempe *divisibilitatis* materiæ &c. infertur existentia ejus generis, sub quo individuum ipsum continetur. Argumentatio igitur est simplex, & primi gradus, in eaque subauditur Fundamentum ejus, eo quod in propositione præmissa, nulla ratione fiat mentio existentia ejus generis, de quo affirmatur conclusio. Idem vero Fundamentum potest sub hac generali propositione comprehendi.

Existentia cujusvis generis inseparabilis est ab existentia unius individui, quod sub ipsa sit.

In hac enim propositione generatim affirmatur relatio *inseparabilitatis*, quæ in argumentatione ponitur speciatim inter-

tercedere inter deductam relationem *existentiæ eorum*, quæ tanquam *genus*, certissima sunt, & incomprehensibilia, & relationem *existentiæ divisibilitatis* &c. quæ divisibilitas tanquam *individuum* accipitur, ejusque existentia est relatio, a qua infertur consecutio.

§. 132.

Tertium exemplum.

1. *Quidquid cogitat, est Spiritus.*
2. *Ergo mens est Spiritus.*

In hac ratiocinatione infertur relatio *Spiritus*. Sed eadem relatio spiritus reperitur expressa in præcedente propositione. Ergo hæc erit Fundamentum ratiocinationis [§. 128. n. 3. 4.] Ideoque subaudienda est propositio, ex qua consequentia infertur. Hæc autem subaudienda propositio facile colligi potest ex ipso Fundamento. Siquidem cum in Fundamento ratiocinationis ostendatur qua ratione ponitur in ratiocinatione ipsa se habere deductam relationem ad relatio-

tem, a qua illa infertur; & speciatim in allatæ ratiocinationis fundamentum, *Quidquid cogitat est Spiritus*, ponitur deductam relationem cogitationis esse inseparabilem a relatione *Spiritus*: hinc intelligimus relationem ipsam cogitationis esse illam, a qua relatio *Spiritus* in consecutione infertur. Quare subaudienda propositio erit, *Mens cogitat*; integra verò ratiocinatio,

1. *Quidquid cogitat, est Spiritus.*
2. *Sed mens cogitat.*
3. *Ergo mens Spiritus est.*

Putamus autem ista sufficere, ad hoc ut in qualibet ratiocinatione propositiones, a quibus infertur consecutio, luculenter distingui possint a Fundamento ratiocinationis, licet hoc, vel aliqua ipsarum relationum subaudienda omittatur.

C A P U T XIV.

*De ratione expendendi ratiocinationum
validitatem.*

§. 133.

VAlidam, & concludentem ratiocinationem dicimus eam, in qua ex veris Præmissis, Fundamento quoque vero, infertur consecutio. Ubi autem in ratiocinatione Fundamentum, vel aliqua ex Præmissis falsitate, vel incertitudine laborat, tunc ratiocinationem dicimus invalidam, inconcludentem, licet propositio inde illata possit aliunde esse vera. Veluti si *Titium esse ratione præditum deduceretur ex eo, quod ipse loquatur*, ex vera præmissa deducta esset vera propositio, sed inconcludenter, ob falsitatem scilicet subaudiendi Fundamenti, quia ex iis, quæ dicta sunt (§. 129. num. 3. 4.) intelligitur in hoc poni relationem *rationalitatis* esse a relatione *locutionis* inseparabilem. Paret igitur in quo veritas deductæ propositionis diffe-

P 1 rat

rat a ratiocinationis validitate, de qua unicè acturi sumus.

§. 134.

ITaque ad expendendam argumentationis validitatem tria imprimis invicem distingui, & probè comprehendi debent. 1. Id quod infertur, nempe conclusio. 2. Id ex quo infertur, nimirum Præmissæ. 3. Quo Fundamento inferatur conclusio ex præmissis.

Consecutio plerumque ita luculenter exposita invenitur in ratiocinationibus, ut nullo labore comprehendi possit. Præmissæ autem, & Fundamentum majorem industriam, & laborem sæpè requirunt, quo benè percipi, & invicem distingui valeant. Nam 1. Aliquando in ratiocinatione subaudiendum omittitur Fundamentum, veluti si quis argumentaretur dicendo:

*Mens cogitat,
Ergo Mens Spiritus est.*

Nam

Nam fundamentum ratiocinationis ;
quod subauditur, est

Quidquid cogitat, Spiritus est.

2. Aliquando subaudiendæ omittuntur
Præmissæ, expresse tantummodò Fun-
damento cum consecutione. Sit exem-
plum.

*Quidquid cogitat, est Spiritus.
Ergo mens est Spiritus.*

Subaudita præmissa, ex qua infertur
consecutio, esset

Mens cogitat.

3. Interdum omnia exprimuntur, sed
confusè ut in hac argumentatione con-
cludente

*Evangelium spondet salutem Chri-
stianis.*

Quidam impii sunt Christiani.

*Ergo Evangelium spondet salutem
quibusdam impiis,*

Si

Si enim hæc argumentatio clarius explicanda esset, diceretur in ea sponsio salutis tanquam facta quibusdam impiis, qui Christiani sunt, inferri ex sponsione salutis ut facta quibusdam Christianis, nempe piis. Et fundamentum ratiocinationis, quod continetur in propositione, *Quidam impii sunt Christiani*, eundem sensum habet, ac si explicatius diceretur: *Sponsio salutis ut facta Christianis, qui sunt impii, est inseparabilis a sponsione salutis facta Christianis qui sunt pii.*

4. Interdum consecutio inferitur reipsa ex unica relatione, quæ licet ideo unica propositione luculenter exprimi possit, pluribus tamen propositionibus obscure enunciata invenitur. Sit exemplum.

Infinita materia divisibilitas comprehendendi non potest.

Infinita materia divisibilitas est certissima.

Ergo sunt quædam certissima, quæ nequeunt comprehendendi.

In hac argumentatione licet consecutio
vi-

videatur deducta ex duabus præmissis ,
ex unica tantummodo relatione reipsa
infertur. Nimirum *existentia eorum*, quæ
certissima sunt , & incomprehensibilia ,
infertur ex *unica existentia divisibilita-*
ris materiæ in infinitum , quatenus ea-
dem divisibilitas certissima est , & in-
comprehensibilis.

5. Contra nonnunquam sub unica pro-
positione composita , vel simpliciter com-
plexa , vel composita simul & comple-
xa exprimi possunt in ratiocinatione plu-
res relationes , ex quibus infertur con-
secutio , quæque relationes adhibitæ to-
tidem propositionibus invicem distinctis ,
luculentius exprimerentur. Ex. gr. In
hac ratiocinatione ;

Titius ceteroquin Vir probus , peri-
tus est eorum , quæ narrat :
Ergo fides habenda est ipsi :

videtur consecutio inferri ex unica re-
latione *peritiæ* , quæ in præmissa ex-
pressè , & data opera affirmatur de Ti-
tio ; cum tamen reipsa inferatur ex dua-
bus relationibus , *peritiæ* scilicet , & *pro-*
bi-

bitatis, quæ sub unica propositione complexa ita de Titio affirmantur, ut altera explicitè, & data opera, altera verò, nempe *probitas*, implicitè tantummodo, & incidenter affirmetur de eodem: adeo ut eadem ratiocinatio clarius exprimeretur dicendo:

Titius est Vir probus.

Titius est peritus eorum, quæ narrat.

Ergo fides habenda est Titio.

§. 135.

QUINQUE igitur videntur esse suprema veluti capita obscuritatum, quæ in distinguendis Præmissis a Fundamento ratiocinationis, iisdemque determinandis occurrere possunt. Quare ad easdem diluendas iterum monemus, Fundamentum ratiocinationis non aliud esse, quam propositio quædam, in qua ostenditur relatio non quidem intercedens, sed quæ a ratiocinante ponitur intercedere inter deductam consecutionem, & Præmissam, vel Præmissas, si plu-

plures fuerint . Ideoque tum ex percepta consecutione cum Fundamento determinari possunt præmissæ relationes , ex quibus ipsa infertur : tum ex percepta consecutione cum Præmissis determinari potest Fundamentum , cui ratiocinatio innititur . Quinimo si fortasse consecutio ipsa , quæ ceteroquin aperte solet enunciari , obscura videri posset , eadem illustrari , & explicatius determinari , comprehendique poterit ex percepto Fundamento cum Præmissis . Enim verò cum ejus relationis , quæ in Fundamento enunciat , termini correlati sint ex parte Consecutio , & ex parte aggregatum Præmissarum , ex quibus ipsa infertur , hinc necessario sequitur , ut datis duobus ex iisdem tribus , tertium semper determinari possit . Nimirum determinabitur *Fundamentum* , si ambo termini correlati ratiocinationis , nempe *consecutio* , & *præmissæ* , fuerint perspectæ : determinari poterit *consecutio* , si *Fundamentum* cum *Præmissis* cognoscatur : si verò cognoscantur *Fundamentum* , & *consecutio* , inde determinari poterunt *Præmissæ* . Ubi notandum , quod
hu.

hujusmodi determinationibus tollitur omnis amphibolia, omneque æquivocum, quæ in ratiocinatione latere possunt.

Regulam hanc fateor facilius intelligi, & perscribi posse, quam observari, si usus deficiat. Veruntamen non parum mihi fecisse videor dum ratiocinandi artem, quæ in scholis saltem intricatissima tradi solet, ad hanc simplicitatem, & claritatem summo labore, animique contentione reducere conatus sum.

§. 136.

POSITIS in claram, apertamque lucem Præmissis, cum Fundamento ratiocinationis, deveniendum est ad examen singularum propositionum, quibus eadem præmissæ, idemque Fundamentum continetur; utrum veræ sint, vel falsæ, vel dubiæ. Nam si propositio, quæ Fundamentum enunciat, fuerit falsa, vel dubia, ratiocinatio erit inconcludens; licet singulæ Præmissæ fuerint veræ, & ceteroquin vera quoque propositio, quæ ex ipsis inferitur. Quia vali-

ditas ratiocinationis requirit ut consecutio ex suis præmissis ritè, hoc est vero Fundamento inferatur: nimirum ut inter Præmissas, & Consecutionem ea relatio intercedat, quæ in Fundamento ratiocinationis ponitur intercedere. Ideo inconcludens esset hæc ratiocinatio:

Aqua est fluida.

Ergo ignis adurit.

Quia licet verum sit aquam esse fluidam; & verum sit ignem adurere, tamen falsum est *ustionem ignis inseparabilem esse a fluiditate aquæ*, sicuti ponitur in Fundamento ratiocinationis reipsa esse *inseparabilem*: potest enim ignis adurere, licet aqua in glaciem esset conereta.

Item invalida, & inconcludens erit ratiocinatio, si altera ex Præmissis fuerit falsa, vel tantummodò dubia, licet verum sit Fundamentum (si tamen in hoc casu verum vocari potest) & cum ipso ceteroquin vera quoque sit propositio ex iisdem Præmissis deducta. Quia deficientē quovis modo Præmissarum veritate,

eo-

codem modo deficit alter ex terminis correlatis ejus relationis, quæ in Fundamento (§. 135.) ponitur intercedere inter præmissas, & consecutionem. Exemplo sit argumentatio, in qua præmissarum altera est dubia.

1. *Gravia naturaliter feruntur ad centrum Universi.*
2. *Sed experientia constat Gravia ferri ad centrum Terræ.*
3. *Ergo idem est centrum Terræ cum centro Universi.*

Relatio, quæ in hac argumentatione inferitur, est *identitas* inter centrum Terræ, & centrum Universi. Et cum hæc illata relatio identitatis nulla ratione inveniatur in prima, neque in altera propositione, ideo nulla ipsarum erit *Fundamentum* ratiocinationis (§. 129. n. 3. 4.) sed ambæ ad Præmissas pertinebunt. His verò diligenter expensis, & comparatis cum ipsa consecutione, inveniatur subaudiendum *Fundamentum* contineri in hac propositione: *Centra, in quæ eadem corpora naturaliter feruntur, eadem sunt.*

Hæc

Hæc enim propositio ostendit qua ratione ponitur in argumentatione se habere consecutionem ad aggregatum Præmissarum: nimirum *identitatem* inter centrum Terræ, & centrum Universi esse *inseparabilem* ab eo quod eadem Gravia naturaliter ferantur tum in centrum Terræ, tum in centrum Universi. His probè perceptis, si deveniatur ad expendendam veritatem primæ propositionis, *Gravia naturaliter feruntur ad centrum Universi*, invenietur eam maxima incertitudine laborare: licet enim experientia constet Gravia ferri ad centrum Terræ, non ideo constat experientia, vel alia ratione quod *eadem Gravia naturaliter ferantur ad centrum Universi*: neque ut vera admitti potest hæc propositio, nisi pro vero ponatur illud ipsum, quod ex eadem, tanquam si esset vera, infertur. Ob hanc igitur incertitudinem ejusdem Præmissæ, inconcludens est ratiocinatio.

Necessarium est igitur ad validitatem ratiocinationis, ut verum sit *Fundamentum* ejusdem, & similiter veræ sint

Q singu-

singulæ *Præmissæ*, ex quibus infertur conclusio.

§. 137.

PORRò quo veritas tum Fundamenti, tum Præmissarum ritè expendatur, pauca quidem, sed maximi momenti, monenda occurrunt.

Generaliter enim magnoperè necessaria est peritia in iis rebus, in quibus expendenda ratiocinatio versatur, cum ab hac unicè peritia ritè comprehendi possit natura earum relationum, de quibus agitur in ratiocinatione, quæque judicari debent utrum reipsa intercedant, vel non intercedant inter suos terminos correlatos, prout inter eosdem enunciantur intercedere, vel non intercedere.

§. 138.

SPECIATIM vero quo de Fundamenti veritate rectè judicemus, notandum est, deductam relationem se habere ad Præmissas simul acceptas *diversa* ratione

ne ac se habeat ad ipsas singillatim sumptas: atque *diversitatem* hanc modò consistere in sola *quantitate*, modò vero consistere posse in *qualitate*. Quare illud, quòd ex præmissis singillatim acceptis, vel ex earum aggregato, altera ipsarum deficiente, inferri potest, nunquam potest inferri ex iisdem omnibus simul acceptis, & vicissim; nisi accurata ratio habeatur ejus *differentiæ*, quæ tum in *qualitate*, tum in *quantitate* occurrere potest in consecutione deducenda.

Exempli Causa. Si *fides* habenda Titio inferatur ex unica relatione *probitatis*, vel ex unica relatione *peritiæ*, quæ de ipso, quamvis recte, singillatim affirmantur; poneretur in Fundamento ratiocinationis, relationem *fidei* habendæ Titio, pendere ab *altera* ex affirmatis relationibus, tanquam ab *integra* causa. Si vero eadem *fides* habenda Titio inferatur ex utraque simul relatione, *probitatis* scilicet, & *peritiæ* eius in his quæ narrat, poneretur similiter in Fundamento ratiocinationis, *fidem* habendam Titio procedere tanquam ab *integra* cau-

sa, ab utraque simul relatione *probata* *is*, & *peritia*. Et tamen alterum ex his Fundamenti falsum est: quia si relatio *fidei* habendæ Viro cuilibet reipsa pendet a *probitate* simul, & *peritia* ejus tanquam ab *integra* causa, ut ratio suadet; non tanquam ab *integra*, sed ut a *pariati* causa, eadem relatio *fidei* pendebit ab altera tantummodo ex iisdem relationibus *peritia*, & *probitalis*. Ejusmodi igitur Fundamenta ubi ritè fuerint expensa, invenientur differre in *quantitate*, ob quam differentiam invalida, & inconcludens est prior ratiocinatio, posterior autem valida, & concludens.

Ex quo discimus, quod in expendenda veritate Fundamenti, habenda est ratio earum omnium relationum, ex quibus consecutio reipsa dependet, non earum tantummodo, ex quibus ponitur in ratiocinatione consecutionem ipsam pendere: altera enim ex computandis relationibus si deficiat inter præmissas, illi cō ratiocinatio est inconcludens, vel ad summum probabiliter concludere interdum potest: veluti quando ex eadem relatione, quæ non de omnibus, sed de plu-

pluribus particularibus ejusdem generis singillatim affirmatur, infertur eandem convenire integro generi ipsorum, quod argumentationis genus vocatur *inductio*.

§. 139.

CUM autem relatio inter consecutionem, & præmissas simul acceptas differt in *qualitate* [§. 138.] a relatione, quæ inter eandem consecutionem, easdemque præmissas seorsim acceptas intercedit; tunc ratiocinatio multò magis inconcludens, & falsa efficitur, quàm si differentia esset in sola *quantitate*. Exemplo sit sequens ratiocinatio.

1. *Elasticitas in corpore impedimento est Gravitati ipsius, ne partes ejus eidem Gravitati liberè cedendo planè diffuant.*
2. *Mutua partium attractio in corpore impedimento est propria Gravitati, ne partes ejus, eidem Gravitati liberè cedendo, planè diffuant.*
3. *Sed aqua est elastica, quia dum*

Q 3

ipsa

ipsa in aquam decidit, resistit;
 & mutua partium attractione
 est instructa, sicuti conspicitur
 quando in glaciem concrescit.

4. Ergo partes aquæ, propriæ Gravitationi resistent, ne ab eadem liberè sollicitatæ planè fluant.

In hac argumentatione, quæ quatuor constat propositionibus, relatio *resistentiæ* inferitur ex duabus relationibus *Elasticitatis*, & *Attractionis*, quæ in tertia propositione composita (§. 134. n. 5.) affirmantur de aqua, quæque singillatim explicantur in prioribus propositionibus (§. 134. n. 4.) Fundamentum verò ejusdem ratiocinationis, quod in ea subaudiendum omittitur, est: *Deductam resistentiam inseparabilem esse ab iisdem viribus elasticitatis, & attractionis simul acceptis in eodem corpore.*

Quo igitur hujus Fundamenti veritas rectè judicetur, expendendum est, utrum *resistentia* illa, quæ ab iisdem viribus *singillatim acceptis* ritè posset inferri, possit similiter ritè inferri ab iisdem *simul acceptis* in eodem corpore. Vide-
 tur

tur autem resistentia illa inferri minime posse, sicuti inferitur in allata ratiocinatione. Quia cum eadem vires operentur in corpore directionibus prorsus oppositis; *Elasticitas* enim urget corporis partes a centro ad circumferentiam ejus; mutua autem partium *Attractio* easdem urget a circumferentia ad centrum: hinc sequitur ut eadem vires, ubi fuerint in eodem corpore æqualiter intensæ, se se mutuo propter oppositas directiones librent. Quare in ipsarum æquilibrio, resistentiæ illæ, quas eadem Vires singillatim acceptæ facerent Gravitati corporis, mutuo destruerentur; & ideo partes ejusdem corporis liberè cedendo propriæ Gravitati planè fluere: sicuti ob hujusmodi æquilibrio planè fluere partes fluidi corporis ostendimus in alio opere, italico sermone conscripto, cui titulus: *Risposta apolog. sopra il commer. degli Olj navigati pag. 227.* Falsum est igitur Fundamentum propositæ ratiocinationis: quia Vires *elasticitatis*, & *attractionis* ubi simul accipiuntur in eodem corpore insitæ, diversum, planeque oppositum edere possunt effectum ei, qui

ab iisdem ederetur , si singillatim agerent, & singillatim acciperentur . Nam singillatim acceptæ *semper aliquo* impedimento sunt Gravitati corporis; simul autem acceptæ, *possunt nullius* impedi-
menti esse eidem Gravitati.

Hæc sunt potiora, quæ in expenden-
da ratiocinationum validitate observari
debent , & nobis declaranda esse duxi-
mus . Nunc verò quo eadem monita il-
lustribus applicentur exemplis, sit

C A P U T X V .

*Expositæ superiori capite leges , quibus
expendendæ sunt ratiocinationes,
illustribus applicantur
exemplis .*

UT nostræ in expositis regulis do-
ctrinæ veritas, utilitate ejus perspe-
cta, comprobetur , nonnullæ doctissimo-
rum Virorum ratiocinationes tradita me-
thodo ad trutinam sunt revocandæ, quas
inter potiori jure eæ nobis seligendæ vi-
dentur , in quibus ii, si nonnunquam
(quod humanum est) claudicaverint, cum
hoc

hoc ipso, quo doctrina, auctoritate, & æterna sibi comparata fama aliis præstant, facilius tardioris ingenii homines sola præclari nominis specie secum in errorem abripere possint, uberioris ideofructus spem nobis relinquunt. Neque levibus his veluti nævis immortalitati nominis eorum arbitramur detractum, qua jam tantorum laborum consecutis fructibus apud litterariam Rempublicam secunda in statione fruuntur.

§. 140.

CLarissimus Polenus in egregio *De Castellis &c.* Libro num. 118. experimentum, & ratiocinationem ab ipso super idem experimentum factam hisce verbis describit.

„ Vas in quo erat gelatum sebum ad
„ altitudinem unciarum sex, æquabili
„ pavimento clavis confixeram ea ratione,
„ ut sevi summa superficies, quæ
„ plana erat, a pavimenti superficie æqualibus
„ ubique distaret intervallis.
„ Curaveram fieri duos globos æquales:
„ quorum alter ex plumbo erat, alter
„ ex

„ ex orichalco, & hic partes medias tan-
 „ tillum habebat cavas, ut cum ille pen-
 „ deret pondo libras duas, hic unam
 „ penderet. Hi globi & lacunariis ap-
 „ pensis erant, ut impenderent Vasi, in
 „ quo sebum; distarent autem a sevi
 „ superficie iis intervallis, ut levioris
 „ globi a sevi superficie distantia dupla
 „ esset distantiae globi gravioris. Re-
 „ sistis deinde filis, globi in sebum ca-
 „ dentes ad perpendicularum foveas si-
 „ miles, ac prorsus æquales fecerunt in
 „ ipso sevo: indicio manifestissimo, cor-
 „ pus libræ cadendo emetiens spatium,
 „ quod exprimitur binario numero, an-
 „ tequam redigatur ad quietem, edere
 „ effectum æqualem illi, quod edit bi-
 „ libre corpus, quod cadendo spatium
 „ emetitur unitate exprimendum. Se-
 „ quitur itaque ut statuatur: tunc æ-
 „ quales vires corporum cadentium
 „ esse, cum ipsorum propria pondera
 „ rationem habent reciprocā ejus,
 „ quam habent spatia ab iisdem corpo-
 „ ribus cadendo emensa.
 „ In hac argumentatione El. Autor æ-
 „ qualitatem Virium vivarum, ab unica
 „ esse-

effectuum, nempe fovearum æqualitate infert. Atque hoc argumento tantum ponderis ad novam Leibnitii opinionem circa Virium vivarum quantitatem æstimandam addidit, ut quæ hætenus in contrarium ad eludendam hujus argumenti vim ab antiquæ opinionis sectatoribus dicta sunt, minimè satisfacisse videantur.

Inquirendum sit igitur, nostra ratiocinationes expendendiratione, utrum exposita doctissimi Autoris ratiocinatio bene concludat.

§. 141.

AD hoc præstandum notamus, in ratiocinatione ipsa pro Fundamento poni *illatam Virium vivarum æqualitatem inseparabilem esse ab enunciata effectuum, nempe fovearum æqualitate.*

Sed hæc propositio, quæ Fundamenti loco est, facile intelligitur esse quidem vera, sed ubi tantummodo cæteræ circumstantiæ sint pares. Ubi enim æquales effectus *resistentiis inæqualibus* eduntur, illorum æqualitas non modo *inse-*
pa-

parabilis non est ab æqualitate Virium efficientium, sed cum eadem æqualitate Virium est prorsus *incompatibilis*. Nam ibi ad æquales producendos effectus, æquales requiruntur Vires, ubi æquales inveniuntur resistentiæ in iisdem edendis: ubi autem major resistentia est, ibi quoque major Vis necessaria est, ut æqualis obtineatur effectus.

In expositis autem cadentium globorum circumstantiis negari non potest eandem sebaceam, mollemque substantiam magis resistere leviori, quam graviori globo, quia ab illo ut altius delapso, majori celeritate, quam ab eo, qui minus ab alto cadit, permeatur. Unius enim ejusdemque permeandi corporis resistentia, ceteris paribus major est, in quadam proportionem, quo majori celeritate idem impellitur, & permeatur: adeo ut aqua ipsa licet propria fluiditate sit valdè meabilis, tamen duri corporis instar resistat, & in oppositam reflectat plagam plumbeum globum, si obliquè in ipsam celerrimè, hoc est impetu accensum pulveris pyrii globus ipse è tormento bellico ejaculetur.

Cum

Cum igitur inæquales sint resistentiæ, quibus in eodem Sebo æquales efficiuntur foveæ, erit deducta *æqualitas* Virium efficientium prorsus *incompatibilis* cum affirmata *æqualitate* fovearum, non autem ab ipsa *inseparabilis*, ut minus rectè ponitur in Fundamento ratiocinationis: & ideo Fundamentum ipsum falsum erit, & inconcludens ratiocinatio.

Quinimo si ratio habeatur detectæ *inæqualitatis* resistentiarum, simul & *æqualitatis* fovearum, invenietur inferendum esse ex his duabus relationibus, non modò *inæquales* esse Vires efficientes, sed Vim vivam celerioris globi *majorem* esse Vi alterius globi.

Quare si globus celerior vocetur A, alter verò B, dicendum erit Vim vivam globi A majorem esse Vi globi B, quando pondus globi A est ad pondus globi B in reciproca ratione spatiorum, quæ ipsi globi cadendo emetiuntur.

Ideoque Vis globi A tunc erit æqualis vi globi B, quando pondus globi A erit ad pondus globi B in minori ratione quàm sit reciproca ratio spatiorum: vel quando spatium quod emeti-

tur

tur globus A, erit ad spatium, quod emittitur globus B, in ratione minori, quam sit reciproca ratio ponderum eorundem corporum.

Hinc ubi hæc corpora fuerint pondere æqualia, erit Vis globi A, ad Vim vi-
vam globi B, in ratione minori, quam sit directa ratio eorundem spatiorum: nempe quam sit directa ratio quadratorum earum celeritatum, quas corpora ipsa cadentia obtinent in fine motus.

En igitur quæ diversitas consecutionum oritur ex facta vel omitta computatione resistantiarum inæqualium, quibus in eodem Sebo efficiuntur æquales foveæ a globis volumine æqualibus, sed quorum celeritates sunt in reciproca sub-
multiplicata ratione ponderum.

§. 142.

Altera, quam expendendam assumimus, ratiocinatio in eodem subiecto versatur, ac superior. Est enim eorum Mathematicorum, qui generatim Vires omnes, nempe Momenta ejusdem, vel æqualium Potentiarum de-

demonstrare contendunt esse in simplici ratione celeritatum; idque methodo *Æquè multiplicium*, qua Euclidem in quantitibus extensis, & præcipuè *propof. 1. lib. 6. Elem.* egregiè usum fuisse iudicamus. Ad maiorem claritatem eorum quæ dicturi sumus, integram demonstrationem cum sua Propositione fideliter referam, quam num. 4. cap. 2. in Institutionibus Mechanicis italico sermone edidit insignis Geometra Clarissim. Guido Grandius Præceptor meus, quem inter Geometras summo semper in honore habui.

„ *Propositio.*

„ Si eadem, vel æquales Potentiæ ad
 „ movendum corpus, vel motui resistan-
 „ dum applicentur celeritatibus V, C ,
 „ earum Momenta M, P proportiona-
 „ lia erunt dictis celeritatibus.

„ *Demonstratio.*

„ Ut enim data Potentia, velocitate
 „ V agens, habet momentum M ; ita
 „ alio æquali velocitatis gradu, haberet
 „ aliud

„ aliud æquale momentum ; adeo ut
 „ sumpta qualibet velocitate ipsius V
 „ multiplici, veluti 3. V, æquè multi-
 „ plex ipsius M obtineret momentum
 „ 3. M. Similiter si eadem, vel æqua-
 „ lis Potentia, quæ dum celeritate C
 „ operatur, habet momentum P, ap-
 „ plicetur ad operandum celeritate mul-
 „ tiplici ipsius C, puta 4. C, momen-
 „ tum æquè multiplex ipsius P obtine-
 „ ret, nempe 4. P. Prout autem mul-
 „ tiplex celeritas 3. V fuerit major,
 „ vel minor, vel æqualis multiplici ce-
 „ leritati 4. C, multiplex quoque Mo-
 „ mentum 3. M fieret majus, vel mi-
 „ nus, vel æquale Momento 4. P. Cum
 „ ergo æquè multiplicia antecedentium
 „ V, & M, ita conveniant in excessu,
 „ defectu, & æqualitate cum æquè mul-
 „ tiplicibus consequentium C, P, erit
 „ celeritas V ad celeritatem C in ea-
 „ dem ratione momenti M ad momen-
 „ tum P. Quod erat &c.

In prima hujus demonstrationis pe-
 riodo hæc ratiocinatio habetur. Nimi-
 rum ex eo quod eadem Potentia, quæ
 data velocitate agens, datum momen-
 tum

tum

tum obtinet, semper æquale momentum exerat, quoties æquali celeritate operatur; infertur eandem Potentiam tam multiplex prioris obtinere momentum, quam multiplex prioris celeritatis est celeritas, qua ad agendum applicatur.

Hujus vero argumentationis Fundamentum consistit in hac propositione: quod scilicet *Quantitas objecti ex pluribus æqualibus objectis compositi sit ut componentium objectorum numerus*. Expendendum est igitur utrum hæc generalis propositio sit absolute vera, ut in ratiocinatione ponitur.

§. 143.

QUando plura objecta æqualia sunt in unum composita, in hoc objecto ex illis composito consideratur vel extensio, vel intensio [§. 32.]

Si ad *extensionem* attendatur, nemo inficias ibit quantitatem extensam objecti compositi esse tam multiplicem unius ex æqualibus componentibus extensionibus, quam multiplex est unitatis, numerus earundem componentium exten-

R

sionem

sionum, sive, ut Nevvtoni phrasi utar, *Quantitatem extensam objecti compositi ex æqualibus objectis, esse ut numerus æqualium componentium extensionum*. Id ratio, & experientia docent. Et ideo demonstratio prop. 1. lib. 6. Elem. Eucl. quia in hac propositione tanquam in Fundamento ratiocinationis innititur, valide concludit.

Si autem in objecto ex æqualibus objectis composito consideretur *intensio*, ut in casu nostro contingit, quia de celeritatibus, & momentis, sive viribus agitur, rem ad minus plurimum incertam esse, observationibus, & experimentis ita comprobamus.

In radiis solis, præter extensionem, duplex intensiois genus notatur, nimirum intensio *lucis*, & intensio *caloris*, quarum utraque circiter æquè sensibilis est. Si vero solares radii a Luna percussi, & Villetiano speculo ustorio in unum collecti, & compositi expendantur relatè ad ipsorum intensiones, intensio-
nem *lucis* fermè intollerabilem, *caloris* autem intensio-
nem nedum mobilissimo
thermometro sensibilem ipsos edere invenitur.

nitur. Ergo in eodem radio Solis ex pluribus æqualibus radiis composito alia ratione augetur intensio lucis, alia autem intensio caloris; si tamen hæc in allato experimento aucta dici potest. Proindeque quantitas intensa objecti ex pluribus æqualibus objectis compositi, non est semper ut numerus æqualium componentium objectorum: nempe intensio ex pluribus æqualibus intensiionibus composita non semper est tam multiplex unius ex æqualibus componentibus intensiionibus, quam unitatis multiplex est numerus earundem componentium intensiionum. Atque ideo Fundamentum, in quo exposita ratiocinatio innititur, planè incertum est, & ratiocinatio ipsa demonstratioque idcirco inconcludens haberi debet.

Hinc Mathematici omnes, & speciatim Geometræ, & Algebristæ, quibus consuetudo maxima est a diversis quantitatum affectionibus abstrahere, animadvertant necesse est, quam necessarium sit earundem sedulo rationem habere; cum interdum ratiocinationes, quæ in quantitativis extensis benè concludunt,

R 2

incon-

inconcludentes, & fallaces inveniri possunt ubi de quantitativibus intensis agitur.

§. 144.

Tertium Exemplum.

IN laudatissimo Tractatu geometrico, quem de motu aquarum, italico edidit idiomate Cl. Vir Guido Grandius, sequens habetur propositio sub num. XXV. quam in latinum conversam cum sua demonstratione fideliter sic refero.

„ *Propositio XXV.*

„ Momenta, siue vires motrices fluentium aquarum sunt in ratione composita ex ratione sectionum, & duplicata ratione celeritatum.

„ *Demonstratio.*

„ Cum generatim momenta, siue vires motrices sint in ratione composita quantitatum materiae mobilis, & celeritatum, quibus eadem materia
„ mo-

„ moventur : in nostro autem casu ma-
„ teria, quæ movetur, sit fluens aqua,
„ cujus quantitas est in ratione compo-
„ sita sectionum, & celeritatum ob prop.
„ V. hinc si ratio celeritatum, quibus
„ moventur aquæ, iterum addatur, ha-
„ bebatur rationem momentorum, sive
„ virium motricum fluentis aquæ esse in
„ ratione composita ex simplici ratione
„ sectionum, & duplicata ratione cele-
„ ritatum, quæ est ratio quadratorum
„ earundem celeritatum.

In hac demonstratione hæc habetur
argumentatio . Nimirum ex eo quod
momenta, viresque motrices sint gene-
ratim in ratione composita ex rationi-
bus quantitatum materiæ motæ, & ce-
leritatum, quibus eadem materia move-
tur; infertur momenta viresque fluentis
aquæ esse in ratione composita ex sim-
plici ratione sectionum, & duplicata ra-
tione celeritatum.

In hujus ratiocinationis Fundamento
(§. 135.) generatim ponitur deductam
consecutionem esse a præmissa proposi-
tione inseparabilem: speciatim verò po-
nitur in eodem, quantitatem materiæ

R 3

prout

prout per datam sectionem fluit, æqualem esse quantitati materiæ fluidæ prout hæc pari celeritate, ac illa fluendo ita impingit in superficiem æqualem dictæ sectioni, ut ob ejus quantitatem augere possit impetum. Ut autem ad examen ratiocinationis veniamus, postremam, specialemque Fundamenti positionem unice perpendemus, utpote quæ latentem anguem continere videtur.

§. 145.

Quantitas materiæ fluidæ prout per datam sectionem successive fluit, est in ratione composita ex quantitate ipsius sectionis, & ex quantitate celeritatis qua illa fluit. Nam quo amplior est sectio, eo major, cæteris paribus, inde fluit quantitas materiæ. Et similiter quo major est celeritas qua per datam sectionem fluit eadem species materiæ, eo major est materiæ quantitas, quæ inde fluit: quantitas enim materiæ fluentis semper accipitur relatè ad eam temporis durationem, sine qua nullus fluxus concipi potest; & ideo ob hanc dura-

durationem habenda est ratio celeritatum: quia licet durationes fluxuum sint æquales, tamen in ipsis durationibus, inæquales materiæ quantitates per æquales sectiones fluunt pro varia celeritate eorundem fluxum.

Quantitas autem fluidæ materiæ prout in datam superficiem fluendo quantitatem impetus augere potest, semper est in simplici ratione superficiæ impactæ, ut ostendemus, dummodo eadem materia sit per externam, mechanicamve pressionem incondensabilis, ut est aqua. Nimirum in computanda *quantitate fluidi*, prout hæc in datam superficiem fluendo, quantitatem impetus augeat, habenda est ratio tantummodo superficiæ impactæ, non autem celeritatis, qua eadem impingitur, licet hæc celeritas computanda sit in æstimanda quantitate impetus. Siquidem celeritas aquæ fluentis in datam superficiem, augeat quidem quantitatem aquæ in eandem superficiem per datam temporis durationem impingentis; sed hoc augmentum quantitatis aquæ ita impingentis, nullo modo augeat quantitatem impetus: quia dum partes

R 4 aquæ

aquæ fluendo impingunt, eo minoris durationis pressionem singulæ exerunt, quo celerius fluendo, celerius sibi succedunt. Atque ideo dum in quolibet intervallo temporis, prementium aquarum multitudini, ob majorem celeritatem auctæ, semper respondet minor singularum pressionum duratio, efficitur ut exacta compensatione facta, major aquarum quantitas illa, quæ ob auctam celeritatem ad impellendam superficiem dato temporis intervallo adfluit, nullo modo possit intensiorem pressionis augere. Quare in computanda quantitate fluidi prout in datam superficiem fluendo, quantitatem impetus auget, habenda est tantummodo ratio quantitatis superficiiei impactæ, non autem celeritatis qua eadem superficies impingitur. Nimirum quantitas fluidi prout idem fluendo impingit in datam superficiem, est in simplici ratione superficiiei impactæ, nec ratio celeritatis, qua fluidum ipsum impingit, computari debet in æstimatione quantitatis aquæ impingentis, quatenus ob eandem quantitatem augeri potest impetus fluidi.

§. 146.

HOc ipsum fortasse clarius, & generaliter ita confirmari potest.

Momentum, quo fluida materia resistentem superficiem fluendo urget, idem est cum momento, quo eadem superficies ab eadem fluente materia urgetur. Sed pressio quam sustinet data superficies, eadem prorsus est sive ab unius, constantisque materiae quantitate æqualiter urgeatur per datum temporis intervallum, sive per æquale, idemve temporis spatium successive urgeatur a pluribus materiae quantitatibus priori æqualibus, quæ nisibus quoque priori nitui singillatim æqualibus se invicem quavis celeritate succedant. Ergo a fortiori vel majori, vel minori celeritate sibi succedant æquales fluidæ materiae quantitates, quæ nisibus, si fieri posset, æqualibus in eandem superficiem per idem temporis intervallum fluendo impingunt, eandem semper pressionem superficies ipsa sustinebit.

Quod luculentius explicari potest exemplo

plo circularis arcus, qui ex elastico, flexibilive chalybe fit confectus. Nam si hic externè apprimatur tabulæ, atque circa immotum sui centrum, modò majori, modò minori celeritate in eodem Plano revolvatur, eandem semper quantitatem pressionis in tabulam ipsam ab eodem compressam inducet, licet dum majori celeritate arcus ipse revolvitur, majores numero partes ejus successivè applicentur comprimendæ tabulæ, atque ideo tabula ipsa a majori quantitate materiæ per æquale temporis spatium comprimatur, quam ubi minori celeritate arcus ipse revolvitur. Siquidem motus ille, quo partes arcus successivè applicantur, & apprimuntur Tabulæ, efficit ut in quolibet indivisibili instanti temporis tabula ipsa ab æqualibus semper partibus arcus comprimatur.

Quare in æstimanda quantitate materiæ fluentis, quatenus in datam superficiem fluendo, quantitatem impetus, vel pressionis augere potest, inconsultò habetur ratio ejus celeritatis, qua ipsa materia ad impellendam superficiem successivè applicatur.

§. 147.

Alia igitur ratione computari debet quantitas fluidi prout hoc per datam sectionem effluit; alia autem ratione quantitas ejusdem fluidi prout hoc impingente, ipsa quantitatem impetus auget. Illa est in ratione composita sectionis, & celeritatis, qua per eandem sectionem fluidum effluit: hæc autem est in simplici ratione superficiei in quam fluendo impingit.

Atque ideo falsa est positio, quæ in præfatæ ratiocinationis Fundamento speciatiim habetur: nimirum falsò in ea ponitur quantitatem aquæ per datam sectionem fluentis æqualem esse quantitati aquæ prout in superficiem parem eidem sectioni impingit, & impingendo vim impetus auget.

Hinc celeberrimi Viri exemplo discant Mathematici rationes tum physicas, tum alius generis haud negligere in demonstrationibus suis, in quibus locum habent. Veritas enim cujusvis Theorematis, quod evidenter demonstratum vi-

pe-

detur, applicari ad peculiare casus non debet, nisi quando eadem ratio, ob quam verum est Theorema, pro ipsis militat. Dixerat in eodem Tractatu prop. V. laudatus Auctor quantitates aquarum per diversas sectiones ejusdem, vel diversorum Fluminum esse in ratione composita sectionum, & mediarum celeritatum, quibus fluunt. Rem ita se habere evidenter demonstravit; sed Geometrarum more, rationem ob quam res ita se habet, prorsus neglexit. Hac vero neglecta, veritatem demonstrati Theorematis usurpavit in peculiari casu impellentis aquæ, in quo nec eadem Theorematis ratio, atque ideo neque veritas ejus, locum habere potest. Idcirco humani aliquid passus est, & summa, qua pollebat auctoritate nominis, alios, eosque doctos Viros in errorem traxit.

§. 148.

Quartum Exemplum.

Quarta expendenda ratiocinatio sit communis illa Mechanicorum, in qua

qua corpus in Plano inclinato ita constitutum ut linea directionis, nempe recta, quæ a centro gravitatis ejusdem perpendiculariter ducitur ad horizontem, cadat extra basim ejusdem corporis, inferunt ex hac positione ipsius lineæ, semper descendere cum volutatione.

In hac argumentatione ex unica præmissa relatione *casus* descriptæ lineæ *extra basim corporis* videtur deducta esse consecutio, relatione *rotationis* ejusdem corporis.

Veruntamen re diligentius expensa, duæ sunt relationes in eadem argumentatione, ex quibus consecutio reipsa dependet. Nimirum 1. *Inclinatio Plani*. 2. *Casus* descriptæ lineæ *extra basim* corporis. Has igitur relationes prius singulatim, postea coniunctim considerabimus [§. 138. 139.]

Quando recta linea, quæ a centro gravitatis corporis ducitur perpendiculariter ad horizontem, cadit *extra basim* ejusdem corporis, corpus ipsum etiamsi esset in Plano horizontali, nempe etiamsi non consideretur *inclinatio Plani*, semper revolvitur a propria gravitate debet.

bet. Rotatio igitur corporis est consecutio, quæ ab unica relatione *casus* descriptæ lineæ *extra basim* ejusdem corporis ritè infertur.

Si verò expendatur unice *Inclinatio Plani*, in quo corpus sustinetur; nimirum si corpus fuerit quidem in Plano inclinato, sed cum linea directionis trans-eunte per basim ejusdem corporis, corpus ipsum debet unico motu non quidem rotationis, sed lapsus descendere: scilicet *lapsus* corporis est consecutio, quæ ab unica *Inclinatione Plani* rectè infertur.

Hæc de Præmissis singillatim. Easdem nunc simul consideremus.

§. 149.

SI ergo ab unica *Inclinatione Plani* infertur *lapsus* corporis; ab unico vero *casu* lineæ directionis *extra basim* infertur revolutio corporis; hinc ab utraque simul relatione, *Inclinationis* scilicet Plani, & *casus* lineæ directionis *extra basim* corporis, utraque simul consecutio *lapsus*, & *rotationis* corporis infertur de-

debebit, dummodo aliundè certò constet præmissarum relationum conjunctionem minimè obstare quominus eadem duplex consecutio *lapsus*, & *rotationis* simul in eodem corpore, eodemque tempore sequantur.

Prosequamur igitur examen, inquirendo utrum *Inclinatio Plani*, & *Casus* descriptæ lineæ extra basim corporis, possint ita se se mutuo afficere, ut effectus unius effectum alterius impedire ullo modo valeat.

Corpus in Plano inclinato positum naturaliter provolvi circa inferiorem partem ejus non potest, quin pars ejus prominens *deprimatur* versus Planum, opposita verò, superiorque pars, quæ Planum tangit, supra ipsum *elevetur*. Hisce verò oppositis corporis partibus, quæ in provolutione peculiaribus aguntur motibus, & quidem directionibus oppositis, dum altera *deprimitur*, altera *elevatur*, æquè communis est motus *lapsus*.

Ergo si trita Mathematicorum sententia attendatur, qua docent *Motus particulæ minimè variari a motu communi*, concludendum erit peculiare motus
tum

tum *depressionis* in parte corporis prominente, tum *elevationis* in opposita corporis parte, quæ plano immediatè innititur, minimè impediri a communi motu *lapsus*, quo integrum corpus ob inclinationem Plani æqualiter afficitur. Ideoque secundum expositam Mathematicorum sententiam, corpus in Plano inclinato positum, quando linea directionis cadit extra basim ejusdem corporis, debet in Plano inclinato descendere motu composito ex utroque motu, *lapsus* scilicet, & *provolutionis*. Quæ consecutio licet ab exposita Mathematicorum doctrina profluat; a nemine, quod sciam, hætenus deducta fuit; cum communiter censeatur corpus, quod in Plano inclinato descendendo provolvitur, unico rotationis motu descendere.

Veruntamen cum in explicanda ratiocinandi arte quidquam pro certo admittere pudeat, de quo vel tantillum dubitari posset, expendendum nobis est utrum præfatum Mathematicorum Axioma, quod scilicet *Motus particulares minimè variantur a motu communi*, locum habeat in casu nostro: nimirum utrum
in

in corpore, quod in Plano inclinato positum, tendit ad provolutionem sui, partes ejus, tum quæ in ipsa provolutione elevari, tum quæ deprimi deberent, minime impediuntur a motu lapsus, utpotè quæ omnibus iisdem corporis partibus æquè communis est.

§. 150.

DUm igitur corpus est in Plano inclinato ita constitutum, ut linea directionis ejus cadat extra basim ejusdem corporis, patet hoc revolvi non posse, nisi prominens pars ejus inclinetur versus Planum; opposita autem, quæ Planum ad superiora tangit, supra ipsum eodem tempore elevetur. Ergo impetus, quem ob motum lapsus concipit *deorsum versus* pars corporis, quæ in rotatione est *elevanda*, aliquo impedimento erit eidem elevandæ corporis parti, ne supra Planum in rotatione elevetur.

Eundem quoque corporis lapsum aliquo impedimento esse inclinationi pro-

S

mi-

minentis, deprimendæque corporis partem, sic ostendimus.

Motus ille, quem prominens, deprimendæque in rotatione pars corporis concipere potest ob rotationem, circularis est: directio verò secundum quam eadem pars prominens fertur ob impetum concepti lapsus, parallela est Plano inclinato, & circulum tangit ab eadem prominente parte describendum ob rotationem. Ideoque in primo instanti circularis hujus motus, impetus ab eadem prominente parte corporis conceptus ratione lapsus, vices in ea gerit cujusdam veluti Vis centrifugæ, quia directio lapsus initium describendi circuli tangit. Ergo circulari quoque inclinationi deprimendæ corporis partis, aliquo impedimento esse debet conceptus ab ea impetus ratione lapsus.

Impetus igitur, quo corpus in Plano inclinato positum semper labitur, aliquo semper impedimento est rotationi ejusdem corporis tum relatè ad partem ejus, quæ in provolutione debet elevari, tum relatè ad aliam, quæ in eadem pro-

provolutione deprimenda est. Atque ideo locum minimè habere videtur in hoc casu communis illa Mathematicorum doctrina; qua generatim docent motus particulares minimè mutari a motu communi: (a)

§. 131.

Superest inquiramus, & expendamus utrum impedimentum illud, quò in Plano inclinato afficitur provolutio corporis ab impetu lapsus ejusdem corporis; sit semper a rotante Visuperabile; adeo ut corpus in Plano inclinato positum semper in eo provolvi debeat, ut

S 2 do-

(a) „ Axiomata, quæ in usu sunt; ex tenui & „ manipulari experientia, & paucis particularibus, „ quæ ut plurimum occurrunt, fluxere; & sunt se- „ rè ad mensuram eorum facta, & extensa: ut nil „ mirum sit, si ad nova particularia non ducant. „ Quod si fortè instantia aliqua non prius animad- „ versa, aut cognita se offerat, Axioma distinctio- „ ne aliquà frivola salvatur, ubi emendari ipsum „ verius foret. “ *Francis. Bacon de Verul. Novum Or- ganum Aphorif. XXV.*

docent Mathematici, quoties linea directionis, quæ scilicet a centro Gravitatis corporis ducitur perpendiculariter ad horizontem, transit extra basim ejusdem corporis.

Vis qua provolutio corporis in Plano inclinato editur, æqualis est excessui ponderis deprimentæ partis corporis in rotatione, supra pondus elevandæ partis ejusdem corporis in rotatione ipsa.

Sed hujusmodi excessus ponderis deprimentæ partis, licet eadem maneat quæcunque Inclinatio Plani, potest pro varia corporis figura, & positione, non modò in infinitum minui, sed etiam in infinitum accedere ad æqualitatem cum absoluta corporis gravitate.

Vis autem, qua corporis lapsus in Plano inclinato promovetur, licet eadem, quæcunque corporis figura, positioque perseveret, potest pro varia inclinatione Plani non modò in infinitum accedere ad æqualitatem cum integra, absoluta ve gravitate corporis; sed etiam eadem absoluta gravitate corporis effici in infinitum minor.

Ergo

Ergo Vis, qua corpus in Plano inclinato tendit ad provolutionem poterit esse tum major, tum minor Vi, qua corpus ipsum labitur. Atque ideo impedimentum illud, quod ab impetu lapsus inducitur in rotationem corporis, modo superari, modo non superari poterit pro varia inclinatione Plani, & pro varia positura, vel figura corporis, ab ea Vi, qua provolutio ejusdem corporis promovetur.

Quare ubi corpus ita constitutum est in Plano inclinato, ut linea directionis ejus cadat extra basim corporis, corpus ipsum duplici motu, lapsus scilicet, & provolutionis, descendet, si a rotante Vi superari poterit impedimentum, quod ab impetu lapsus corpus ipsum concipit: si autem impedimentum ipsum ab eadem rotante Vi corporis superari non poterit, descendet corpus ipsum unico motu lapsus, etiamsi linea directionis ejus cadat extra basim corporis.

Minus itaque rectum videtur habendum esse, quod communiter docent Mathematici: corpus scilicet in Plano in-

clinato ita constitutum, ut linea directionis ejus transeat extra basim ejusdem corporis, semper debere cum sui revolutione descendere.

§. 152.

HÆc vero mirifice consentiunt inauditis antehac experimentis, quæ ab accuratissimis Neapolitanæ Scientiarum Accademiæ Sociis habita sunt; quæque referuntur in Notis ad Elementa Physicæ Petri van Musschenbroekii, Neapoli edita tom. 1. pag. 124. his verbis.

„ Quando corpus per longitudinem
 „ plani inclinati labendo descendere debet,
 „ quando verò se ipsum volutans
 „ do, non aliter a nostro Auctore
 „ (*Musschenbroekio*) definitur, quam
 „ communiter recepta Mechanicorum
 „ regula: tum scilicet corpus labendo
 „ descendere, cum linea directionis intra
 „ basim cadit; quod si extra basim eadem
 „ directionis linea decidat, tum corpus per
 „ plani inclinati longitudinem volutari.
 „ Ad incudem in nostra hac Scientia-
 „ rum

rum Accademia isthæc revocata est
regula, plurimisque institutis experi-
mentis, non satis accurate eam re-
pondere observatum: deprehensa sunt
enim corpora per plani inclinati lon-
gitudinem labendo descendisse, etsi
extra eorundem basim linea directio-
nis decideret. “

Sed jam de his satis. Hujus enim pos-
tremi Capitis exempla non pro Philoso-
phiæ initiandis declaravimus, sed pro iis
tantummodò, qui jam in ea non parum
profecerunt: atque in eum præsertim
finem, ne videretur huiusmodi Logica
intra Logicam ita concludi, ut ad alias,
easque majoris momenti Facultates trans-
ferri illius usus minime possit.

Post hæc, Deo dante, de Viribus cor-
porum (§. 63.) in alio opere differe-
mus, ubi expensis primo eorum qualita-
tibus, ad quantitates (§. 27.) postea
earundem qualitarum devenietur; atque
ita Institutiones physicas, mechanicæ In-
stitutiones excipient. Interim primam
hanc huius operis editionem pro infor-
mi tantum, ac rudi tabula haberi vel-
lem,

280 *Introductio ad Philosophiam.*

lem, donec Virorum doctrina præstantium judiciis ac censuris libenti animo exceptis, & expensis, idem emendatum, & fortasse auctum in altera editione iterum in lucem proferam.

F I N I S.

NOI REFFORMATORI

.. Dello Studio di Padoa.,.

A Vendo veduto per la Fede di Revisione, & Approbazione del P. Fra Paolo Tomaso Mannelli Inquisitor General del Santo Officio di Venezia nel Libro intitolato *Nova, & Generalis introductio ad Philosophiam &c. auctore Claudio Fromond in Pisano Lyceo Philosophia Professore*. MS. non v'esser cos' alcuna contro la Santa Fede Cattolica, & parimente per Attestato del Segretario Nostro, niente contro Principi, & buoni costumi, concedemo Licenza a Giuseppe Bertella Stampator di Venezia, che possi esser stampato, osservando gl'ordini in materia di Stampe, & presentando le solite Copie alle Pubbliche Librarie di Venezia, & di Padoa.

Data li 6. Settembre 1747.

(
(Barbon Morosini Cav. Proc. Reff.
(Andrea Foscarini Reff.

Registrato in Libro a Carte 10. al Num. 73.
Michiel Angelo Marino Seg.

Registrato al Mag. Ecc. contro la Bestemmia.
Francesco Gadaldini Seg.

Er-

*Errata.**Corrige.*

Pag.	lin.		
37.	16.	alitudinis	altitudinis
41.	1.	vero si-	verosimilitudinis
47.	16.	si autem eorumdem	si autem in eorumdem
67.	4.	maiores	maiores
114.	14.	infantia	infantia
115.	5.	comparationes	comparatione
121.	12.	praetium	pretium
140.	8.	determinatur	determinetur
147.	25.	interdum: efficitur	interdum efficitur
177.	21.	antiqui litteris	antiquis litteris
223.	11.	indicati	indicati



005653542

